



R. 10

Conte le fait de
bois de Benard
S. Simon

8-9-56

Don't miss

Don't miss

METAMORPHO-

SES OVIDII, ARGVMEN-

tis quidem soluta oratione, Enarrationibus

autem & Allegoriis Elegiaco versu

accuratissimè exposita, summaq;

diligentia ac studio

illustrata, per

M. IOAN. SPRENGIVM AVGVSTAN.

Vnà cum artificiosis picturis præcipuas historias
aptè repræsentantibus,

I
N
M
E
M
O
R
S.



I
N
M
E
V
I
T
A.

P A R I S I I S,

Apud Hieronymum de Marneſ, & viduam
Gulielmi Cauellat, ſub Pelicano,
monte D. Hilarij.

1 5 8 3.

THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF LONDON
1871

THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF LONDON
1871



THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF LONDON
1871



A D I L L V S T R I S .

S I M O S A V S T R I A E A R -

chiduces, Rudolphum, & Ernestum,

Sereniss. Romanorum ac Bohe-

miae Regis Maximiliani,

&c. filios.



*Vanquam vniuersa Philosophia, quæ
nō solum laudatarū artium omnium
procreatrix, & natura rerumq; oc-
cultarum indagatrix, verumetiam
magistra virtutum & honestarum
actionū, à doctissimis quibusque rectè nūcupatur,
plurimum utilitatis humano generi cōfert: pulla ta-
men pars fructuosior, et maioris emolumentū videtur
esse, quàm ea ipsa, quæ de officiis et morib⁹ hominū
differit, vnde salutifera bene, constanter, honesteque
vinēdis præcepta proficiſcuntur. Cū autē eiusmodi
documenta, quæ virtutes et vitæ disciplinā in se cō-
tinēt, tā ex Poëtis, quā Oratoribus, hauriri queāt,
vtrosque ab iis, qui ad aliquem eruditionis gradum
contēdūt, et actiones suas ad integritatis perfectæq;
mentis regulā conformare laborant, euoluendos, ac-
curatèque intelligēdos, esse cēseo: Nam Poëta quo-
que suis figmentis non rarò nos, abdita quadam ra-
tione, ad iter virtutis ingrediendum, et viā perdi-*

tionis deferendā, propositis mirabiliū casuum exē-
 plis inuitant, sicut et Ouidius in sua Metamorphosi
 (præter continuam, quam inde à mundi origine ad
 sua vsque tempora persequitur historiā, et occultā
 naturæ scientiam) singularem Dei in pios et mode-
 ratos favorem ac benivolentiam, horribilem contrā
 in malitiosos, obstinatos & insolentes iram desi-
 gnat, & sub aspectum nostrum, viuis veluti pictu-
 ris, subiicit, ut hac ratione nos ab omni turpitudine
 & iniquitate auocet, & ad vitam probè, feliciter-
 que transigendam perducatur.

Quemadmodum verò omnes ingenuos ac libera-
 les animos tam salutaris, et frugifera decet cognitio:
 ita, imprimis maximus honor & ornamentum est,
 nobili, et generosa stirpe procreatos liberos, ac præ-
 sertim eos, qui longa et perpetua propemodū serie
 maiorum, & veluti cognatione quadam, ad imperij
 gubernacula nati esse videtur, hisce utilissimis Phi-
 losophiæ præceptionibus, à teneris, ut aiunt, vngu-
 culis imbui atque informari, utpote quæ ad fœlicem
 Rerumpublicarum administrationem plurimū pon-
 deris & momenti afferre iudicantur.

Quocirca illustrissimi Heroes, cum opusculū hoc,
 in quo vna veluti fasce omnes Ouidiana meta-
 morphosæ, res humanas illustri quadā imagine depin-
 gentes, comprehenduntur, in lucē diutino multorum
 desiderio, tādē edatur, operæ precium me facturū,
 aut saltē industria, ac laboris mei fructus nō omni-
 nō perditurum existimaui, si hæc meas, licet tennes.

DEDICATORIA.

ac pueriles, lucubrationes, tamque illustri loco natis
Aeroibus indignas (ut à multis sine dubio censebitur) *V. Celsitudinibus consecrarem.*

Neque verò propter hanc causam illud facio, quòd
 vel eos, qui apud *V. Celsitudines* assiduè morantur,
 officio suo negligentius fungi, vel vosmet ingenuè
 ac liberaliter educatos, salutaribus præceptis et mo-
 nitionibus indigere suspicer: Haud enim me latet,
Serenissimum Romanorū ac Boëmiæ Regem Ma-
seimilianum, parentē vestrum, omni genere doctri-
 na, ut ceteras virtutes taceam, excultissimum, &
 literatorum hominum amantissimum, vestris Celsi-
 tudinibus præceptorem, *D. Ioannem Tonnerum*, *I.*
V. Doctorem, sacrae Cæs. Maiestatis consiliarium,
 quem debiti honoris & observantiae causa nomino,
 talem ac tantum virum præfecisse, qui nullum stu-
 dium, nullam industriam, nullum laborem, nullum
 denique certamen in vobis, ad optima philosophiæ
 præcepta, institutâque erudiendis prætermittit. Sa-
 tis etiam mihi constat vos ea tum ingenij bonitate,
 tum excellentia natura esse præditos, ut vestra spõ-
 te ad rectum & laudabile sitis propensi, ab eo au-
 tem quod cum honestate pugnat alienum prorsus
 geratis animum, atque in omnibus salutaria, fide-
 lissimi vestri Præceptoris, & aliorum rectè constan-
 tium monita, sequi maximopere cupiatis.

Proinde vobis opusculum hoc leuידēse, non tã ob
 bene viuendi, quæ in eo continetur, rationem & di-
 sciplinã, quàm studij mei erga Celsitudinem vestrã

EPISTOLA DEDICATORIA.

humiliter declarandi gratia, dono, dedico, nuncupo,
 vosq; quì longè præstantiori manere digni estis, ma-
 iorem in modum summissequ; precor & obtestor, ut
 laborem hunc meum, tenuem & exiguum, hilari
 fronte suscipere, & potius animum voluntatèque
 donantis, quàm ipsum opusculum considerare di-
 gnemini. Quod si à vestra Celsitudine impetraue-
 ro, vósque hoc quaecunque sit, benignamente, si-
 cuti confido, amplexari animaduvertero, ad alia for-
 tasse maiora, studium, fauor, & beneuolentia ve-
 stra me excitabunt. Nunc ego, Generosissimi He-
 roes, me vestra Celsitudine humiliter commendo,
 Deúmque ardenti animo precor, ut vos, cum vni-
 uersa vestra illustrissima familia, diutissimè saluos
 & incotames conseruet. Valete. Data Heidelbergæ
 vigesimo secundo Februarij, Anno, 1563.

V. C.

addictiss.

Iohannes Spre-
 ngius, Augustanus





IOANNES SPRENGIUS .

Augustanus, candido Lectori.

INTER cætera beneficia, candidè Lector, quæ diuinitus humano generi, gratia & amore quodam singulari tributa sunt, historiarum conseruationem, quibus rerum gestarum monumenta & exempla vetustatis ordine continentur, posteriore loco minimè habendam esse, omnium doctorum sanæque mente præditorum hominum iudicio patet: Quàm preciosus enim thesaurus hæc cognitio temporum, quæ principia & progressiones rerum, propagationem diuini cultus, originem superstitionum, admirandam Ecclesiæ gubernationem, seriem, & mutationem imperiorum, inuentionem disciplinarum, naturæ prodigia, & alia scitu dignissima, ex tenebrosis quasi latebris, in apertam lucem profert, & ante oculos manifestè ponit, tam stupidum esse neminem existimo, quin id ipsum vel me tacète, multis rationibus intelligat. Proinde laudem mereri amplissimam nō solum videntur ij, qui in contexendis historiis aliquid operæ ac studij posuerunt, verum etiam hodierno die conatus illorum haud omninò

despiciendos & improbandos arbitror , qui se metipfos in hoc pulcherrimo & vtilissimo exercitationis genere , vel propagandi , vel illustrandi eius causa , sedulos præstant , & ad id industriam suam , omnémque ingenij vim alacri animo conuertunt.

Sicut autem Historiographi tum Græci , tum Latini , à quibus res gestæ , memoratu dignæ , cognitúque necessariæ , soluta oratione , recto , concinno , & distincto ordine posteris sunt proditæ , & ab obliuione vindicatæ , meritis encomiis celebrantur : ita Poëtis etiam , qui in suo genere idipsum præstiterunt , debita laus nequaquam præripienda est. Cùm igitur & Ouidius generalem totius mundi historiam in opere suo , *Ὀὐδὴς ἱστορικὴ μεταμορφώσεων* ad Cæsaris Augusti tempora vsque , miro quodam & singulari artificio , ingeniique solertia conscripserit , non inanem hæcenus nauasse operam eos credendum est , qui vel ad cognoscendum vel ad explicandum , tam præclarum autorem , diligentiam & laborem suum contulerunt . Nam insigniores & selectiores veterum Poëtarum omnium fabulæ (quarum ex ipsa rei veritate origo dependet) in hoc poëmate , tanquam vno quodam fasciculo continentur : adeo , vt totius vitæ humanæ illustre quasi speculum videatur , è quo memorabilia , cùm beniuolentiæ , tum iræ diuinæ

PRÆFATIO.

exempla, & insuper etiam gubernationis Dei mutationis rerum humanarum, leuitatis fortunæ, & totius mortalium conditionis, perspicuæ quædam imagines elucet. Neque ut multi opinantur, opus hoc pro nihilo, aut inani figmento putandum est, quod præter historiarum exempla, quæ ad virtutis decus exprimendum nobis sunt proposita, plenam vniuersæ Philosophiæ cognitionem ex ipsis quasi tenebris eruit atque patefacit. Nam & Phycis & Mathematicis, & regionum, locorum, urbium, montium, fluminum descriptionibus adeo est refertum, ut si quis fidelem habeat interpretem, vel ipse omnia diligentius indagare conetur, tam in Geographiæ quàm Astronomiæ scientia, rebusque naturæ occultis, exinde plurimum proficere queat.

Idcirco, cum quidam boni & honesti viri à me vehementer aliquoties contenderint, ut ad collustrandum Poëma hoc, meam quoque operam & laborem impenderem, & singulas Metamorphoseon fabulas primùm soluta oratione, deinde versibus, vnâ cum Allegoriis seu doctrinis moralibus, summam complecterer, huic honestæ petitioni, quamuis impar in ceruices meas onus impositum, meque rei tam arduæ vix sufficere sentirem, temerè refragari non potui, sed hoc quicquid est, aggregatus, tantum in eo laboravi, quantum & inge-

nij mei tenuitas, & temporis angustia & ipsius materiae, rerumque aliarum occasio tulit: Quo autem pacto & ordine omnia à me sint confecta (vt eò melius se Lector ex toto libello expedire queat) paucis declarabo.

Primum, ordo ac distributio fabularum, secundum libelli cuiusdam Belgica lingua editi, picturas & imagines est constituta: Etsi autem ratio collocandi commodior iniri à nobis forsan potuisset (plurimæ enim μεταμορφώσεis aptissimè cohærentes, à se diuulsæ, & in duas, tres, seu plures fabulas distinctæ, paucæ etiam, quæ meritò debebant inferi, prorsus omissæ sunt) tamen propter eos, qui hoc munus principio mihi delegarunt, & imagines omnes non exiguis sumptibus prius exsculpi curauerunt, memorati libelli ordinem potius sequi, quàm nouam figurarum dispositionem instituere visum est.

Deinde cuilibet fabulæ seu μεταμορφώσεis Argumentum, data opera, tenui ac simplici orationis filo (vt à quouis puero mediocriter in literis progressio intelligi possit) contextum præfigitur, cui brevis enarratio versibus Elegiacis, ad Ovidianum, quoad eius fieri potuit exemplar, efficta, subiungitur: nam iisdem & verbis & phrasibus plerunque uti, quam compositionem nouam, & ab Ovidiani carminis facilitate alienam comminisci, tu-

tius atque consultius existimaui. Ad extremam narrationem Allegoria, seu doctrina, quæ vel ad formãdos mores, & vitam bene felicitérque agendam conducit, vel humanæ conditionis miseriam, & rerum mortalium breuitatem ante oculos proponit, subsequitur.

Non equidem me præterit, multa Physica, multa Astronomica, & alia secretiora, sub inuolucris harum fabularum esse abscondita: verum de industria omnium ferè μεταμορφώσεων interpretationem, ad doctrinam de vita & moribus humanis, quæ virtutum ac vitiorum exemplis abundant, retuli: nonnullas tamen fabulas, quæ vel ad sacrarum literarum historias aliquo modo propius accedere, & propemodum alludere, vel ex professiois repugnare, ac superstitiones Ethnicas stabilire, falsisque Deorum cultibus patrocinari, videntur, à vanis gentilium figmentis & mendaciis ad Christianam veritatem, quæ ex Apostolicis & Prophetis hauritur testimoniis, reuocaui: & per Analogiam ac similitudinem quod homo pius ex Ethnicorum actionibus, documentum capere, quatenus illorum ritus imitari, quid denique omninò sequi, quid fugere ipsum deceat, ostendi.

Sunt autem in primis obseruandæ transmigrationes hominum in pecudes, in feras, in arbores, in fluuios, in saxa, & in res alias ani-

ma priuatas, quibus conditiones & proprietates mortalium luculenter exprimuntur: Nam omnes qui à virtutis tramite ad viam flagitiorum delabuntur, se fœdis labidinibus polluant, perniciosis indulgent voluptatibus, aut aliis vitiorum pestibus laborant, donec in hoc turpissimo & miserrimo vitæ statu perseuerant, neque ad sanitatem per gratiam Christi, & morum emendationem reuertuntur: eos, inquam omnes, quia non humanam, sed beluinam vitam transigunt, certum est coram Deo vere nihil aliud esse quàm bestias de sanitate mentis deturbatas, nihil aliud quàm truncos & stipites, quàm cautes & scopulos, quorum cor adeò stupefactum, induratum, & callo quasi obductum est, vt nullis neque minis, neque precibus, neque mandatis, neque commonefactionibus diuinis ad obedientiam flectantur, dum petulanter aures suas ad omnes frugiferos & salutares Dei monitus & præceptiones occludunt & in suis perire delictis potius, quàm ad meliorem vitæ frugem redire, concupiscunt.

Hæc & alia plura, si quis accuratam de iis suscipiat cogitationem, in fabulis Ouidianis in profundo quasi abstrusa & abdita latere animaduertet. Hoc igitur modo legendi sunt tam Poëtæ quàm Historici, vt ipsa lectio non solum ad suauitatem & delectationem inde

percipiendam, sed ad virtutes potius exprimendas atque imitandas, & ad turpitudinem procul abiiciendam referatur: velutenim Musica, quæ tantum aures inani strepitu ac tinnitu demulcet, nec ad componendam animæ harmoniam aliquid momenti confert, voluptatem habet *ἄλογον* omnisque rationis & utilitatis expertem, datque (vt Poëtæ verbis utar) sine mente sonum: Sic omnis historiarum, quamuis splendida & copiosa noticia, sine cōformatione morum ac directione vitæ ad certas exemplorum imagines, scientia tantum vana est, & parum conducibilis.

Quamobrem fructus ex historiis & fidei-
lis capiendus hic est præcipuus, vt & intelligē-
tiam & cognitionem earum rerum, quæ ad glo-
riam & immortalitatem nobis prodesse viden-
tur augeamus, & omnes nostras actiones ad no-
men Dei propagandum, & virtutis æternum
decus adipiscendum, tanquam ad vnicam me-
tam, certissimamque salutis normam dirigamus:
Sic fiet, vt vicissitudinem, inconstantiamque re-
rum humanarum perpendentes in aduersis pla-
cidi ac tolerantes, in secundis moderati, in re-
pentinis casibus fortes, in affluentia & abun-
dantia benefici, in paupertate sorte nostra con-
tenti, in morbis & aliis difficultatibus animo-
si, in omni denique vitæ nostræ statu, intra
mediocritatis limites, quos ultra citraque ne-

quit consistere rectum, constituti maneamus. Ad hæc & eiusmodi, nimirum ad imposturas Sathane, quibus incautos circumuenit, ad pugnam rationis & affectuum, qua viri sæpe fortissimi grauitèr luctantur, ad horribilia denique scelera, in quibus maxima pars hominum, tanquam in ceno, volutatur, Allegoriæ nostræ, quæ sub finem cuiuslibet enarrationi sunt affixæ, respiciunt, de quibus omnibus candido lecto suum facere iudicium liberam concedimus facultatem.

Vnum adhuc restat, quod meminisse hoc loco volumus, nimirum in hac fabularum dispositione, directum historiarum ordinem, serièmq; temporis concinnam, non semper obseruari: Ea enim quæ prius gesta sunt, sæpe posteriori, & quæ post acciderunt priori loco, more Poëtico & ordine, quem autores illi pro arbitrio suo constituunt, recensentur. Hoc ideò significare volui, ne quis fabulas hæc temeraria & præpostera quadam ratione coaceruatas existimet: Propria enim arte, & peculiari modo Poëtæ per narrationes videlicet, suis figmentis inserunt historias, id quod ex Homero, Vergilio, & aliis Poëtis, ad quorum imitationem noster quoque suam Metamorphosin effinxit, manifestè deprehensum apparet. Si quis autem perpetuitatem & continuationem historiarum perfectam desiderat,

is integrum Nafonis opus diligēt reuoluat, ibi præter apparatū oratoriū , præter inſignia verborum, ac figurarum lumina, mirificam, & maximè artificioſam connexionem fabularum, animaduertet.

Hæc Præſationis loco in medium afferenda duxi, quæ pro æquitate ſua Lector candidus bonam in partem accipiet, & de omnibus ſincerè iudicabit: ſi quid præterea in hoc opusculo mendosum, aut minus elaboratum, perpolitumque inuenerit, illud ipſum partim anguſtiæ temporis, à qua intercluſus, partim certo carminum numero, ad quem aſtrictus fui, aſcribet. Longiſſimas enim hiftorias, latèque patentes interdum, in paucos verſiculos redigere coactus ſum, hinc obſcuritatem euitare prorsus, vt voluntas mea tulit, non potui: Si quid tamen in enarratione carminum Lectori defuerit, præcedens argumentum diligentius inſpiciat, & ex amborum collatione genuinum ſine dubio ſenſum, citra vllam difficultatem, eliciet: Nam ſtudioſe operam dedi, vt quod in altero breuitatis cauſa mihi ommittendum fuit, in altero compenſaretur. Ea quoque in re poſthac curam ponemus aſſiduam vt Enchiridion hoc magna cupiditate, à multis bonis & doctis haſtenus expectatum, & nunc in gratiam omnium eorum, qui literis & rerum veterum monumentis dele-

PRÆFATIO.

Stantur, confectum, auctius & emendatius,
aliquando in apertum proferatur, ne quid
in labore nostro iure desiderari queat.

Interim hos qualescunque conatus,

Lectorem benignum, æ qui bo-

nique vt faciat, maiorem.

in modum ob-

testamur.

Vale.



P V B. OVIDII ME-
TAMORPHOSEOS

LIBER I.

Elementorum distributio. I.



CHaos (vt opinatur Hesiodus) fuit ante creationem mundi promiscua rerū confusio, quæ postea in suas species distincta & distributa est. Quocirca levissimum corporū æther igneus, & hunc infrà aer frigidus, omniæque sidera, mundi sublimiorem sibi partē vendicarunt, per quæ Solis splendor ac lumen celeste vagatur : Grauiissimum autem terra videlicet & aqua, in parte omnium infima collocantur.

ENARRATIO.

ANte globum cæli, terras camposq; liquentes,
 Vnica natura forma, rudisq; fuit.
 Nempe Chæos, tum pòdus iners, tum massa tenebris
 Obruta, nec propriis associata locis.
 Hinc elementa diu confusio mæsta premebat,
 Hinc nitida tetrum luce vacabat onus.
 Ignis, humus, tellus permiscebantur & aer,
 (Fertilis vnde fluit rebus origo sua)
 Hunc ergò rigidum tandem dissoluit acervum,
 (Pulchro disponens ordine cuncta) Deus:
 A cælo terram seclussit, ab aëre Pontum,
 Certis naturam legibus ire iubens.

VERA INTERPRETATIO.

Hæc priscis olim sententia fixa Poëtis,
 De mundi prima conditione fuit:
 Haud dubiè patribus quondam clarissima fulsit,
 Cognitio summi (qui regit astra) Dei.
 Hanc quoq; posteritas ceu primis hausit ab annis,
 Hinc ad gentiles fama superstes abit,
 Vera sed effictis quia sunt vicina, peractis
 Aspergi rebus fabula sæpe solet.
 Nosse cupis verum, sacros evolve Libellos;
 Qui de præteritis te meliora docent.
 Bis tribus absolvit Genitor miracula diebus,
 Quæ vel adhuc hodie lumina nostra vident.
 Condidit ex nihilo per inenarrabile **VERBUM**
 Omnia per quod idem cuncta creata sonet.

Animantibus habitandi locus assignatur. II.



Distinctis iam, & à se disclusis Elemētis, cuilibet Regioni tam superiori, quā inferiori, certa & peculiaria tribuuntur animantia: pōst etiā homo veluti terrę futurus cultor, ac Dominus, procreatur: Prometheus enim Iapeti filius, terram imbri molliuit, & ex hac hominem ad Dei similitudinem & imaginem finxit, cuius facies non prona, vt ceterorum animalium, in terram spectat, sed semper in cœlum erecta tollitur.

ENARRATIO.

Post ubi discrevit Deus omnia limite certo,
 Mox ether vario fidere clarus erat,
 Squamigerum pecus incipiunt habitare sub undis,
 Et liquidum velox aëra tranat avis,
 Picta feras tellus, ac cetera bruta receptat,
 Postmodò terrestri corpore prodit homo:
 Hunc satus Iapeto fertur formasse Prometheus,
 Qui tibi caelesti denotat arce Deum.
 Hic quia de limo finxit terraq; palustri,
 Humanum certa cum ratione genus,
 Cretus homo fragili primus de pulvere surgit,
 Nos cuius soboles, posteritasq; sumus.
 Mens immortalis datur huic, & sancta voluntas,
 Os sublimè frequens cernat ut astra Poli.
 In terras oculos animalia bruta retorquent,
 Ut saltem venter pabula crassa voret:
 Nos Deus erectos ad sidera tollere vultus
 Precipit, ut calè pectora tangat amor.
 Ut propriam stabili patriam fervore petamus,
 Non datur hìc certos incoluisse lares.

ALLEGORIA.

Verus homo semper sublimia mente volutat,
 Supremas reputans nocte dièq; domos:
 Carnalis contra tutam sibi figere sedem
 Appetit in fluxu (stultus morsq;) bonis.
 Quisquis es, eternam semper præpone salutem
 Rebus, quas aufert hora suprema necis.

Actas aurea. III.



Accepta iam luce, Mundus quasi in ætates & secula quædam distribuitur, quibus pro variis morum qualitatibus, nomina sunt imposita, videlicet Aureum, argenteum, æneum, & ferreum. Sicut enim hæc inter se metalla maximè discrepant, & aliud alio preciosius habetur, ita etiam istę quatuor ætates longo à se interuallo remotæ sunt. Aureum verò dictum est seculum, in quo regnante Saturno, rerum omnium plena fuit tranquillitas.

ENARRATIO.

Ordine nunc quadruplex hominum depingitur æ-
 Unde status mundi, vitæq; tota patet. [tas,
 Secula de rutilis nomen traxere metallis,
 Semper enim præstat posteriore prius.
 Scilicet argentum fuluo superatur ab auro,
 Nec precio constant ambo metalla pari.
 Sic æri ferrum cedit rubigine tectum,
 Tantundem propria nec bonitate valet.
 Tæporis haud aliter quadruplex distinguitur ætas,
 Prima sibi summum vendicat apta locum
 Aurea, cæu reliquas inter dignissima, splendet,
 Qua coluit Mundum fœdera sancta Dei:
 Et lata vitam duxit sine lege pudicam,
 (Tranquilla placido pacis amore fruens.)
 Absque metu populum pietasque fidesque regebat,
 Cursum iustitiæ conficiebat homo.
 Mox tamen in peius cœperunt cuncta relabi,
 Pristina nec probitas mansit (ut antè) diu.

ALLEGORIA.

Ista tibi forsân Daniel quoq; secula rates
 Præmit, dum prudens somnia mira refert.
 Viderat effigiem quia rex Babylonicus, auro
 Cui nitido totum fulsit ubique caput.
 Argento pectus, venter post ære micauit,
 Debilior ferri sed pede nixa stetit.
 Sic omnes mortale genus decrescit in horas,
 Heu pulsant nostras fata suprema fores.

Aetas argentea. IIII.



Seculo ex auro migrante in argentum,
 grauiora incumbere mortalibus cœpere.
 Ver, prius continuum, in quartam anni partē
 contrahitur, cui deinde æstas, autumnus &
 hyems succedunt. Ab hominibus speluncę,
 & ex arborum atque corticū congerie habi-
 tacula extructa, incoluntur, terręque iam ne-
 gante fruges mortalibus per se crescentes,
 duris agriculturę laboribus alimenta compa-
 rantur.

ENARRATIO.

Post ubi regna vago Saturnus in orbe reliquit,
 Totus & inuictus sub Ioue mundus erat.
 Altera iam subiit signis peioribus ætas,
 Tempora quæ secum deteriora tulit,
 Sed toleranda tamen: iam Ver contractius extat.
 Mobilis & partes quatuor annus habet,
 (Quem flexo veteres olim serpente notârunt,
 Nam velut in se se circulus ipse meat.)
 Lubrica iam vicibus succedunt tempora certis,
 Pars quæuis propria conditione redit,
 Ver, ætas, autumnus, hyems, discrimina reddunt,
 Hinc homines vitæ cura laborq; premunt.
 In silvis quærunt habitacula cortice iuncta,
 Frondibus arboreis hos castra parua capit.
 Et quia iam fruges tellus haud sponte ferebat,
 Scinditur obtuso vomere durus ager.
 Pingua post fractis mandantur semina glebis,
 Hinc solet agricola certa redire seges.

ALLEGORIA.

Dicitur hoc æuum præsens, argentea proles,
 Ætas præcellit quam bonitate prior,
 Assyrios veluti non exæquare Monarchas
 Persica laudato regna decore queunt,
 Argento nitidum solido quæ pectus adumbrat,
 Ceu tibi diuina voce Prophetæ canit:
 Sic res humanas fati decreta gubernant,
 Et nil perpetuum secula nostra vident.

Aeneum & ferreum seculum. V.



Tertium seculum æneum argento durius erat quo homines à pace & concordia remoti in prælia & res bellicas propèdebant. Pòst quartum id est ferreum seculum erupit, quod habendi cupiditate, liuoréque adeò laborat, ut non sine periculo capitis etiam se mari committeret: imò ad tantam rabiem progrediretur, ut ob teterrimam auariciæ pestem, alij alios, ferina quadam crudelitate, è medio tollerent.

ENARRATIO.

Tertia nunc sequitur soboles, quæ nomē ab ære
 Obtinet, & dictis est probitate minor.
 Sæuior ingenio, bellis assueta gerendis,
 Extimulat flagrans pectora Martis amor.
 Hinc ad conflictus, & horrida promptior arma,
 Crimine seposito, nascitur acer homo.
 Cui post succedit, quæ, ferrea dicitur, ætas,
 Inuehit hæc secum protinus omne nephas,
 Aufugiunt pietas, virtus, rectique decorum,
 Mox subeunt fraudes, vis, scelus, ardor opum.
 Hic dubio primum credens se nauita ponto,
 Intrepida fallax tentat adire fretum.
 Condita mortales rimantur viscera terre,
 Et promunt auri vasta talenta grauis.
 Aspera sanguinei surgunt hinc prælia Martis,
 Exoritur cades inter vbique viros.
 Vtq; suprema sequar paucis vestigia rerum,
 Ins iacet extinctum, vis truculenta viget.

ALLEGORIA.

Aeneas hæc venter tibi secula bina rexit,
 Et quæ Fatidicus, ferrea crura, notat.
 In nos hæc eadem recidit miserabilis ætas,
 Exulat in mundo pax, & amica fides.
 Exulat hoc pietas, & amor fraternus, in æuo
 Et summum retinent fraudesque dolusque locum.
 Bellæque terribiles miniuantur atrocía clades,
 Precurrunt magnum talia signa diem.

Gigantomachia. VI.



Gigantes, ut Poëte fabulantur, immensæ molis homines, & similes matri filios, terra produxit, quorum magnitudine par exarsit audacia: nam extructis in excelsum aggerem montibus, sacrilegas manus ipsis cælestibus afferre conabantur, sed fulmine deturbati genus impium profuso sanguine generârunt: Cruor enim ipsorum terre permistus homines procreavit, haud longè ab origine discrepantes.

ENARRATIO.

Terra creat rigidos immani mole Gigantes,
 Quæis mens in superas stat penetrare domos.
 Congestos glomerant ad splendida sidera montes,
 Et cupiunt propria sede mouere Iouem.
 At pater omnipotens illos deturbat acuto
 Fulmine, quod tactu corpora dira necat.
 Immaduit fuso natorum sanguine tellus,
 Atq; cruor sobolem procreat inde parem.
 Contemptrix superûm prodit scelerata propago,
 Et quæ sanguinea fert violenta manus.

ALLEGORIA.

Fabula de vero forsan primordia duxit:
 Temporibus priscis namq; Gigantes erant.
 Dissimili multum geniti de stirpe parentum,
 Quæ proles valdè nequitiosa fuit:
 Post alij plures cœptis audacibus aliæ
 Immensam molem turris ad astra struunt,
 Linguarum sed opus confusio mixta resoluit,
 Et labor in ventos irritus omnis abit:
 Sic Deus infestos hodierna luce tyrannos,
 Quique gerunt fastu turgida colla, premit,
 Vilia presentis qui temnunt munia sortis,
 Viribus at propriis scandere celsa petunt.
 Euecti calo, miseranda morte ruinam
 (Ad Ditis pulsi tartara caca) trahunt.
 Haud virtute sua quisquam conscendit Olympum,
 Profluit à Christi munere tantus honor.

Concilium Deorum. VII.



Iupiter horrendi sceleris, quo se mortalium genus polluebat, impatiens, querimonia ad Deos relata, de totius terrarum orbis destructione, consilium capit: Nam ex Giganteo sanguine nascebatur, sacrilega mente progenies, quod Lycaonis testatur exemplum, qui factis suis atrocibus Iouem in se iratum, imprimis accenderat.

ENARRATIO.

Perfida Progenies de sanguine nata Gigantis,
 Cum strueret capiti dumna futura suo.
 Flagitiisq; Deum iustas raptaret ad iras,
 Iamq; modum supra glisceret omne scelus.
 Iuppiter exurgens, horrenda Lycaonis ansa
 Voluit & indigno crimina corde putat.
 Conciliūque vocans ad magni tecta Tonantis,
 Regalēque Deos congregat ipse domum.
 Detegit hisce suos arcano in pectore motus,
 Accusans hominum turpe feroxq; genus:
 Illorūque nimis crudelia gesta recludens,
 Autumat hos pœnas commernisse graves.
 Per mœstas igitur iurat stygiasq; paludes,
 Se mox supplicio plectere velle malos.
 Cuncta tamen tentanda prius medicamina censes,
 Annuit alma cohors, consiliūque probat.

ALLEGORIA.

Sic hodie quoties tumidos flagrante Tyrannos,
 Igne Deus pellit Ditis ad vsq; lacus.
 Nascitur illorum similis de semine proles,
 Turpia committit quæ malefacta Patrum.
 Observans eadem certo vestigia gressu,
 Nec metuens iusti signa tremenda Dei.
 Inde nequit meritas soboles de flectere pœnas,
 Ultio vibrati fulminis instar adest.
 Dum peruersus homo securamente superbit,
 Præforibus lethi fata sinistra cubant.

Lycaon in Lupum.
VIII.

LYcaon Arcadię Tyrannus, cū aduenas
& hospites trucidaret, Iuppiter simulata
hominis specie ad eius Regiam accedit, cui
tanquam mortali necem Tyrannus preparās,
humana prius membra deuoranda, velut hos-
pitali quadam humanitate, proponit. Quod
cum Iuppiter sentiret: eum non penitus in-
teremit, sed in Lupi formam conuertit, qui
& mores in rabie, & nomen Lycaonis in ap-
pellatione retinebat.

ENARRATIO.

Rex erat Arcadiae rabidus feritate Lycaon,
 Hospitibusque necis dira pericla struens.
 Illius ingreditur (mortalis imagine) tectum.
 Iuppiter, ad Divi plurima signa ferens:
 Huic parat ex templò crudelia fata Tyrannus,
 Antè tamen mensis accubuisse, iubet.
 Moxque Ioui tostas carnes proponit eorum,
 Arcadis atroci qui cecidèrè manu.
 Hic Deus indignans, rapidis domicilia flammis
 Perdidit, inde fuga Rex citò terga dedit.
 Euasitq; lupus, pecorum tunc sanguine gaudens,
 Netàque prateriti signa furoris habens.

ALLEGORIA.

Exprimit hic homines rabiosa mente, Lycaon,
 Terribiles vincunt qui feritate lupos,
 Quos inhiare iuuat (scelerata fraude) rapinis,
 Qui neque se spoliis exaturare queunt.
 Pauperis extremo multi corradere damno,
 Incipiunt auida fauce potenter opes,
 Et sic alterius denudant viscera: tandem
 Sollennes epulas instituisse parant,
 Templorumque suis cumulant altaria donis,
 Cernit at illorum corda maligna Deus.
 His furibunda manet quoniam natura luporum,
 Insidias ouibus nocte dièque struunt,
 Inq; greges pecudum sitientia guttura pandunt,
 Heu quot adhuc tellus nutrit iniqua Lupos?

Diluvium

Diluvium IX.



H Abita deliberatione Iouis in Concilio Deorum, quònam supplicio humanum genus delendum esset, tandem propter audaciam Lycaonis, cæterorúmque mortalium deploratam nequitiam, qui horrendis suis sceleribus etiam Deorum potentiam tentabant, vniuersum orbem terrarum pro fusis imbribus inundauit, adeò vt opertis diluuiò montibus omnis humana caro, (duobus tantum exceptis) interiret.

ENARRATIO.

VT Mortale genus scelerum caligine mersum,
 Ingreditur cacum perditionis iter.

Nec pœnis adèo, monitus neque flectitur ullis:
 Supplicium reprobos exitiale manet.

Fixa Iouis mens hac (quem non sententia vertit)
 Perdere diluvio cuncta creata stetit,

Qui citus exequitur decreta latentia corde,
 Ac toto pluuias æthere fundit aquas.

Ex alto manant quasi grandia flumina cœlo,
 Misceturq; feri nigra procella Maris.

Vndarum terras gurges rapidissimus opplet,
 Calantur turres: omnia pontus habet.

Hic homines pereunt, volucres, animantia, nulli
 Parcitur, vndarum copia cuncta rapit.

ALLEGORIA.

Historiam pandunt tibi sacra volumina certam,
 Quam noster ficto more Poëta canit:

Nam genus humanum largis extinguitur undis
 Ac totum miserè fluctibus omne perit.

Sicque sue pœnas fert impietatis acerbæ,
 (Prodit enim tandem vindicis ira Dei.)

Noë tamen solum casus evadere tantos,
 Iliūque domus, tanta pericla, queunt.

Sic in peccatis submersus corruiit orbis,
 Sordibus inq; suis occidit agra caro:

Solus at è tumidis emergit fluctibus ille,
 Qui Christum pure mente fidèque colit.

Finis Diluuiis X.



CUm vniuersum genus humanum per aquas diluuii iam deletum & extinctum esset, cymbula Deucalionis (cuius Pater Prometheus erat) vnà cum Pyrrha Epimethei filia & coniuge sua charissima (qui soli è cunctis mortalibus supererant) in Parnassio monte Boeotiae altissimo, ad nubes vsque penetrante, consedit.

ENARRATIO.

Horrida tempestas homines ubi texerat atris
 Imbribus, & plenus flumine mūdus erat:
 Iamque domos, vrbes, lucos, montesque superbos,
 Turgida funesto merserat vnda lacu:
 Deucalion fida superest cum coniuge solus,
 Tranans incolumis fata seuera freti:
 Parnassum (cælos tangit qui culmine) montem;
 Illius extemplo cymbula curua petit.
 Hic appellit homo, cultor prohibitatis, & equi,
 Cum consorte thori, numina sacra vocans.
 Iam quoq; paulatim cernit subsidere, fluctus,
 Iam surgunt colles, & mare littus habet.

ALLEGORIA.

Deucalion tibi Noë pium designat, & arcam,
 (Qua saluatus erat) nauis adunca refert:
 Nam cum tota cohors hominum subuersa periret,
 Et scelerum pœnas flumine mersa daret,
 Iustitiæ præco, tantas euadere clades
 (Cumq; suis tutus viuere) dignus erat:
 Is Dominum puro complectebatur amore;
 Huius & explebat pectore iussu pio,
 Sic bonus emergit, tempestatūque procellas,
 Et dira superat nubila spissa necis.
 Improbus at contrà, qui colla tumentia cælo
 Erigit, & similem se putat esse Deo,
 Præceps ad nigri mæstissima regna Tyranni
 Truditur, æterno tempore lucis egens.

Reparatio generis humani.

XI.



Deucalion vnà cum Pyrrha coniuge sua, Themidis vatis oraculum , de reparando Mortalium genere consuluit : ex cuius respon- sione significatum est , vt corporibus discin- ctis, & velato capite, ossa Magnæ Parentis, id est lapides terrę, retrò atque à tergo iacerent. Proiecta igitur à Deucalione saxa mares, à Pyr- rha verò fæminę confestim euaserunt.

ENARRATIO.

IAm desolatas proſpectans vndique terras
 Deucalion, lachrymas fundit ab ore graves,
 Affatúrque thori conſortem nomine Pyrrham,
 O ſoror, ô coniux, ſpes mea dulcis, ait:
 Nos duo turba ſumus, cuncta de gente ſuperſtes,
 Humanum creſcet qua ratione genus?
 O vtinam liceat populos reparare peremptos,
 Conſilium forſan numina ſacra dabunt.
 Accedunt igitur Themidis delubra potentis,
 Summiſſoque Dea corde precantur opem.
 Que velare caput, tunicasque reſolvere cinctas
 Ambos, ac Templum deſeruiſſe iubet.
 Dehinc etiam iactare citò poſt terga Parentis
 Dura creatricis præcipit oſſa Themis.
 Ancipites timida voluunt oracula mente
 Ambo, data ſortis dum reperere viam,
 En lapides terra ſua poſt veſtigia mittunt,
 (Qui Magna lapides oſſa parentis erant.)
 Protinus humanam ſumunt ſibi ſaxa figuram,
 Inde recens magno creſcit in orbe genus.

ALLEGORIA.

Heu ſumus, à veteri quotquot generamur Adamo,
 Horrida progenies, pectora dura gerens.
 Nec medicamen adeſt, quod ſaxea corda reſoluat,
 Quàm Mediatrix gratia ſancta Dei.
 Amouet hac ſeuum ſpiſſa de mente rigorem,
 Hinc ſunt mollis, membra petroſa, caro.

Python serpens ab Apolline.
interficitur. XII.



E Vigore Solis , quæ est causa generatio-
nis animalium, terra post Cataclysmum;
inter ceteras brutorum species etiam Pythonem
serpentem edidit , forma quidem ignota mor-
talibus. Hunc Apollo sagittis suis interemit, &
ne eius nomen aboleret, instituit ludos ac certa-
mina in perpetuam rei memoriam : Hinc &
ipse Apollo Pythius, ludique Pythij sunt no-
minati.

ENARRATIC.

In riguo postquam tellus humore madebat,
 Percaluit sicco Solis ab igne lutum:
 Terræque brutorum species, ac mille figuras
 Protulit antiquas: & noua monstra dedit.
 Nascitur hinc etiam squamoso corpore serpens,
 Triste venenato virus & ore vomit.
 Horrificum populis idem minitando pauorem,
 Incutit, ac trepido corda timore replet.
 Hunc arcu sequitur flexo crinitus Apollo,
 Intentans illi spicula seuæ necis.
 Depromptis pharetra, Pythonem mille sagittis
 Obruit, inque latus tela cruenta iacit.
 Ac monstrum fusso, per vulnera nigra veneno
 Contundit, ludos instituitque novos.

ALLEGORIA.

Cætera sic præter serpens animalia tortus,
 Hostica sanguinei signa furoris habet,
 Insidiæque struit tacitas mortalibus agris,
 Liuor eos inter, lîsque nefanda manet.
 Nam Sathanas tumidû se transformauit in Anguẽ
 Decipiens primum fraude latente patrem.
 Cladibus hinc homines miseros immergit amaris,
 Hinc nos infestat perniciofa lues.
 Sed tamen horrendi turgentia colla Draconis
 Contudit æterni Filius ipse Dei.
 Hic vicit rabidum preciosa morte Tyrannum,
 Illa ne posset parte nocere piis.

Daphne amatur à Phœbo.

XIII.



Daphne Penei fluminis filia, cum omnium virginum, quæ in Thessalia essent, speciosissima haberetur, adeò quidem, ut & Deos sua pulchritudine caperet: Apollo cum eam cõspexisset, forma illius supra modum delectabatur, quam, cum neque pollicitis, neque precibus permouere posset, ei vim inferre tentauit.

ENARRATIO.

Eregio quondam Daphne Penēia vultu,
 Tessalicas inter, virgo suprema fuit.
 Candida cui facies pulchro suffusa rubore
 Splenduit, & roseo luxit in ore decus.
 Illam Phæbus amat, sed non succedit amanti.
 Propositum, fallunt irrita vota Deum.
 Intacta siquidem mens est immota puella,
 Perpetuò casta virginitate frui.
 Vritur immodicis inter præcordia flammis
 Phæbus & ardenti pectore surgit amor.
 Insequitur Daphnes celeri vestigia cursu,
 Illius & blanda nomina voce vocat.
 Quò magis hic ardet, tantò fugit ocyor illa,
 Fluxa nec in precio verba vocantis habet.
 Dum neq; promissis, precibus neque vincitur ullis,
 Dulcia nec Veneris gaudia scire cupit.

ALLEGORIA.

Insano velut hic Titan indulget amori,
 Et cæco Daphnes carpitur igne salax.
 Haud alia Sathanas animam ratione Tyrannus
 Humanam letho tradere semper auet:
 Insequiturque bonam variis insultibus audax,
 Et lapsu miseram deteriore grauat.
 Ad se blanditiis homines innitat amœnis,
 (Instructus miris fraudibus atque dolis.)
 Damonis at syncerus homo mala retia vitans,
 Cantus ab illius tramite flectat iter.

Daphne in Laurum. XIII.



Daphne ab Apolline diu multumque cursu defatigata, & ipsius conspectum strenuè fugiens, tandem Patrem inuocabat, vt ei ferret auxilium, & virginitatem, quam ipsi promiserat, conseruaret integram. Hanc ergo filiam suam, auditis precibus Parens, vt vim insequen-
tis effugeret, in Laurum transmoutauit.

ENARRATIO.

PHæbus ut insequitur Daphnē velocibus alis,
 Et requiem fessæ (captus amore) negat:
 Imminet huic tandem, tergoq; fugacis inharens,
 Stridula, diffusas afflat, ut aura, comas.
 Virgo sed exhaustis pallescit viribus, alba
 Stans rigido celeris victa labore fuge.
 Post ubi lassâ nimis Penëidas aspicit undas,
 Territa succlamans, fer (Pater) inquit, opem.
 Inde gravis torpor teneros complectitur artus,
 Cinguntur duro mollia membra libro.
 Moxq; pili frondes, nascuntur brachia rami,
 Fitq; palatino Laurus amata Deo.

ALLEGORIA.

Sic animam quoties rabiosa fauce malignus
 Venatur Sathanas, oraq; pandit atroxi:
 Ipsius insidias fugiens, artesq; dolosas,
 Fortiter immota mente repugnet homo.
 Implorétque sui numen cœlestē Parentis,
 Ceu patris auxilium virgo relicta vocat.
 Et seuis talem rapiet, gravibusque periclis,
 Mutabitque citò corda priora Deus.
 Hunc simul in Laurum tunc trāsformabit amœnantē
 Quæ radice sua tendit ad ima procul.
 Perpetuòque viret, nec fulmine tangitur ullo,
 Cratus & è teneris frondibus exit odor.
 Sic quoque talis homo casus superabit acerbos,
 Semper & illius dulce vigebit opus.

Iupiter & Io. XV.



INachi amnis filia, cū æquales suæ speciei su-
peraret, à Ioue adamata est, quæ cum in syl-
vam opacam se reciperet, Iupiter medio die ne-
bulas induxit: Admotis deinceps precibus, vir-
go desiderium eius expleuit. Cæterum ne puel-
la in Iunonis iram incideret, à compressore,
post facinus perpetratum, in vaccam est trans-
mutata.

ENARRATIO.

I Nachus amnis erat, liquidis vberrimus undis;
 Fletibus & lachrymis ille rigabat aquas.
 Io nam perdens sobolem querebat ademptam,
 Partibus in multis nec reperire datur.
 Iupiter hanc patrio redeuntem flumine solam
 Viderat, occulta quam petit arte salax.
 Admonet ut lucos subeat, latebrasque ferarum:
 Nil dicens metuas, præsides tuta Deo.
 Inductis pariter nebulis, caligine terram
 Implicat, & caca nocte revolvit humum.
 Et sic virgineo fruitur lascivius amore,
 Tales at Inno sentit acerba dolos.
 Miratur tenebras nitida sub luce diei,
 Iuppiter extemplo facta nefanda tegit.
 Mutat & in vaccam speciosa fronte puellam
 Inachis euadit bos adamata Ioui.

ALLEGORIA.

Iuppiter hic veteris ludibria seuæ Draconis
 Exprimit, is nebulas insidiosus amat.
 Aversans rutuli candentia lumina Solis,
 Nos quoque speluncas incoluisse inbet.
 Et prius ad facinus quàm nos compellat agendum
 Inuehit & medio nubila densa die.
 Et leue peccatum, nec atrociora crimina reddit,
 In laqueos donec praeda petita cadat.
 Tunc homo fit similis vacce ratione carentis,
 Amittens animi munera celsa sui.

Io in Vaccam. X VI.



Iouis fallaciam ubi Iuno intellexisset, petit ab eo, ut veluti munus vaccam ipsi daret, quia formosior esset cæteris armentis. Iupiter verò, ne; si denegaret puellam proderet, confestim uxorem petitionis ac voti sui compotem reddidit. Iuno igitur, ad prohibendum Iouis cum pellice concubitum, Argum Aristonis filium, centum oculos habentem, ei præposuit.

ENARRATIO.

Cum se fraude Iouis captam Saturnia sensit,
 Detur vacca loco muneris alba petit.
 Egregia cum sit species miranda iuuenta,
 Iuppiter hanc illi iure negare nequit.
 Munus ei tribuit vaccam candore nitentem,
 Nec caret accepto munere, Diva, metu.
 Nam Iouis insidias, Et callida furtiva marito
 Expendens, dubij plena timoris erat.
 Ergo bouem vigili servandam tradidit Argo,
 Centum cui lustrant lumina clara caput.
 At vicibus certis carpunt modo bina soporem,
 Fortiter excubias cetera semper, agunt.
 Omnibus inde locis Argo spectabilis Io
 Astat, in hanc oculos torquet ubique suos.
 Luce quidem vesci finit hanc viridantibus herbis,
 Cornua sed vinclis nocte recurva ligat.

ALLEGORIA.

Sic homo quem Demon malus à pietate reflexit
 Ad scelus, horribili subditur ipse ingo.
 Quicquid agit, quocunque meat, captivus oberrat
 Libertate (sibi qua fuit ante) carens.
 Illius & gressus centeno lumine servat
 Hostis, ut hunc falso tramite ducat atrox.
 Et vetat ad pietatis iter, fingemue reverti,
 Quem vasa laqueis implicat arte suis.
 Discat homo seu technas vitare Tyranni,
 Lucida quæ nobis claudit ad astra viam.

Argo

Argus & Mercurius.
XVII.

Mercurius à Ioue Patre suo, ad Argum interficiendum, habitu pastorali mittitur, cuius ille mandato protinus obtemperans, ad Argum accedit, eundémque fistulæ dulcedine suauiter admodum demulcet, & oculos pastoris ita paulatim somno implicare conatur, vt facilius deinde necandi eius occasionem arripiat.

ENARRATIO.

Iuppiter Inachidos casu turbatur acerbo,
 Ipsius grauius fata dolenda ferens.
 Mercuriumque cito terras demittit ad imas,
 Argum, quem vita dispoliare iubet.
 Protinus ille Patris mandata celerrimus explet,
 Ac promptis celsa desilit arce Ionis.
 Celestem remouens habitum, per rura vagatur
 Deuia pastorem vilis imago refert.
 Incundam gracili Musam meditatur auena
 Callidus: arrectis auribus Argus adest.
 Afficiturque noui mira dulcedine cantus,
 Et lepidos docta suspicit arte sonos.
 Pergit Athlantiades animum mollire canendo,
 Dum premat ipsius lumina capta sopor.
 Ille tamen certa lentum deuincere somnum,
 Sic innadebat pectora dulce melos.

ALLEGORIA.

Hoc designatur cantu mellita voluptas,
 Illecebraque graues, quas malus orbis habet.
 Humanas etenim demulcent suauiter aures
 Deliciae carni gaudia multa ferunt.
 Sed sic lethali merguntur corpora somno,
 Sic etiam viciis mens adoperta iacet.
 He sunt Syrenes, hac est deterrima Cyrce,
 Quae fatum nobis, interitumque parant.
 Frena voluptati quiniis durissima ponit.
 Exiguo mellis tempore gustus abit.

Syrinx in arundinem. XVIII.



SYringa Nympharum, Naiadúmque speciosissimam, cum Pam Demogorgonis filius adamasset, & eam persequens vsque ad Ladonem, Arcadiæ flumen, compulisset, ipsa, ne vti castitatem deponere cogeretur, sororum auxilio in arundinem conuersa est, ex qua Mercurij fistula deinceps conficiebatur.

OVIDII METAM.
ENARRATIO.

Querit Aristorides, qua nam ratione paratus
Sit suavis calamus: cui deus Arcas ait,
Naïas una fuit, Syrinx quæ nomen habebat,
Eximiam speciem Nympha colore ferens,
Hanc Pan ardebat flagranti captus amore,
Illius observans, quod faciebat, iter.
Pescabatq; Dea connubia sancta Marina,
Sed precibus spretis auia (Nympha) petit.
Aufugit & subito, donec Ladonis ad amnem
Peruenit, hîc cursus impedit vnda citos.
Implorans ergo turbata mente sorores,
Vertitur in cannam protinus ipsa leuem.
Dumq; ibi suspirat, vento fluuiialis arundo,
Concita incundos edidit vsque sonos.
Fistula de calamo mea post compacta recenti;
Hac (genitus Maia dixerat) arte canit.

ALLEGORIA.

Nympha potest animam tibi designare nocentem,
Quæ tetra vitam perditâ labe trahit.
Illecebris pariter mundi petulanter inhaeret,
Aspernans temerè fœdera sacra Dei:
Conuertitq; vagans rapidos ad flumina gressus,
Vt possit vetito carnis amore frui.
Sed tunc in calamum mutatur (iniqua) palustrem,
Ventus quem vehemens exagitare solet.
Hîc homo non fit levis & quamuis impellitur aura,
Inq; sua firmus non statione manet.

Argus occiditur, Io reformatur. XIX.



ARgus cātu fistulæ somno grauatus, à Mercurio capite trūcatur. At Iuno ipsius oculos volucris suæ, nimirum Pauoni attribuit, eiúsque caudam pennis insignibus ornauit: Io autem vacca, diu multúmque odiò Iunonis furris agitata, tandem in pristinam figuram reuersa est, & Isidis Deæ nomen accepit.

ENARRATIO.


Post ubi concentu vario Cyllenius Argum,
 Detinet, & sonitu languida corda domat.
 Euietis torpens oculis obrepere somnus
 Incipit, & superat lumina cuncta sopor.
 Hunc ergo celeri stertentem vulnerat ense
 Arcadius, peragens iussa paterna, Deus.
 Excipit ast oculos subito Lucina micantes,
 Hæsp suam toto tergo cingit anem.
 Pavonis caudam gemmis stellantibus ornat,
 Hinc volucrem vestis tam speciosa tegit:
 Post infensa magis Iunoni redditur Io,
 Quæ lustrat varios exagitata locos.
 Vacca simul terras currit furibunda per omnes,
 Sed misera tandem pristina forma redit.
 Antiquam recipit (pœna cessante) figuram,
 Linigeraq; gerit nomen in orbe Deæ.

ALLEGORIA DUPLEX.

Principio casus lethi quem sustinet Argus
 Indicat, illecebræ quanta pericla ferant.
 Et quàm carnis amor, quàm desidiosa voluptas
 Nos in luctifica retia mortis agant.
 Post etiam clades Io perpeffa nefandas,
 Quàm gliscat Sathanae vis truculenta, docet.
 Sape pererrat homo furiis agitated & æstro,
 Dum ratione carens in scelus omne ruit.
 Cui nisi subueniat facilis clementia Christi
 Deperit, & vita sic spoliatus obit.

OVIDII METAM. LIB. II.

Phaethontis petitio. I.



Phaeton ex Sole conceptus, & à matre Clymene, Oceani & Tithyos filia pro creatus, cum ad ætatem peruenisset adultam, à matre ad patrem, videlicet Solem Orientem, mittitur: At ille, optione sibi à patre concessa, regendi currus Solaris amore accensus, facultatem, post multas monitiones & fideles instructiones, eius rei liberam consequitur.

Regia Solis erat, gemmis, auroq; decorata,
 Lux ubi perpetuos gignit amœna dies.
 Tendit eò Phaethon, Phœbi dubitata propago,
 Hunc procul excelsò conspicit axe pater.
 Quis mea progenies, ait, huc te cursus adigit?
 O nunquam soboles inficianda mihi.
 Posce feres quodcunq; libet pro pignore certo,
 Vnde tibi constet te genus esse meum.
 Continuò currum Solis petit ille regendum,
 Ob promissa parens corda dolore grauat.
 Et monet ut genitus votis desistat iniquis,
 Quem tanto fungi munere posse negat.
 Urget iners iuuenis grauitè promissa parentis,
 Et rapido currus flagrat amore miser.
 Annuit ergo parens: præceptaq; fida ministrans,
 Ut parcat stimulis, lorâq; stringat, ait:
 Et medium benè seruet iter, faustosq; precatur.
 Successus iuueni: sed grauiora timet.

ALLGORIA.

Hic tria præcipuè teneant, quoscunq; potestas
 Imperiîq; grauis publica cura premit:
 Cùm reliquis præsent, stimulos Et spicula prorsus
 Ponant ac placidè subdita membra regant.
 Fortiter in reprobos validis vtantur habenis,
 Nec laxent agili frena remissa manu.
 Pòst etiam medio virtutum tramite currant,
 Et moderent populos cum pietate suos.

Phaethon tam supremas, quàm
infimas mundi partes, in-
cendit. I I.



Phaethon iam currum ascendens, cum per
ignotum iter monitis paternis obedire nō
posset, quatuor equi ab alieno auriga, malè
gubernati & conterriti, pronam mundi partem
petierunt, multasque mortalium regiones, vr-
bes, montes, sylvas, vnà cum hominibus subito
ardore, inflammatas absumpserunt.

ENARRATIO.

Conscendit Phaëthon plaudenti pectore currū
 - Letus, & ignotōs flectere gaudet equos.
 Protinus hi vacuas implent hinnitibus auras,
 Et properant celeri pura per astra gradu.
 Principio solitos servant curuamine gressus,
 Sed proprium callem non tenere diu:
 Nanq; levis prisca currus gravitate carebat,
 Lubrica nec poterat lora mouere puer:
 Inde vagantur equi, certo nec in ordine perstant,
 Sed superi tangunt sydera magna poli.
 Alius egressi volitantibus æthera flammis,
 Lædunt et cali lucida signa cremant.
 At miser hinc iuuenis terras iam despicit ipsas,
 Ante oculos casus, & sua fata videns.
 Flectere nescit equos, nec nomina nouit eorum,
 Hinc rapit, & celerem currus ad ima viam.
 Adq; globum Luna renolat, combustaq; fumant
 Nubila, mox terras ignea flamma petit.

ALLEGORIA.

Solem iustitiæ Christum designat Apollo,
 Et Phaëthon plenos ambitione viros.
 Qui polypragmonicam gestant in corpore mentem,
 Hi nequeunt rebus ritè præesse suis.
 Nec sibi subiectos moderari legibus aptè,
 Fortia nec populus ponere frena sciunt.
 Inde fit ut spreta vulgus probitate vagetur,
 Insani volitant cœu Phaëthontis Equi.

Casus Phaethontis. III.



CUm in tam horribili Phaetontis incendio, terra profusis, quasi lachrymis auxilium Iouis imploraret, &, ne totus orbis absumeretur flammis, obnixè peteret: Phaeton fulmine ictus; de curru præcipitatus est, quem Eridanus fluuius excepit. Itaque liberati vinculis equi, agnito itinere, ad suam stationem reuersi sunt.

ENARRATIO.

H Orrida per totas serpunt incendia terras,
 Exurgitq; rapax ignis & astra petit.
 In cinerem cedunt magna cum montibus vrbes,
 Fontes, cum sylvis arida flamma vorat.
 Iamq; vapor piceus magnum compleuerat orbem;
 Cum soluit tellus vota suprema Ioui.
 Et supplex veniam petiit, finemq; laborum,
 Audiit ex alta Iuppiter arce preces.
 Ac Phaëtona citò deturbans fulminis ictu,
 Aethere de summo precipit anter agit,
 Excipit Eridanus Iuuenis miserabile corpus,
 Qui tandem curru premia digna tulit.

ALLEGORIA.

Significat Phaeton (quibus haud est aqua potestas
 Publica quiq; gerunt, munera) prepositos.
 Illorum sed equi referunt, mihi crede ministros,
 Pradarum flammæ qui vomuisse solent.
 Qui per auaritiam, per fraudes, perq; rapinas
 Corradunt, quicquid possidet orbis opum.
 Imperio tali mundus deletur, & omnis
 Patria fumanti protinus igne cadit.
 Hinc pereunt sylvæ, conualles, flumina, montes,
 Oppida vastantur, flagrat & ipse polus.
 Dives inopsq; simul quatitur, sacer atq; profanus,
 Cum pueroq; senex aspera fata subit.
 Non est qui valeat tantas vitare ruinas,
 Sic cum rege cohors subdita sæpè perit.

Heliades in arbores, IIII.



SOrores Phaëtonis Heliades, miserabilem fratris sui casum deflentes, Deorum benignitate ac misericordia, in arbores populeas mutatae, lachrymae autem earum (ut & Hesiodus & Euripides fabulantur) de ramis effluentes, atque calore Solis induratae, in Electrum conuersae sunt. Item rex Lyguriæ Cygnus, Phaëtoni propinquitate coniunctus, ad Padi ripas, casum amici deflens, in auem sui nominis euasit.

INterea casum Genitrix Phaëthontis acerbum
 Deplorans, lachrymas excutit ore graves.

Nec minus Heliades fratrem lugere peremptum
 Turbatæ pergunt, & Phaëtonta vocant:

At cum sic miseris curas plangoribus augent,
 Edentes querulos nocte dieq; sonos:

Populea quavis sibi sumpsit ab arbore formam,
 Quælibet & duro cortice cincta stetit.

Mox etiam stille fiunt electra profusa.

Dum liquor ardenti sole vigescit aqua.

Exprimit et lachrymas, Ligurū regnator amaras
 Cygnus, cui Phaëthon sanguine iunctus erat.

Atque sui casus multum deplorat amici,
 Nominis hinc propij fit nona Cygnus avis.

ALLEGORIA DVPLEX.

Primò virginibus natura notatur avari:

Hic equidem iuuenis cor muliebri gerit.

Dum sequuntur mollis vanissima gaudia carnis,
 Grandior in ramos arboris acer abit.

Qua radice sua terris ut figitur altè,

Sic haeret fragili semper avarus humo.

Post Ligurum tibi rex lachrymis cui flumē obortis
 Ora rigat, iustum signat in orbe virum.

Humanas toto qui luget pectore clades,

Ac deflet noxam corde dolente suam.

In Cygnum volucrem redit is candore nitentem,

Fitq; Deo coram spiritualis homo.

Apollo Lucem orbi de-
negat. V.



P Hœbus ob casum Phaëtonis filij sui magnoperè contristatus, eundémque animo indigno ferens, præbendæ posthac lucis officium mundo denegat. Cæterùm à Ioue, ac reliquis Cœlicolis tandem multis precibus exoratus amentes equos colligit, & verberibus in eos grassatur.

ENARRATIO.

Post nati casum genitor Phaethontis Apollo,
 Squalidus apparet, tristitiamq; sonet.
 Oblitusq; sui decoris, lucemq; perosus,
 Et celsamundo denegat arce iubar.
 Iratosq; ciet mæsto sub pectore planctus,
 Supplicio sobolem sic periisse suam.
 Liber ab officio currus cupit esse regendi,
 Alter suscipiat hoc Deus, inquit, onus.
 Degustetq; meos vltimo sine fine labores,
 Iuppiter ipse potens experiatur opus.
 Omnia sed tristem circumstant lumina Phœbum,
 Utque regat currus supplice voce rogant.
 Excusatq; Poli Rector, quos miserat ignes,
 Colligit ergò suos Sol radiosus equos.
 Sed prius in celeres inimico verberare sauit,
 Post orbi nitidos præbet, ut antè, dies.

ALLEGORIA.

Incumbunt, cuius grauiora negotia collo,
 Strenuus hic vigili cuncta labore gerat.
 Nec celsum temere regimen committat ineptis,
 A quo dependet publica quippe salus.
 Ipse sed assiduus obeat sua munia curis,
 Si bene consultum rebus vbiq; cupit.
 Incutiunt aliena grauem peccata dolorem,
 Cæca quis alterius crimina sæpe luit:
 Sic quoq; mæsticiam Phaethon, luctumq; parenti
 Attulerat, rapidos dum malè rexit equos.

Iuppiter

Juppiter Calisto comprimit. VI.



I Vppiter cū circa montem Arcadiæ, vbi
 genitus existimatur, vagaretur, in Calistus
 Lycaonis filiæ amorem incidit: qui cū pre-
 ces de expletione desiderij sui admouisset,
 frustratāsque suas voces intellexisset, astu eam
 subiit, in Dianæ nanque sexum se commutauit,
 eique fatigatę, ornatus Pharetra & sagittis oc-
 currit, tum veste deposita virgo Iouem expec-
 ta est.

Iuppiter Arcadium cum perlustraret amatam,
 Has circum terras itq; reditq; frequens:
 Singula restituit, quæ sunt collapsa per ignem,
 Rimaturq; vagos ceca per antra locos.
 Fors Nonacrinam pulchro videt ore puellam,
 Ardenti cuius flagrat amore Deus.
 Virgo feris insensa nemus peragrabat opacum,
 Nam Trivia longo tempore miles erat.
 Hæc ubi fessa, solo pharetram ponebat & arcum,
 Comprimitur falsis à Ioue lusa doli.
 Sylvestres habitus is enim cultumq; Diana
 Indutus, tacita pectora fraude subit.

ALLEGORIA.

Iuppiter hîc lassam veluti, solamq; sedentem
 Parrhasin(erepta virginitate) capit:
 Haud aliter Daemon versuto callidus astu,
 Insidias nobis nocte diéq; struit.
 Cuius ubi captare nequit violenta potestas
 Sublimes animas, vis nec aperta valet:
 Fraudibus atq; doli plenissima retia tendit,
 Protinus in vultus mutat & ora novos.
 Lucis & in Genium se se transformat amœnum,
 Defessos ludens iam pietate viros:
 Dum carpit placidam viridi tellure quietem
 Frigidus, et cœli regna perasus homo,
 Acluat Sathanas, & segnia corda malignus
 Occupat, hunc scelerrum magna caterva venit.

Calisto in Vrsam mu- tatur. VII.



CUm Iuppiter Calisto inuitam, & præter
omnem eius voluntatem ac meritum vi-
tiasset, à Junone immerenti delictum hoc mi-
nimè remittebatur. Nam cùm inter lauandum
ferre vterum ipsam animaduerneret, confestim
pellicatu eius incensa est, ac ne amplius pul-
chritudine coniugem suum caperet, in Vrsam
Calisto, post sobolem procreatam, Saturnia
transfigurauit.

ENARRATIO.

Fraude Iouis virgo cum Nonacrina pudorem,
 Perdiderat, fœtum concipit illa grauem:
 Criminis ast huius Saturnia præsca, lucos
 Ingreditur solito conglomérata choro.
 Parrasin ad se se vocat, & fluminalibus undis
 Languida cum sociis membra lauare cupit.
 Haud mora, diua cohors ponunt velamina ripis,
 At longas nectit Parrhasis vsq; moras.
 Surripitur vestis dubitanti: protinus ipsam
 Turgidus in gelidis prodidit alius aquis.
 Ad quam sic Iuno: sacros ne pollue fontes
 Perdita, cede procul cede nefanda procul.
 Et minitatur ei post partus tempora, pœnam,
 Pollicitis etiam stat Dea ritè suis.
 Nam simul ac infans tener est exclusus ab aluo,
 Sylvestres fit amans (Parrhasis) vrsa locos.

ALLEGORIA.

Per delicta, vagans homo sic ubi factus adulter,
 Desciscit petulans à genitore Deo.
 Virginis ex habitu sylvestris bellua prodit,
 Illius & Species, quæ fuit antè perit.
 Induit horrendos immani corpore mores,
 Ungues & curuos asper vt vrsus habet.
 Ac sonet infido peruersos pectore motus,
 Vox Et in hirsuta pelle tremenda sonat.
 Quæ nihil eructat, nisi turpia gutture dicta,
 Bestia sic turpis, fit sceleratus homo.

Calisto & Arcas facta sy-
dera. VIII.



Calisto cū Arcade filio suo, quem ē Io-
uis concubitu fuit enixa, in cælum à Ioue
translata inter astra ambo collocantur, quæ à
Græcis Helices, ac Cynosuræ nomen accepê-
re. A Thety autem & Oceano, ob iram Iuno-
nis, inter cætera sydera hæc liquore non tin-
guntur. Hinc Ouidius alibi: Magna minôr-
q; feræ, quarum regit altera Graias, Altera Sido-
nias, ytraque sicca rates.

P Arrhasis immanem sylvis induta figuram
 Circuit, et mediis se timet vrsa lupis,
 Cuius progenies Arcas quinquennia complens
 Iam tria, promptus adest, insequiturq; feras.
 Nexilibusq; plagis saltus cum deligit aptos,
 Incidit in matris nescius ora puer.
 Non acrima citò fera substitit Arcade viso,
 Fixit et in prolem lumina firma suam:
 Sed puer extemplo refugit, metuitq; feroces
 Vultus, & pharetra promere tela parat:
 Iuppiter ergò tonans, audacia cæpta refringit,
 Ambos et nitidi tollit ad astra poli.
 Ascendunt ambo, vicinâq; sidera fiunt,
 Pectora sed Iuno plena dolore gerit,
 Oceano mandans abigatur ut equore pellex,
 Squalida ne puro flumine membra riget.
 Inde fit ut nunquam mergantur ad ima Triones,
 Astra sed in summo stent bene fixa globo.

A L L E G O R I A.

Mortales notat hîc Iuno liuore repletos,
 Qui non alterius commoda ferre queunt.
 Sic capit ex hominû Sathanas mera gaudia dânis,
 Prospera sed si quem sors iuuat, vsq; dolet.
 Ringitur atq; malum pascit sub corde venenum,
 Iuppiter è contrâ fert simulachra Dei.
 Qui clades remouet, pressos miseratur, eosdem
 Puluere terreno mitis ad astra lenat.

Erichtonius cista inclu-
ditur. IX.



M Inerua Erichtonium Vulcani filium, ex eo, quòd è complexu ipsius in terram ceciderat, natum, sustulit, & comitibus suis Pandroso, Hersæ, Aglauróque Cecropis filiabus, cistella viminea inclusum, custodiendum tradidit, seuerè præcipiens, ne quis quod intus esset, inspiceret: Cæterùm à custodibus cistula laxata, & infans, partim homo, partim serpens, conspectus est.

ENARRATIO.

Vulcani quondam genitali semine prolem
 Pallas Erichonium casta leuauit humo.
 Quem tacitè clausit texta de vimine cista,
 (Creta quidem soboles hæc sine matre fuit.)
 Seruandumq; dedit puerum de Cecrope natis,
 Quas cistæ curam iussit habere D E A.
 Intus at omnino non est confessa, quid esset,
 Virginibusq; vetat vas aperire tribus.
 Pandrosos absq; dolo, commissæ tuetur, & Herse,
 Iussa sed Aglauros non violare nequit.
 Dissoluit nodos cistæ, timidâsq; sorores
 Aduocat, hîc monstri viscera parua vident.
 Humani supra vultus, fœdiq; Draconis
 Inferius, clauso vase figura latet.

ALLEGORIA.

Fabula demonstrat præsens, arcana recludi
 Sapias, & firmam non retinere fidem:
 Semper enim vetitos homines labuntur in actus,
 Quilibet Et/ pronus, quod prohibetur, agit.
 Propterea secreta caue committere cuius,
 Rara fides nostro tempore, rarus amor.
 Fallaci perdiscat homo diffidere mundo,
 Est quod præcipuum iam sapientis opus.
 Fanineo generi nemo concedere quicquam
 Audeat, inconstans, & leue pectus habet.
 Omnia nosse cupit mulier, secreta reuelat,
 Et nisi quod nescit, nil retinere potest.

Coronis in cornicem mu- tatur. X.



Postquam Coronis, Regis Coronei filia, Cecropidarum in aperienda cista, diulgaret audaciam, eamque ad Palladem referret, protinus à Mineruæ comitatu fuit repulsa. Cùm igitur, in solitudinem se conferens: oblectaretur littore, Neptunus procul ea conspecta, amore virginis incaluit: cui cùm vim afferre conaretur, ab eadem Dea, propter virginitatem retinendam, in auiculam Cornicem est transmutata.

CEcrops ut nata velitam soluere tabernam,
 Fertur Erichonius qua latuisse puer,
 Illarum facinus mox Larissæa Coronis
 Palladis ad castæ numina magna refert,
 Dumq; sibi sperat regalia premia dignas
 Multiloqua pœnas garrulitate capit.
 Nam citò tutela secluditur illa Minerva,
 Undarum deinceps littora curua petit.
 Quam pelagi Deus inspiciens accenditur igne,
 Et blando varias implicat ore preces.
 Hec fugit, is sequitur, fugientem passibus aquis
 Neptunus premit: ast inuocat ipsa Deos.
 Prestitit auxilium cui Pallas ab æthere summo,
 Membraq; cornicis nigra puella trahit.
 Hec in viuacem pariter conserua volucrem,
 Aëra iam cantu garrula mulcet auis.

ALLECORIA.

Littoris ad siccas quæ sic spaciatur arenas
 Virgo, tibi curis pectus inane notat,
 Ac planè donis mentem cœlestibus orbam:
 Hec solet ad littus serenocare maris,
 Dum nihil omnino quàm vana negocia mundi,
 Et mala peruersæ gaudia carnis, amat.
 Hos crebrò Sathanas homines infestat & angit,
 Hos & in exitium precipitanter agit.
 Nā Deus illorum votis permotus, egenis
 Præsidium solita pro bonitate ferat.

Coronis ab Appolline transfigitur. XI.



COruus volucris initio naturæ, candidis pennis plumatus fuit, is Coronidem Phlegiæ filiam (seu ut alij volunt, Leucippi) indicauit Appollini, cum Elati filio, cui nomen Ischys erat, concubuisse, vnde flagrantis Dei sagittis puella confixa est. Phœbus autem cum facti eū pœnireretur, coruo garrulitatis ergo, nigrum colorem indidit. Ex hac & Appolline natus est Æsculapius, quem pater exciso vtero matris ad Chironem in Pelion montem detulit, ut ab eo incrementum, simulque scientiam mœdendi addisceret.

ENARRATIO.

Non fuit Oemonia virgo præstantior ampla,
 Quam dilecta tibi Phœbe Coronis erat.
 Hæc fertur castum leuiter soluisse pudorem,
 Et vetitos thalami commaculasse toros.
 Sensit concubitus Phœbeius ales iniquos,
 Ad dominumque refert crimina sæda suus.
 Aemonio Iuueni vidisse Coronida narrat
 Commixtam: rabido Cynthius igne calet.
 Illius & tumida mens excandescit ab ira,
 Hinc Deus assueto spicula more rapit.
 Intenditque minax sinuatum cornibus arcum,
 Imponens celeri tela cruenta manu.
 Traiicit & ferro iuuenilia corda puella,
 Quæ gemitus alto vulnere tacta dabat.
 Post obitum calidæ Phæbum citò pœnitet ira,
 Qui subito gravidam sic periisse dolet.
 Ex utero natum rapit, & Chironis in antrum
 Defert, ut medica crescat in arte puer.
 At Coruum, retulit quia tristia nuncia, nigras
 (Antea candentem) collocat inter aues.

ALLEGORIA.

Sic soluit pœnas culpa formosa Coronis,
 Nam vindicta Dei crimina quæq; premi
 Tu quoq; Corne loquax pro munere, debita iuste
 Præmia verbosæ garrulitatis habes.
 Nam nocet effrenis, quam vincula nulla coercent
 Lingua, per & ingulum vox mala sæpe redit.

Ocyrhoe Chironis filia in equam. XII.



Ocyrhoe Chironis filia, contemptis patris sui artibus, futura præcinit, infantique Aesculapio prædixit, quòd medicina mortuos ad superos educturus esset, & ab auo fulminis ictum experturus: Patrem quoque sagittis, cruciandum, cupidumque mortis ex Deo mortalem futurum, prænunciauit. Quæ vaticinia, cum esset elocuta, in equi cessit figuram, ne aduersantibus fati, plura ederet, quam prædicta. Apollinis largirentur,

ENARRATIO.

O Cyrhoe quondã Chironis filia ratis
 Munere perfungens, multa sacra canit:
 Cũq; semel rapidos cepisset mente furores,
 Fatidico tales protulit ore sonos:
 Cresce puer, dixit, Phœbi clarissima proles,
 Gaudia defunctis lucis amœna feres.
 Extinctis (per te Medicum) sua vita redibit,
 Te tamen & seuo fulmine tanget auus.
 Post ad Chironem loquitur conuersa parentem,
 Tristia te (Genitor) fata perinde manent:
 Sanguine serpentum tinctis cruciabere telis,
 Inuadẽtque grauis saucia membra dolor.
 Tẽque Deus cũ sis mortalem numina reddent,
 Vt possint triplices fila secare Dee.
 Hec virgo lachrymis suspirans fatur abortis,
 Et mutat subito corporis ora sui.
 Vox prior & facies cessant, animalis imago
 Nascitur, & rigida membra creantur equa.

ALLEGORIA.

Fabula diuitiis hæc fortunãque potentes,
 Et multa tumidos ambitione, notat.
 Exoptata quibus vitæ conceditur ætas,
 Et quibus ad nutum prospera cuncta fluunt.
 Hi planè casus nequeunt audire futuros,
 Si quis eis mortem suppliciumq; canat.
 Pre foribusque malis pœnas, iramque Tonantis
 Nunciet hic vates præmia dira refert.

Battus in saxum. XIII.



Mercurius Apollini, boues Admeti Pheritis filij, pascenti, in Pyliaë agris auertit, & in sylua occuluit: Batto autem hoc videnti vaccam, ne furtum indicaret, dono dedit, quam ille accipiens, proximum lapidem citius, quam se aliquid ea de re locuturum affirmauit. Statim igitur Mercurius mutata figura reuersus, se amissos boues querere simulat, ac Batto duplex præmium promittit, qui cum ei montem, vbi pascerentur, mox ostendisset, propter perfidiam in saxum transmutatus est.

ENARRATIO.

Pastor erat quondam cithara pulsator Apollo,
 Qui sibi dum cantu tadia mœsta leuat,
 Custodita parum Pylios armenta per agros
 Errant Arcadie cuncta vidente Deo.
 Impiger ille boues syluis occultat abactos,
 Hac sensit furti crimina rure senex.
 Cui Maia Genitus, nitidam pro munere vaccam
 Donat, ut hac aliquo furta rogante, neget.
 Battus ait, prius hoc saxum commissa loquetur,
 (Ostendens lapidem) tu modò tutus abi.
 Discessum simulat Deus, at cum voce figuram
 Commutans, subito rura per illa redit.
 Amissosque boues quarens, affatur eundem:
 Viderit errantes is-ne per arua greges.
 Illi cum tauro dabitur mox fœmina iuncto,
 (Natus ait Maia) qui mihi prestat opem.
 Protinus erupit Senior, sub montibus istis,
 (Inquit) erat primum copia magna bouum.
 Odit Athlantiades hominis mutabile pectus,
 Vertit *Et* in saxum squalida membra Senis.

ALLEGORIA.

Hic tibi caufidicum Battus designat anarum,
 Qui solet intenta semper adesse manu.
 Suscipit alterius mercede negotia capus
 Expedienda, fidem sed negat inde suam.
 Huic etenim quando duplicantur munera, partes
 Oppositas (lucris cæcus amore) fouet.

Mercurius Herfes amore capitur. XIII.



AThenis virgines per solenne sacrificium canistris Mineruæ ferebant pigmenta: Inter quas à Mercurio conspecta est Herse, Cecropis filia. Quamobrem aggressus sororem eius Aglauron, precatus est eam, ut se Hersæ, sorori suæ, coniungeret. Quæ cum ab eo pro ministerio aurum poposcisset: Pallas grauitè ei offensa est, cum ob cistulam, quam aperuit, tum ob auaritiæ flagitium, quod auro tam turpiter inhiaret.

ENARRATIO.

Mercurius quondam castas de more puellas
 Viderat armigera sacrificare Dea:
 Has vaser attendens, festas circumuolat arces,
 Palladis & curuo tramite flectit iter.
 Virginibus fuerat reliquis insignior Herse,
 Arcadio iuueni quæ veneranda placet.
 Pars domus interior luxu decorata superbo,
 Egregiè thalamis stat fabricata tribus.
 Androsos, Aglauros, Herse, tres quippe sorores
 Tecta colunt: proprio qualibet apta toro.
 Prima sed Aglauros vestigia seruat euntis,
 Cernit & ignoti numen adesse Dei:
 Aduentus igitur causam noménque requirit
 Illius, huic subito penniger ales ait:
 Herse connubio soror ut iungatur amanti,
 Nunc adsum cæli lapsus ab axe, mihi:
 Tu faueas cæptis ac mitem redde sororem:
 Protinus hæc auri pondera magna petit.
 Dúmque ferat, subito tectis expellitur Hermes,
 Arsit eam contra Palladis ira Dea:
 Voluit adhuc cistam commota mente reclusam,
 Post & auaritia crimen adauget onus.

ALLEGORIA.

Sic hominum noxa tandem reteguntur ad auras,
 Quod latet interdum suscitât vna dies:
 Supplicium multos differtur sese per annos,
 Sed certo grauior tempore pœna venit.

Descriptio Liuoris & In-
uidiæ. XV.



A. Glaucos, vna ex Cécropi filiabus, cum ob arcanorum reuelationem, tum ob auaritiam, inuidia & liuore correpta fuit: Antequam verò singulas rei circumstantias acuratè describat Poëta, inuidiæ *μετριοφιλία* domusque eius luculentam designationem, vnà cum proprietatibus huius sceleris, præmittit, vt ex sequentibus patet versiculis.

ENARRATIO.

Est domus obscuri cecis in vallibus antri,
 Quæ nunquam ventis peruia sole caret.
 Tristis Et immenso quæ frigore semper abundat,
 Quam caligo frequens, nox & amara, premit.
 Vipereas intus carnes discerpere dicunt
 Invidiam, fauces & saturare suas:
 Exagitat macies hoc formidabile monstrum,
 Lior edit corpus, pallor in ore sedet.
 Igne micant oculi rapido, lethale venenum
 Corpus habet, nigro pectora felle tument.
 Risus abest omnis, nec carpit iniqua soporem,
 Sed versat curas nocte diæque graves.
 Successus hominum dolet, ac tabescit eorum
 Fortunis, odio dum furibunda scatet.
 Huic Dea Pallas ait: fluida citò tabe sororem
 Herpes inficias, virus Et acre vomas.
 Protinus Aglauros tetro suffusa veneno
 Turget, & invidia viscera pestis init.
INTERPRETATIO MORALIS.
 Cernitur hic expressa tibi lioris imago,
 Invidus hæc omnis, signa notasque gerit.
 Est niger & siccus, macer est & pallidus ore,
 Speluncis habitat, lumine solis eget,
 Nempè per invidiam malus excecatur inertem,
 Plena venenati pectora fellis habens.
 In somnis noctu longas vigilare per horas,
 Et pectus Divis excruciare solet.

Aglauros in lapidem. XVI.



CUm Pallas iam Aglauro, Cecropis filiae stimulos inuidiae addidisset, ea quidem diu multumque, ob felicitatem sororis, liuore cruciabatur, & Mercurio magnopere repugnabat, ne amata Herse potiretur. Tandem cum de suo proposito Aglauros non desisteret & ingressum Mercurio (limine ante fores insidens) prohiberet, ab ipso in lapidem conuersa est.

CEcropidam linor tacitè mordebat amarus,
 Anxia nam leta sorte sororis erat,
 Mercuriique toris offendebatur honestis,
 Exoptans potius fata subire necis.
 Quam sic diuinis cumulatam cernere donis
 Germanam: penetrat tabida corda dolor.
 Arcadiusque fores cum iam properaret ad ipsas,
 Aglauros nitido limine mæsta sedet.
 Occludens ades pariter, conatur amantem
 Pellere: sed reseat ferrea claustra Deus.
 Virgo stupet subito, postesque relinquere tentat,
 Ast ignaua loco membra mouere nequit:
 Nam iunctura riget genuum, gelidusque per ossa
 Horror it, et tepidus corpore sanguis abest.
 Vitalisque calor languentes deserit artus,
 Actantum silicis signa relicta manent.

ALLEGORIA.

Sic peccata grauem texunt sine fine catenam,
 Crimen auaritiæ crimina plura sonet.
 Hinc scelus inuidiæ (scelerum deterrima pestis)
 Nascentur, inde dolus, fraus et iniqua meat.
 Post aliud facinus vis et truculentia surgit,
 Ac delictorum longa caterua subit.
 Talis at in rigidum mutatur bestia saxum,
 Denique dum verè saxea corda gerit.
 Quam neque blādus amor, neque commiseratio flectit,
 Quæ superat rabidos et feritate lupos.

Iupiter in Taurum. XVII.



Mercurio iussu patris in Phœnicia regione armenta ad littus compellente, Iupiter in Taurum conuersus est, qui dum se iuuen-
 cis Agenoris regis immiscebat, in amorem sui
 spaciantes in arena virgines allexit, & cum sin-
 gulis paulatim ludens, tandem Europam Age-
 noris filiam, insidentem sibi tergo, per mare in
 Cretam Insulam detulit, ibique concubitu eius
 est potitus.

ENARRATIO.

Arcadium recipit iuuenem Phœnœia tellus,
 Quicelerè supera desilit arce Iouis:
 Regis & armentum vertens ad littora cogit,
 Mos ubi virginibus ludere gratus erat.
 Filia non rarò veniebat Agenoris illuc,
 Reficiens Tyrio se comitata choro:
 Induit ergo bouis faciem, mugitque per arua
 Iuppiter, & tenero gramine carpit iter.
 Est color huic niueus, mansuetâq; lucet imago,
 Et præbet nullas a speritate minas.
 Scilicet hunc Regis miratur filia taurum,
 Ac petulans flores huius ad ora mouet:
 Caudet amans, manibus simul oscula figit amata,
 Mutua sic animi dans monumenta sui.
 Pectora post virgo palpat, post cornua sertis
 Implicat, & tandem tergora dura premit.
 Tum Deus abscedit sicco de litore sensim,
 Atque pedem lento tramite ponit aquis.
 Pergit Et/ ulterius, prædâmq; reportat auaram,
 (Impositam dorso) per vada salsa maris.

ALLEGORIA.

Fabula lasciuas tibi denotat ista puellas,
 Agmina quæ iuuenum visere vana solent.
 Tunc harum blando sensim capiuntur amore,
 Linquentes patrias, limina tuta, domos.
 Ac tacitè scelerum portantur ad aquora, nullus
 (Suanior elusis) exitus inde pates.

OVIDII METAM. LIB. III.

Anguis Cadmi socios interficit. I.



CAdmus Agenoris regis Phœniciæ filius, à Patre ablegatus, Europã Sororẽ fraude Iouis surreptã, in omnibus terrę partibus quæsiuit: at eã cū nuspiam inueniret, ab Apolline admonitus, Bœotiã condere (nã in patris prodire conspectũ verebatur) in animo habet: Ioui autem prius sacrificaturus, socios è vicino Martis fõte, ad hauriendã aquã dimittit qui ab horrẽdo quodam Dracone ad locũ istũ interfecti sunt.

Querit Agenorides surreptâ fraude sororem,
 Lustrans innumeros Rege iubente locos.
 Qua non inuenta, Dictæa reuifere rura
 Addubitat, patrias sic timet ille minas:
 Observans igitur nitidæ vestigia vacca,
 Constanter monitis paret Apollo tuis.
 Bos & ubi tenera sese submiserat herba,
 Hic placitum Cadmo figere limen erat.
 Quam prius at firmæ noua mœnia poneret urbis,
 Excelso statuit sacrificare Ioui.
 Inde suos haustam lymphas iubet ire ministros
 Fons ubi præcincto vimine fundit aquas:
 Virgulto sed enim Coluber celatur agresti,
 Horridus expanso virus ab ore vomens,
 Morsibus et Cadmi socios immanibus omnes
 Enecat: inq; viros atra venena iacit.

ALLEGORIA.

Iste Draco veteris gestat simulachra Tyranni,
 Nomina qui tetri vera Draconis habet:
 Nam velut hic Cadmi mortem subiere ministri,
 Dum fontis gelidi vina fluenta petunt:
 Haud homines aliter crudelibus obiicit umbris
 Hostis atrox, quoties gaudia vana trahunt.
 Quando voluptatis liquidas spaciatur ad undas,
 Anguis sub viridigramine sæpe latet:
 Undiq; sic nobis Demon sua retia tendit,
 Ut nos in Baratrum perditionis agat.

Serpens à Cadmo inter-
ficitur. II.

Cadmus socios suos ad fontem ablegatos
per aliquot horas sollicito animo expe-
ctans, querere tandem incipit, ac nemus ingre-
diens, eminens horrendum Draconem illorum
viscera deglutire videt, ad quem ipse pelle Leo-
nis indutus probèque armatus accedit, & mon-
strum illud solus, magnis cum laboribus & ex-
tremo vitæ periculo, deuincit.

Iamdudum socios expectat Agenore natus,
 Nescius impediatur quæ mora tarda viros.
 Continuè munit direpta pelle Leoni
 Corpus, & audaces instruit ense manus.
 Inq; nemus gradiens, monstrum crudele Draconis
 Lambere caesorum membra cruenta videt:
 Mente pauet Cadmus trepida, sociosque peremptos.
 Sic à squamigero turpiter angue dolet.
 Sed pietas vires accendit Et incluta virtus
 Ultorem tanti criminis esse iubet.
 Sustulit hinc ingens magno conamine saxum,
 Misit & in medium corporis illud onus.
 At squamosa tegit serpentem pellis, & ictum
 Excipit incolumis, nec leue vulnus habet.
 Duritia tamen haud potuit sic vincere ferrum
 Cuspidis, heu penetrant spicula saeva cutim:
 Spumæque pestiferis è faucibus acta resultat,
 Sic Draco Cadme tuo robore victus obit.

ALLEGORIA.

Noster Agenorides vero sit nomine Christus,
 Ast anguis Sathanam tu scelerate notas:
 Vis hominis nullius erat denincere monstrum
 Horrificum, Christi muneris illud erat.
 In mortale genus Daemon lethale venenum
 Expuit, hinc hominum maxima turba perit:
 Vita sed è Christo (tutud it qui colla Draconis)
 Effluit, hinc lethi iura seuera silent.

Milites è serpentis nascuntur dentibus. III.



Postquam Cadmus magnum illum Dracōnem interfecit, dentes ipsius, monitu Minervæ, humo sparsit, ex quibus armatorum hominum ingens multitudo progenita est, quæ inter sese domestico confligens bello, vniuersa deletur, quinque viris tantum exceptis, qui deinceps è prælio superstites, Cadmo socij condendæ vrbis extiterunt.

Victor Agenorides dū mortua mēbra Draconis
 Aspicit, hos patula percipit aure sonos.
 Cura sit anguinos (inquit) Tritonia dentes
 Spargere, mortales nam seges ista feret:
 Obsequitur Cadmus monitis & vomere curvo
 Horrida diuulsa semina mandat humo.
 Vinida mox (mirum) telluris gleba mouetur,
 E sulcis pariter ferrea spina micat.
 Cristata surgunt galea, telisq; coruscant
 Corpora sanguineis: stat clypeata cohors.
 Immittitq; grauem Cadmo fera turba timorem,
 Hostes qui contra pronus ad arma ruit.
 Unus at exclamat, ciuilibus aufuge bellū
 Cadme, nec in nostras incide quæso manus:
 Extemplōque noui per vulnera mutua fratres
 Intereunt, bello gens inimica cadit.
 Quinq; superstitis, reliquos Mars deuorat omnes,
 Sic intestina cade caterna perit:

ALLEGORIA.

Militibus quæ sit prima de stirpe propago,
 Quæ feritas animi fabula ritè docet:
 Dentibus horrendi quia gens est nata Draconis
 Bellica, perpetuo membra cruore lauat.
 Ferrea mens plerumque viros, qui castra sequuntur
 Occupat, accedū pectora nutrit amor.
 A Sathana diri seruitur discordia belli,
 Descendit summo pax generosa polo.

Actæon in Ceruum. III.



Diana, cùm in valle Gargaphiæ æstiuo tē-
pore, assiduo venationis labore defatigata,
se ad fontem perlueret, Actæon Aristæi & Au-
tonoes filius, eundem locum petens, ad refrige-
randum se & canes, quos exercuerat feras per-
sequendo, in conspectum eiusdem Deæ inci-
dit, qui ne hanc ipsam rem diuulgare possit in
Ceruum ab ea conuersus est.

ENARRATIO.

Dum quoddam nemorū cultrix comitata puellis
 Pandebat timidis retia lata feris:
 Et tandem nimio venatus fessalabore,
 Nuda volubilibus membra lauabat aquis:
 Ecce nepos Cadmi nemorosis montibus errans,
 Frendentes canibus nixus agebat apros.
 Intrans et liquidisrorantia fontibus antra,
 Cernebat comites pulchra Diana tuas.
 Quæ tecum fluidis abstergunt corpora lymphis,
 (Forsitan hanc illi fata tulere viam)
 Nudatas subito terret presentia Nymphas,
 Astantisque mouet visio tetra viri:
 Spumanti pariter Titaniaferuet ab ira,
 Et venatori tristia fata fruit.
 Aspergitque comas illius, et vndique circum
 Perfundit tenui (percita) rore caput.
 Mox celeris tincto surgunt duo cornua Cerui,
 Villósæque cutis vellera corpus habet.

ALLEGORIA.

Actæon hominem nobis designat inanem,
 Qui bona fortune blanda fugacis amat.
 Quæ dum venatur, præstantia munera mentis
 Perdit, et in cerui membra redactus abit,
 Qui syluis habitat, rabidoque libidinis æstu
 Sæuit, et incautum sæpè pererrat iter.
 Sic quoque prauus homo, tenebris agitatur opacis,
 Dum ruit in laqueos hostis amare tuos.

Actæon

Actæon à propriis canibus discerpitur. V.



Actæon à Diana in ceruum mutatus, sylvas hinc inde rationis adhuc compos vagabatur, sed voce destitutus humana, suspiriis modò dolorem & luctum innuebat, neque ad regna patris se recipere ausus erat, neque in sylvis habitandi locum sibi tutum æstimabat. Dubius igitur cùm esset quid rerum ageret, eius canes gregatim in Dominum suum, pro fera habitum, irruentes, eum violentis moribus discerpsere.

ENARRATIO.

Cum Semelen gravidam sentiret, regia Iuno,
 De Ioue, terribili mota furore, tumet.
 Occultasq; parat presso sub pectore clades,
 In miseram turpes præmeditata dolos:
 Tincta sed ut lateat fucato causa colore,
 Aspera se fulva nube Cabina tegit.
 Et faciem ruga deformen crispat anili,
 Pellicis hinc subito splendida tecta subit.
 Utq; terunt longas amba sermonibus horas,
 Postremò meminit callida Diva Iouis.
 Fallaciq; mouet stultam ratione puellam,
 Vno ne coeant ipsa Deusq; thoro:
 Ni tantus talisq; domos accedat amator,
 Qualis ad uxoris dulce cubile venit.
 Continuo Semele petit hoc pro munere donum.
 A Ioue, sed voto fœmina læsa perit:
 Nam Deus ut saevo communit fulmine dextram,
 Igne domus rapido protinus alta cadit.
 Fœtus at insuitur (raptus genitricis ab aluo).
 Perfectam femori tempus adusque Iouis.

ALLEGORIA.

Fabula demonstrat, quam sepe libidinis æstus
 Absumat multis corpus, & ossa voret.
 Cecus amor primò mira dulcedine pectus
 Illinit, ut suavis decipit esca gulam:
 Pocula sed tandem Damon austera propinat,
 Ignis & horrendi fulmina miscet atrox.

Narcissus in florem. VII.



Liriope Nympha, ex amne Cefipho procreabat Narcissum, insigni forma iuvenem qui cum Echo, aliasque multas contempsisset puellas, Nemesis ultrix fastidientium, ei amore su *ἰφίλαυτίαν* dictum inspiravit, ut sui ipsius flamma exureretur. Proinde cum ex nimia aliquando venatione fatigatus, aquam è fonte hauriret, imaginem sui conspexit, & præ ardenti erga seipsum amore extabescens, vita priuatus est, & in florem sui nominis euasit.

ENARRATIO.

Protulit ethereas Narcissum mater ad auras,
 Cerula Liriope, flumine mixta viro.
 Pulcher erat inaevis, nec eo speciosior alter,
 Quem sibi poscebat saepe puella dari.
 Huius amore perit sylva resonabilis Echo;
 Hinc hodie tantum voxq; sonusq; manet.
 Ast omnes quoniam spernit Narcissus amantes,
 Protinus immenso flagrat amore sui.
 Namq; diu trepidos agitans in retia ceruos
 Languet, & ad fontis flumina pura sedet:
 Pellere dumq; sitim cupit, & procumbit ad undas,
 Illius in liquidis forma relucet aquis.
 Egregij vultus igitur correptus amore,
 Splendida miratur corporis ora puer.
 Ardet & intuitu, nutritq; cupidinis ignem,
 Irrita dum Lymphis oscula figit amans.
 Lumina sed tandem mors tabescentia claudit,
 Nunc speciem crocei corpora floris habent.

ALLEGORIA.

Est hominis puer hic Narcissus imago superbi,
 Qui fastu nimio iurgida corda gerit.
 Ac praese reliquos naso suspendit adunco,
 Blanditurq; (nouo captus amore) sibi:
 Sed propriè talem perdit dilectio forma,
 Huius Et in florem corpus inane redit.
 Ambitiosus honos, inflatq; gloria mundi
 Interit, ut viridi quæ rosa floret agro.

Bacchi sacra seu Trium- phus. VIII.



Pentheus Echionis & Agaues filius, Tiresiæ vaticinium aspernatus, cū in aduentu Liberi patris, Thēbani hedera redimiti obuiam ei procederent, suos ire prohibet, & illud spectaculum omnino pro nihilo ducit, negans ex Semele Bācchum Deum esse procreatum. Illicō etiam famulis suis imperat, vt Liberum ad se vinctum attrahant, eidemque moris discrimen intentat.

ENARRATIO.

Sacra dies aderat, qualem prædixerat ante
Tiresias vates, fœmina virq; simul:

Prima Corymbiferi celebrantur festa Lyæi,

Hinc turba fremitus sydera celsa petit.

Cincta satellitibus proles Semeleia Bacchus

Cernitur, is magno cultus honore venit.

Tempora Pampineis passim circumdatus vuis,

Vinaces hederas crine nitente gerit:

Velatamq; manu pinum quatit inde racemis,

Non absunt dulci pocula plena vino.

Ad sacra concurrit titubanti poplite cœtus,

Vndique cùm strepitu plebs furiosa ruit.

Rex verò Pentheus spectacula vana perosus,

Mox sibi subiectos approperare, vetat.

Bacchica bis geniti prohibet lustrare Lyæi

Festa: Deo pariter tristia fata struit.

Namque ducem subito famulis asferre potentes

Precipit, & vinclis membra ligare iubet.

ALLEGORIA.

Bacchus adhuc hodie magno celebratur honore:

(Gentiles vini quem statuere Deum.)

Illius in mundo pars pleraque sacra frequentat,

Et colit hunc leto pectore vana cohors.

Dedita dum ventri calices exhaurit opimos,

Et sic immodico pondere corda grauat.

Concitat ebrietas insanos mente furores,

Bestia nanque nocens est temulentus homo.

Tyrrheni nautæ in Del-
phinos. IX.



Liber aliquando Naxum insulam petens , in Tyrrhenos incidit , à quibus propter eximiam formæ pulchritudinem captus , pro præda nauigio impositus est. Qui vt vidit se non in Naxon , ad quam vehi pactiõis ratione cupiebat: sed in aliam ducti regionem, armamenta nauis in feras ac serpentes conuertit , quo prodigio Tyrrheni statim exterriti in pelagus se præcipites dedere, ac in Delphinos mutati sunt.

ENARRATIO.

Formosa Liber specie Semelcia proles:
 Instructa quondam naue receptus erat.
 Vitigenæq; volens transire ad littora Naxi,
 Numinis occultat robora magna sui.
 Postmodò cum verrunt sudantes equora nauta,
 Protulit effiçto talia verba sono:
 Quid facitis? pupim cui vos appellitis ora?
 Ad Naxon vobis est referenda ratis:
 Nil aliud Proreus spondet per numina iurans,
 Sed citò diuersum tranat iniquus iter:
 Tum Deus illudens fraudem, simulabat amaras
 Fundere se lachrymas, mæstaq; dicta dabat:
 Quid me decipitis, naues quò ducitis? inquit,
 Non sunt hæc Naxi littora tuta mea.
 Ista loquente Deo, sub flumine cymba quiescit,
 Firmiter inq; sua cen statione manet.
 Mox etiam surgunt turpißima monstra ferarum,
 Quæ nautis pauido corda timore replent.
 Hinc se precipitant omnes in gurgitis undas,
 Et Delphinorum membra timenda gerunt.

ALLEGORIA.

Nil humana valet fraus, nil astutia prorsus,
 Contra (quem fugiunt nulla piacula) Deum.
 Si quis eum fallat, mergetur in aquore tandem,
 Et sua tartareis corpora tinget aqua:
 Ut cum Demonibus per sæcula cuncta resultet,
 Nec ludat posthac numina celsa Dei.

Pentheus à Bacchis dis- cerpitur. X.



CUm rex Pentheus Bacchum denuò custodia clauderet, fores sua sponte patefactæ, & vincula manibus eius defluerunt: Tum Rex in montem Citærona ad sacra se recepit, ibique Agaurē matrem (quæ propter ipsius furorem animum à filio gerebat alienum, vnâ cum sororibus adiuuantibus Ino & Autonoe) incitauit, vt eum sacra proterentem sua manu interimerent, cruentisque lacerarent moribus.

P Ergit Echionides contemnere festa Lyai,
 Intentans ipsi funera mæsta Duci:
 Nam Bacchum forma famali, cui nomen *Acates*,
 Captum tormentis excruciare iubet.
 Hic autem vinclis euadit sponte solutis,
 Protinus & manibus dura catena fluit.
 Exurgens igitur Pentheus, inuisere sacra
 Ipse cupit, tantos turba ciere sonos:
 Montis in excelsa ferit aurea sidera clamor
 Culmine: Rex illic festa parata videt.
 Conspicit hunc mater Bacchi furibunda sacerdos,
 Que mox in gnati viscera prima ruit:
 Vos etiam gemina (conclamat) adeste sorores,
 Frendens hic nobis est feriendus aper:
 Haud mora, turba coit, dentes in *Pentheæ* figens,
 Et lacerant miserum corpus adusq; necem.
 Saucius exorat dignentur parcere membris,
 Vulnere sed rabido dilaniatus, obit.

ALLEGORIA.

Ceu Rex à propriis, cum matre, sororibus, iste
 Discerptus, lethi sæva pericla tulit:
 Sic hodie mundi cacos quicunque furores
 Despiciunt, eadem pœna manere solet.
 Vana voluptatis furibundâq; gaudia vulgi.
 Qui spernit, tutum non habet ille locum.
 Aduersantur ei soror, & cum fratre parentes,
 Impius at cultus quem iuuat omnis amat.

OVIDII METAM.

LIB. III.

Pyramus & Thysbe. I.



PYramus & Thysbe, tam forma quā ætate pares, cum contiguīs habitarent quibus per rimam parietis sæpe colloquentes, amoris fundamenta iecerunt. Tandē etiam inter se pacti sunt, ut matutino tēpore ad monumentū Nini Regis, sub arbore Moro convenirent. Cū autem celerius Thysbe ad destinatū se reciperet locum, conspectu Leęne exterrita, abiecto amictu in sylvam refugit: At fera à recenti praeda ad fontem vicinum decurrens, vestem virginis relictam ore ciuento laceravit.

Pyramus & Thysbe duo formosissima quenda
 Corpora contiguos incoluere lares.
 Fixerat ex equo flammata Cupidinis arcus
 Pectora, parq; breui tempore crevit amor.
 Inter eos tede quoq; intra sacrata coissent,
 Legitimos patres at vetuere thoros.
 Hinc magis atq; magis flagrans exestuat ignis,
 Amborum nutu dant monumenta suo.
 Vocis iter paries præbet diffissus vtrinq;
 Pyramus hac, illac stare puella solet.
 Inde notant tempus, quo linquere tecta parentum,
 Custodesq; domus fallere (nocte) velint.
 Pacta placent, abeunte die, prior inclyta Thysbe,
 Arboris ad tumulum (quem statuere) venit.
 Dum sedet ad fontem, trux aduolat ecce leana,
 Cade noua, siccam depositura sitim.
 Mox fugit, hac visa linquens velamina virgo,
 Antraq; sylvarum tristis opaca subit:
 Interea vestem lea diripit ore cruento,
 Hinc oritur misera causa dolenda necis.

ALLEGORIA.

Hæc illegitimo merces deberur amorì,
 Vincula coniugij sunt retinenda pij:
 Quæ natis quoru cupiunt prohibere parentes,
 In mala tum soboles deteriora ruit,
 Principio thalamos Deus ipse sacravit honestos,
 Hostis at est Sathanas ordinis huius atrox.

Pyrami & Thysbes interitus. H.



Post Thysbes abitum, Pyramus ad locū destinatum aliquanto serius veniens, amictum sanguine conspersum reperit. Existimās igitur eam à fera deuorata, sibi metipsi suo gladio mortem consciscit. Deinde Thysbe deposito metu, ad eundem reuersa locum, cum videret se causam necis adolescenti præbuisse, ne diutius in mœrore sola existeret, eodē ferro se trāsfixit, quorum cruore morus arbor aspersa albos suos fructus in sanguineum colorem conuertit.

ENARRATIO.

Dum virgo nemorum ceco se condit in antro;
 Pyramus ad fontem serius inde venit:
 Pulvere qui cernens vestigia fixa Leana,
 Pallet, & attoniti signa pavoris habet.
 Deinde videns Thysbes velamina tincta cruore:
 Unica nox, inquit, funus utrisq; feret.
 Ipse nocens fateor, te te misera peremi,
 Et querulo plures edit ab ore sonos:
 Transfodit exuto tandem sua viscera ferro,
 Ac lethi propria fert sibi damna manu.
 Anxia dehinc virgo rediens, inquit amantem,
 Ut narret Pyramo cuncta pericla suo.
 Ad fontem iuuenis sed ubi deforme cadaver,
 Et pulsare solum membra cruenta, videt.
 Mæsta gemens alto ducit suspiria corde,
 Non ego, tristis ait sola superstes ero:
 Sed tecum vivens, tecum quoque fata subibo,
 Haud sine te posthac lux mihi lata datur.
 Dixit, & ambrosios manibus lacerata capillos,
 Sanguineo pectus perforat ense suum.

ALLEGORIA.

Depingit Sathanam, qui more Leonis oberrat,
 Expandens rictus ista Leana tibi.
 Nam rabida quos fauce vorat, perquirat ubiq;
 Dirus, & incautos fraude latente capit:
 Quosq; semel strinxit latro crudelis, ad Orcum
 Deinde eterna mortis ut ense cadant.

Veneris cum Marte adul- terium. III.



SOL postquam Martem olim cum Venere coëuntem cerneret, ad Vulcanum eius maritum hoc facinus detulit, qui supra modum indignatus, catenis tenuissimis, instar retium, cubile circumdedit, quibus Marrem cum Venere rem habentem sic implicauit, vt alter ab altera diuelli nullo modo posset. Patefacto deinde cubiculo, ambos omnium Deorum oculis spectandos subiecit, & eorum malitiam apertè hoc pacto retexuit.

Concubitu Titan Veneris cū Marte prehēdēs,
 Vulcanoretegit furta nefanda tori.
 Ignipotens igitur graciles ex ære catenas,
 Lumina quod possit fallere limat opus.
 Ingressusq; citò thalamos circumdata lecto,
 Ferrea fallaci retia fraude locat.
 Ut scandere torum Mars & Cytherèa paratum,
 In laqueos subito corpora bina cadunt.
 Amplexuq; suo strictus dum retibus hærent,
 Impliciti superos conuocat ille Deos.
 Spectatum veniunt omnes, inclisq; iacere
 Turpiter intortis membra ligata vident.
 Irrisere Dei vetitos Mauortis amores,
 Et fuit in toto fabula nota polo.

ALLEGORIA.

Hic superi possunt tibi designare potentes,
 Quos impune licet quodq; patrare scelus.
 In delicta ruunt prono crassissima cursu,
 Digna sed hos factis pœna nec ulla manet:
 Plectitur ast tenuis quoties transcendere leges.
 Inscius, aut quavis conditione solet.
 Et velut in tela quam texit aranea tygno,
 Dependens superò paruula musca manet:
 Grandior ast penetrat casses & tuta recedit,
 Sic humiles legum vincula stricta tenent.
 Euadit foribus laxis hinc turba potentum,
 Coruus abit, pœnas blanda columba luit.

Leucothea in virgam thuream. III.



Venus propter adulterium suum, à Sole divulgatum, ei Leucothoes, filia Orchami Achemeniae principis & Eurynomes amorem immisit, qui ut commodius ea potiretur, se in matris Eurynomes formam transmutauit. Cum verò pater Orchamus eam vitiatam esse, indicio Cliniae Solis amicae cognouisset, filiam sub terram defodit, quae deinceps misericordia Phœbi, in virgam seu arborem thuris est conuersa.

Dulcia Solis equi volucres dum pabula carpūt
 Et noctu reparant membra quiete sua.
 Leucothoes intrat thalamos Hyperione natus,
 Eurinome referens ora manusq; tuas:
 Ut nocturna videt ducentes pensa puellas,
 Gnate (ceu genitrix) oscula blanda dedit.
 Post ait, hinc famula discedite queso parumper,
 Est de secretis nata monenda mihi,
 Paruerant, Titan se mox manifestat, & inquit,
 Candida præ reliquis, tu mihi virgo places:
 Fallacisq; cito deponit imaginis umbram,
 Et fruitur vetito dulcis amore tori.
 Diulgat Clytie stuprum retegitiq; parenti,
 Gnatam telluri defodit ipse ferox:
 Leucothoës casum Titan miseratus acerbum,
 Prestitit ut flueret corpore thuris odor.

ALLEGORIA.

Effigiem gestat sani Pater ille tyranni,
 In iustos nimia qui feritate furit.
 Mortis & ad rigida crudelia funera raptat
 Hos, qui supplicium non meruere necis,
 Sicut adhuc hodie tales reperire licebit,
 Qui tormenta piis exitiosa parant.
 Sed coram mundo quamuis videatur obire
 Integer, ante tamen vivit is ora Dei,
 Mors cuius de se diuinum spargit odorem,
 Et bene virga velut floride thuris olet.

Salmacis & Hermaphroditus in vnum corpus. V.



Hermaphroditus Mercurij & Veneris filius, à Naiadibus Nymphis in monte Ida educatus, relictis earum sedibus, ad fontem Salmacis & Nymphæ peruenit, eumq; tandem ingressus, statim complexibus Naiadis colligatus, nec antè ab ea dimissus est, quàm à Dis impetrasset, vt in vnam eandemque speciem ambo mutarentur, ita duobus coniunctis corporibus, Hermaphroditus tam masculinum quàm. fœmininum sexum est adeptus.

ENARRATIO.

Mercurij puerum, Diua de Cypride natum,
Educat Ideo Naias alma specu.

Is verò postquam tria lustra peregit in antro,

Deseruit propria limina prisca domus.

Et Licij dubias stagni peruenit ad oras,

Quod viuus circum cespes ubique dabat.

Hunc ubi Nympha videt lucentis alumina paludis,

Ipsius illicitò gestit amore fuit.

Ad me blande veni, thalamos ineamus eosdem

Protinus effatur: sed fugit inde puer.

Volat ambiguus nunc huc, nunc voluitur illuc,

Carula sed denso vimine Nympha latet.

Expectans tenerum, qui postquam prodit & rinda

Vestibus abiectis, mollia membra lauat:

Insilit extemplo nudumq; prehendit & arctè

Siringit, & amplexu colla caputq; premit.

Iam meus es dicens, meus & sine fine manebis,

Hinc vnâ speciem corpus vtrunq; tulit.

ALLEGORIA.

Exemplum docet hoc, peccandi semita quàm sit

Lubrica quàm fallax perditionis iter.

Heu lapsus facilis iuuenilibus euenit annis:

Nam puer à patria dum solet ire domo,

Externâsque cupit petulans inuisere gentes,

In vasta mundi saepe palude perit.

Iuno & tres furia. VI.



IVno (grauiter ferens, quòd Ino Cadmi filia, Bacchi nutrix sororibus punitis, cum duobus remaneret liberis in vita, contemptrix numinis sui) per Tenarum promontorium Peloponesi inferorum sequens iter, ad Erinnes vltlices impiorum descendit, & vnam è furiis nomine Thesiphonem excitauit, eidémque adiunctis tam precibus quàm minis seriò institit, vt Athamanta regem Thebarum vnà cum Ino coniuge, aduersarios numinis sui, vlcisceretur, cuius imperium Dea Tartarea statim expediuit.

ENARRATIO.

Invidia Thebano fraudes Saturnia Regi
 Vxorique necis tristia fata struit:
 Haud mora, descēdens adit horrida regna Tyrān-
 Et gressum stygias flectit ad usq; lacus.
 Hic locus est passim nigris amplissimus umbris,
 Quem premit aeternos nox tenebrosa dies.
 Hoc millena volant animarum millia tractu,
 Quae scelerum pœnas, ut meruere, luunt.
 Hæc simul intravit funesta palatia Iuno,
 Tergeminus latrat Cerberus ante fores.
 Eumenides etiam resident in limine primo,
 Anguibus intortas quæ plicuere comas:
 Cernitur hîc Tytîon vultur cui viscera tundit,
 Tantalus & è mediis quem situs urget aquis:
 Cernitur Ixion, haustus & Belides undis,
 Sisyphus & saxum qui sine fine rotat.
 Hunc Dea contemplanis, cur hîc de fratribus unus
 Tanta pœnarum molle gravatur? ait:
 Est Athamas dives, qui mēque Iouēmq; superbus
 Despicit, hîc merito discrucandus erat.
 Huic igitur (Furia) rabiosam reddite mentem,
 Dixit, & ad cœli tecta superna redit.

ALLEGORIA.

Eumenides tibi tres, tria maxima crimina pādūt,
 Quæ sunt Liuv edax, cæcus & ardor opum,
 Atq; voluptatis (monstrum deforme) cupido,
 Hinc homo Tartarei fertur ad ima maris.

Athamas & Ino ad furorem incitantur. VII.



TIsiphone vna ex Eumenidibus Iunonis imperio parens, relicta Ditis regia, sese ad superos recepit. Quæ postquam ad aulam Athamantis peruenit, in sinum eius, & conjugis horribiles angues, & virus effudit, quibus animi eorum corporibus haud infectis, grauissimè sunt læsi, tantòque furore perciti, vt sensus amborum prorsus à pristinis moribus alienati fuerint, & ipsi tandem vnà cum liberis, miserrimos cruciatus pertulerint.

ENARRATIC.

In nonis precibus subito parebat Erinny's,
 Veste cruentata livida membra tegens:
 Tabificoque facem gestabat sanguine tinctam,
 Intorto nigras angue recincta comas,
 Hanc comitabatur luctus, recordi, terror,
 Aeolias peteret cum furibunda fores.
 Protinus ast Athamas viso cum coniuge monstro,
 Pallet, & ipsa metu linquere tecta cupit:
 Cui fera Tisiphone partes obstitit in omnes,
 Elabi manibus foemina, Rexue nequit.
 Crinibus inde quatit colubros (qui sibila torquent,
 Pestiferoque nocens virus ab ore vomunt.)
 Coniugibus pariter binos immittit Erynnis,
 Amplexu circum qui cito colla dabant,
 Vulnere membra carent, animas sed percipit, ictus,
 Saucia mens rabido plena furore tumet.
 Nam Dea lethales spumas & virus Echidne,
 Errorisque vagos, vimque scelusq; tulit.
 Coxit & hac olla mixto versata veneno,
 Fudit in ipsorum quae furibunda caput.

ALLEGORIA.

Aspice quam Sathana gliscat truculenta potestas,
 Quam saevis homines concitet ille modis:
 Hortatu cuius turpissima quaque sequuntur
 Crimina mortales, et mala multa patrant.
 Hinc furor, ambitio, fastus, contentio, cades,
 Hinc amor illicitus, furta dolusque fluunt.

Athamas furens Learchum filium interficit. VIII.



Athamas à Tisiphone Dea infernali vnâ cum vxore ad insaniam redactus, Learchū filium suum, quasi in venatione pro fera interficit. Ino autem Melicertam filiū è scopulo secum in profundum æquor præcipitauit : Qui Veneris precibus pro nepote factis, à Neptuno pelagirectore, in Deorum cessière numerum, ita vt Melicerta Palæmon, & Ino Leucothoe inter maximos Deos nuncuparentur : Comites verò Inus partim lapides partim volucres euasere.

ENARRATIO.

Protinus Aeolides furis agitalus in aula,
 Exclamat, Socij pandite limā citi,
 Utq; feram sequitur celeri vestigia cursu,
 Coniugis (ardenti cadus amore) suae.
 De matrisq; sinu sobolem pater arripit amens,
 Ipsius & funda brachia more rotat.
 Denique mentis inops dilecti membra Learchi,
 Contundit saxo sparsa cruore rudi:
 Exululat subito furiis quoque percita mater,
 Ausugit, & secum te Melicerta rapit:
 Séque freti scopulo praeceps demittit in undas,
 Et cum prole cauo gurgite mersa iacet.
 Sed Venus exorat precibus Dea numen aquarum,
 Addat ut equoreis corpora bina Diis,
 Sidonia comites Dominam per saxa secuta,
 Huius ut aspiciunt fata dolenda gemunt:
 Ac se prima mari iactu mersura profundo,
 Attingit scopulum, fitq; repente lapis.
 Horrida post etiam plures in saxa reuerse,
 Cetera pars volucres ad freta salsa volant.

ALLEGORIA.

Sic Athamas consorsque tori periere nefando
 Funere, quod fastu conciliare suo:
 Heu quoties hodie turpes conueriit in usus,
 Munera lata meri perniciosus homo,
 Proculcatque Dei largissima dona superbus.
 Huic olim quatiens pœna cruenta caput,

Cadmus & Hermione in Dracones. I X.



Cadmus Agenoris filius, variis suorum calamitatibus & infortuniis vexatus, Thebarum sedem perosus, vnà cum Hermione, Martis & Veneris filia, coniuge sua, inde recessit, seque in Illyriam cōtulit, vbi cum vxore à Diis in speciem Draconis conuertebatur, qui ambo deinceps in sylvarum latebra repserunt, & memores adhuc humanæ formæ ab hominibus ledendis abstinerunt.

ENARRATIO.

Mœstus Agenorides immania fata retractans
 Anxia luctifico corda dolore grauat.
 Illyricósq; petit querula cum coniuge fines,
 Et dubio secum pectore multa putat:
 Fordè draco sacer iste fuit, quem fontis ad oras
 Transfodi propria cuspide, Cadmus ait:
 Si me propterea premit horrida Numinis ira,
 Muter ut in colubrum supplice roce precor.
 Protinus in longam corpus distenditur aluum.
 Et squamas recipit tergo dura cutis.
 Brachia dum restant, miserum me tange maritum
 (O coniux, inquit Cadmus) et ora rigat.
 Dicere plura cupit, sed vox abrumpitur omnis,
 Fit Draco qui tenui sibila voce sonat,
 Cadme quid hoc, vxor querit, cur induis anguem?
 O utinam similis me quoque forma tegat.
 Hæc ubi dicta, sua mox coniugis ora maritus
 Lambit, & amplexu suauia colla petit.
 Hinc fiunt gemini citò fœmina virque dracones,
 Et nemorum frutices corpora iuncta colunt.

ALLEGORIA.

Exemplum uobis Cadmus proponit eorum,
 Quos à principio prospera fata manent,
 Donec agunt iustè, sed cum de calle recedunt
 Virtutis, capiti noxia damna struunt.
 Pernersos sequitur sors infauistiſſima mores,
 Et fabricat casus quilibet ipse suos:

Atlas in montem sui nominis
conuersus. X.



Atlas Rex Mauritaniae, Iapet & Peleiones
(seu vt quidam volunt) Clymones filius à
Themide, quæ initio Antistes Deorum erat, re-
sponsum accepit, ne quem hospitio ex progenie
Iouis susciperet, si modò vellet hortum, in quo
poma erant aurea, saluum & integram retinere.
Cum igitur eam ob causam Perseo, ex assiduo
cursu defatigato, requiescendi apud se locum de-
negasset, is prolatum ei caput Gorgonis obie-
cit, quo viso Atlas in montem eiusdem nominis
est transmutatus.

ENARRATIO.

Actus Abantiades discerdis aethera ventis
 Dum tranat, cancri brachia curva videt.
 Desuper hinc altis defigit lumina terris,
 Atque super mundi pulchra theatra volat:
 Iamque cadente die non ausus fidere nocti,
 Protinus Athlantis regna superba petit:
 Poscit & hospitium roseae aurora capillis,
 Fulgeat in madido dum rubicunda polo.
 Sollicitis addit precibus quoque stemmata gentis,
 Sed nil vota iuvant, nil & origo valet.
 Sors etenim regi manet alta mente reposita,
 Olim fatidico quam Themis ore dabat.
 (Tempus Athla veniet, fuluo tua poma metallo
 Cum rapiet proles vi petulante Iouis.)
 Hac metuens Athlas, furibundis Persea verbis:
 Increpat, eque domo pellere tentat atrox:
 Gorgonis extemplo squalentia protulit ora
 Perseus, & regi conspicienda dedit.
 Cuius membra meant in aprica cacumina montis,
 Crescit & in densum barba comaeq; nemus.

ALLEGORIA.

Fabula prae duros homines Athlantis adumbrat,
 Quorum terrenus pectora stringit amor.
 Hi tandem fiunt lapidoso vertice montes,
 Quos super incumbit machina celsa poli.
 Sic etenim curis sine fine gravantur avari,
 Totius ut mundi ferre putentur onus.

Perseus Andromedam liberat. XI.



Perseus per Aethiopiam iter faciens, post-
quam Andromedam propter superbiam ma-
tris quæ se Nereidum Nympharū pulchritudi-
ni prætulerat, saxo alligatam, ac marinæ beluæ
obiectā vidit, captus specie eius exarsit. Faciens
igitur pactiōē cum Cephæo, Iasi filio, Æthio-
pum rege, & Cassiopea parētibz virginis, ut si
beluam interemisset, ea sibi matrimonio trade-
retur, confestim draconem telis suis transfodit,
& hac ratione puellam est adeptus.

ENARRATIO.

Pennifer Inachides Cephæia prospicit arua,
 Dum liquido pernix æthere carpit iter,
 Illic Andromeden forma præstante puellam,
 (Cuius erant scopulo brachia fixa) videt.
 Solueret ut pœnas monstris obiecta marinis
 Filia, quas matris lingua proterua tulit:
 Hac ita conspecta, cæcos trahit inscius ignes,
 Virginis atque animo fata stupenda dolet.
 Pande mihi, dicit, noménq; genúsque puella,
 Curq; liget corpus dura catena tuum.
 Huic dum respondet, tumidum mox insonat æquer,
 Eminent eque sinu bellua dira maris.
 Territa virgo vocat lugubri voce parentes,
 Illachrymans mater, cum genitore venit.
 Hanc mihi si Perseus thalamo coniungitis, inquit,
 Belua victrici corruet ista manu.
 Quod cum promissit genitor, celer æthera findens
 Penniger, in monstrum noxia tela iacit,
 Illius & crebro transfigit viscera ferro,
 Et sic Andromeden præmia victor habet.

ALLEGORIA.

Sit verus Perseus Christus, per robora cuius
 Lethali Damon vulnere pressus obit:
 Hic quoque matris Eua nos ob cõmissa ligatos
 Eripuit, frangens ferrea vincla necis:
 Aeternoque sibi nos desponsavit amore,
 Qui gerimus cælus nomina vera sui.

Crines Medusæ in an- gues. XII.



Medusa Gorgo Phorci filia, cum propter pulchritudinem à pluribus peteretur, cōiugium Neptuni effugere non potuit. Hæc quia in templo Minerue cum ipso concubuit ob loci profanationem, ipsius crines in serpentes sunt mutati, quos quicunque deinceps aspexerat, in saxum conuersus est. Perseus igitur ei dormienti tectus scuto Palladis caput abscidit, post insidens Pegaso, quem ex Neptano Medusa peperit, in varias hinc inde regiones auctus est.

ENARRATIO.

Gorgoneæ quondam gelido sub Atlante sorores.
 Præcinctum muris incoluere locum.
 Ex his præcipuè speciosa fronte Medusa,
 Et niueo capitis crine superba, fuit.
 Hanc adamat Pelagi rector, violâtque coactam
 Turpiter, & sacra Palladis ade premit.
 Hinc Dea confestim tortos mutauit in angues
 Virginis insignes sanguinolenta comas.
 Anguibus implexos qui conspexere capillos,
 In silices cuncti post abiire rudes.
 Saxeæ cum Perseus passim simulacra videret,
 Est etiam vetitas ausus adire domos.
 Palladis ast intrans clypei munimine tutus,
 Obruta Gorgoneæ membra sopore videt.
 In somnis igitur resecat fera colla Medusæ,
 Et secum penna præpete raptat equum.
 Per freta, per terras, vectûsque per æthera, cuius
 Præsidio nimium fortia facta gerit.

ALLEGORIA.

Phorcidos ora tibi crinita draconibus attris,
 Horrida præsterum colla capûtque notant,
 Qui populos olim letho mersere profundo,
 Horum dum caderet vulnere densa cohors.
 Sic Et adhuc hodie Sathanas abrumperè vitam
 Pluribus, & lucis fila secare solet:
 Ast hæc cælestis caput à cernice renulsit
 Perseus, vnde piis nulla venena nocent.

FINIS LIB. IIII.

LIBER V. 59
OVIDII METAM.

LIB. V.

Pugna in nuptiis Persei orta. I.



CUm Perseus Andromedē interfecta bellua
periculo mortis liberasset, Pater, prout ar-
tē promiserat, ipsi filiam in matrimonium tradi-
dit. Celebratis igitur nuptiis, multi principes
regalibus epulis interfuere. Phineus autem Ce-
phei frater, cui Andromeda prius desponsata e-
rat, contumelia se affectum putās, quòd advena:
consanguineus esset postpositus inter conuiuā-
dum horribilem tumultum excitauit, in quo ex
utraque parte plurimi sunt interfecti.

ENARRATIO.

ERipuit postquam medio discrimine mortis
 Andromeden Perseus dona petita tulit.
 Coniugioque pater latus genitrixque puellam
 Polliciti memores spontè dedêre viro:
 Iamque dies aderat regali splendida festo.
 Precipit & tadas connubialis amor.
 Continuo largis tumulatur odoribus aula,
 Organa dant cantus, tibia, pleetra, lyra.
 Regia tota nitet pulchro constructa paratu,
 Accedunt procerum copia multa dapes.
 Et lati celebrant primò conuiuia cuncti,
 Postmodò sed cæcus corda tumultus agit.
 Atria complentur fremitu, clamorque furores
 Excitat horrendos, ensis & arma sonant:
 Insurgit Phineus pugna temerarius autor,
 Et sibi præceptæ coniugis ultor adest.
 Non tulit hæc Perseus, reprimens audacia fratris
 Cæpta, ferox omnis post capit arma cohors.
 Conuiuia pariter cuncti fera praelia miscant,
 Plurima vulneribus pars & utrinque cadit.

MORALE.

Dulcia sic tristi turbantur gaudia fine
 Sæpius, et latus fert quoque mæsta dies.
 Inde fit ut raro par sit fortuna labori,
 Nec benè qui meruit præmia semper habet.
 Sustinet inuidiam virtus, et gloria recti,
 Dum captat primum vis inimica locum.

Phineus, eiusque socij in
saxum. II.



CUm inter conuiuas horrendū in regia præ-
lium agitaretur, & multi ex vtraque parte
armis, quibus eos casus obtulit, caderent, nouis-
simè Perseus aduersariorum ingentem perti-
mescens multitudinem, mandabat suis, vt è cō-
spectu ipsius discederent, capūtque Gorgonis
extulit, quo viso, Phineus cum omnibus suis so-
ciis auxiliantibus, in saxum conuersus est, itaque
dignas, velut harum turbarum autor, poenas
persoluit.


ENARRATIO.

Effera sanguineò peraguntur praelia fato,
 Parte nec exilis cœtus utraque perit.
 Nam planè Phineus perstans furibundus in armis,
 Persea cum sociis exanimare cupit:
 Hic igitur postquam vidit succumbere turbas,
 Presidium cur non, inquit, ab hoste petam?
 Si quis amicus adest, oculos auertite vestros,
 O socij, virus ne medicina ferat.
 Dixerat: horrenda post Gorgonis extulit ora,
 Quæ dedit iratis aspicienda viris.
 Illorum manibus dum tela cruenta retorquent,
 Arida summoto membra calore rigent.
 Offi gelu torpent, simulacrâque saxeæ fiunt
 Corpora, quæ veluti marmora fixa manent.
 Quæ dum sic cernit Phineus immota, suorum
 Agnoscit species, & sibi poscit opem.
 Diriguere viri, quorum citò corpora tangit
 Dux ferus, at rigidum corpora marmor erant.
 Hic igitur supplex orat, culpâque fatetur,
 Estrepida veniam Persea mente petit.
 Sed nil vota iuvant, precibus nihil impetrat istis,
 Saxeæ sit duri corpus imago viri.

MORALE.

Praelia delectant si quos truculentia Martis,
 Pectora vel saxi asperiora gerunt:
 Quàm fuit horrendus, seuos qui repperit enses?
 Durius huic solido cor adamante fuit.

Pallas & Sorores ad Heliconam. III.



NArratio noua sequitur: quēadmodum Pegasus equus alatus, (de quo superius auditum est) è sanguine colli Medusæ exiliēs ad Heliconem Bœotix montem peruenerit, vbi cū terram pedis vngula percussisset, illicò fons (qui *ἵπποϕλύων*, hoc est, Caballinus fons est appellatus) exortus fuisse memoratur. Ad eum igitur videndum, relicto Perseo, Pallas profecta est, quæ à Musis singulari cum humanitate quam promptissimè ad ipsum fuit deducta.

ENARRATIO.

Virgineum iunctis Heliconæ sororibus olim,
 Visendi studio sacra Minerva petit.

Pegasus hic fontem fertur fecisse crepantem,
 Ungula dum mollem vertice pulsat humum.

Excipit Vranie primò letissima Diva:
 Ostendens fontis quæ sit origo novi.

Hæc mirata sacros latices, lucosque virentes,
 Inde voluptatum gaudia mille capit.

ALLEGORIA.

Mons erat hic Phæbo, Musisq; dicatus amœnis,
 Secessus etenim vir studiosus amat:

Et ne vulgus eum, nec amara negotia turbent,
 Secretum studiis eligit ipse locum.

Utrq; Medusens conscendit ad ætheris auras,
 Ardua sic doctus mente volutat homo.

Fama novem memorat Musas Heliconis alumnas,
 Eximium Clio nomen honoris habet.

Dicitur Euterpe quod nos oblectet amata,
 Nomen de nitido flore Thalia gerit:

Melpomene dulcem designat carmine cantum,
 Maxima Terpsichore gaudia ferre solet.

Sic Erato gratos, sonitusque Polymnia suaves
 Reddit, & ad cœlos nos lenat Vrania:

Calliope formosa sonat, dum mira venustas
 Conspicitur doctis, semper inesse viris.

Nam quia Musarum mores imitantur honestos,
 Hinc immortalis premia laudis habent.

Musæ in aues. IIII.



Musæ cū montem Parnasium peterent, aduersis tempestatibus inuitatæ à Pyreneo (qui Thrax fuit Tyrannus, & Daulida Phocidis urbem vi occupauit) tecta eius subierunt qui pulchritudine captus virginum, clausis foribus illis vim afferre conabatur. Sed Musæ in aues conuersæ euolarūt, quas cum persequi Pyreneus vellet, ex arce se præcipiti saltu deiecit, capūtque terræ illidens, vita continuò defunctus est.

ENARRATIO.

V Nanimes Musæ Parnasi templa petebant,
 Cum flueret largis æthere nimbus aquis.
 Quas ubi Threicius rabida feritate Pyrenens
 Aspicit, illarum numina sancta colit.
 Dissimulatq; malas fucato pectore fraudes,
 Maonides: dicens, tecta subite mea,
 Dum fera tempestas Et saeuus desinat imber,
 (Intrârunt humiles Numina sæpe casas.)
 Protinus Aonia subeunt domicilia regis,
 Discussisq; polo nubibus ire parant:
 Ast immansuetus claudit sua tecta Tyrannus,
 Virgineumq; cupit vi superare chorum.
 Auolat assumptis cætus perniciter alis,
 Rex sequitur cursu præcipitante ferox.
 Sæq; citò turris de culmine deiicit alto,
 Cuius ab effuso vitæ cruore fugit.

ALLEGORIA.

Pellacem Sathanâ Thrax exprimit iste Tyrānus,
 Aggreditur varia qui ratione pios.
 Horribilis quoties impendit ab axe procella,
 Iamq; fores pulsant tetra pericla crucis:
 Hic nos inuitans requiem promittit amœnam,
 Et vetat inceptum ne peragamus iter.
 Templa nec æterni quæramus ut ardua montis
 Concedit, firmas obserat inde fores.
 Carcere sed clauso iustos Deus eripit omnes,
 Effertur immani morte Tyrannus obit.

Venus, Cupido, Pluto. V.



Venus molesto ferens animo, quòd & Diana, & Proserpina Cereris filia, numen suū coniugiiq̃ue fœdera despiciatui ducerent, Ditem (qui territus viribus Typhonis Ætnam mowentis, cui à Diis subiectus erat, ab inferis eruperat) per Cupidinem filium suum commouit, vti Proserpinam amore eius incensus, circa Ætnam montem flores, vnà cum Minerua atque Diana legentem, raperet, eandemque secum ad Orcum curru impositam aucheret.

Sic olim natum Venus est affata volucrem,
 O soboles nunquam non adamata mihi:
 Arcum tende tuum, celeres impone sagittas,
 (Numina nam telis victa domare potes.)
 Inq; Dei pectus stygijs fera spicula torque,
 Nil laudis nostri fœdus amoris habet:
 Nos inupta quidem Pallas Dianaq; spernit,
 Et proles Cereris virgo manere cupit.
 Hanc igitur patruo Plutoni iunge puellam,
 Illius & caco vulnere corda feri.
 Sic ait: inde puer matris citò iussa capeßit,
 Ditis et in pectus missa sagitta volat.
 Hinc petitur stygio coniux Proserpina regi,
 Formosaq; Deum virginis vrit amor.

ALLEGORIA.

Hic Venus & mira depingitur arte Cupido;
 Qui puer imperium totius orbis habet:
 Omnibus (in terris) vigor est innatus amandi,
 Aliger in pecudes & sua tela iacit.
 Colligit humanum genus hic conservat & auget,
 Legitimo saltem iure paretur amor.
 Ergo naturæ ductum non tollere fas est,
 Fœdera sacratæ sunt veneranda tori.
 Nemo quidem castam poterit traducere vitam,
 Nî regat hunc constans æthereusq; pudor.
 Viribus in nostris non est sita tanta potestas,
 Id solum supera munus ab arce venit.

Pluto rapit Proserpinam. VI.



CUm Proserpina circa Ætnam montem flores, vnâ cum Minerva atque Diana legeret, Pluton ipsam amore inflammatus surripuit, plauastro autem rapidissimo eam vehens: à Cyane nympha, quam dilexerat Anapus amnis, intercedente retardatus est. Incensus igitur ira Deus infernalis, sceptro terram percussit, qua statim adaperata, celerrimo cursu ad inferos cum amica deuectus est. Cyanen verò in stagnum sui nominis transmoutauit.

ENARRATIO.

H Aud procul Aetneolacus est à mōte profūsus
 Cantus quo dulces plurimus edit olor.
 Hoc itidem stagnum pulcherrima sylva coronat,
 Craminea florum copia surgit humo.
 Hic suaves postquam violas Proserpina carpit,
 Et luco passim lilia grata legit.
 Virginis accelerat Pluto vesanus amore,
 Inq; nemus curru precipitante ruit:
 Atque locat plaustro Cereris de sanguine natam,
 Infernas repetens (venerat vnde) domos.
 Illa vocat comites, matrémq; miserrima possit
 Auxilium, stimulat sed Deus acer equos.
 Et currus agitat celeres, precibúsq; mouet un
 Nil Cyanes, tellus ista recludit equos.
 Inde viam Pluto pernix ad tartara sumit,
 Et sua cum rapta coniuge regna subit.

ALLEGORIA.

Dicitur alma Ceres messem reperisse benignam,
 Filia cui magno de Ioue nata fuit:
 Sed per eam teñtè teneras intellige fruges,
 Dulcia quæ vita sunt alimenta tua.
 Has pleno captant locuples & auarus hiatus,
 (Tristitia Plutonis qui simulacra gerunt.)
 Pauperibus quoniam Cereris pia munera raptant,
 Quando fames terras exitiosa premit,
 Et sua frumentum spaciōsa sub horrea condant,
 Sepe dat his inopi tempore scænus opes.

Ceres quærit filiam. VII.



Ceres per vniuersum orbem, filiam Proserpinam requirens, ad casam tandem cuiusdam anus deuenit, à qua æstu torrida sibi aquam ad colluendum os postulauit. Hæc igitur cum potionem polenta commixtam ei daret, ipsaque Ceres auidius biberet, à puero quodam derisa est, quem subito Dea in Stellionem conuertit. Deinde cum à Nympha Arethusa percepisset, filiam à Dite raptam, à Ioue impetrauit, vt alteram anni partem cum marito inferius, alteram vero cum matre supra terram Proserpina degeret.

Queritur interea puida Proserpina matri,
 Undiq; per terras, per vada cuncta maris:
 Solis ad occasum, Solis decurrit ab ortu,
 Contrahit & siccam fessa labore sitim.
 Fortè casam viti contactam stramine cernens,
 Aduolat et gelida munera poscit aqua.
 Prodit anus, Cereremq; videt, cui dulce polenta
 Porrigit, at mustum dum bibit illa datum,
 Ecce puer Diuam risu deludit inani,
 Illius aspergit membra liquore Ceres:
 Concipit os maculas, fit paruula bestia corpus,
 A stellis variis stellio nomen habens.
 Sed genitrix pergit dilectam querere natam,
 Hanc Arethusa refert Ditis inesse domo.
 Ergò Iouis supplex implorat numina mater,
 Et pro communi pignora vota facit.
 Scilicet ut supera Proserpina luce fruatur,
 Altera pars voti ceu rata, pondus habet:
 Nam mediū cum matre Deam iubet esse per annū
 Sex verò menses regna videre Stygis.

ALLEGORIA.

Errantem regina refert Proserpina Lunam,
 Sidera perlustrat quæ duodena poli.
 Sex crescit menses, sex deficit illa quot annis,
 Et mutat vultus ora subinde sui:
 Nam quoties crescit, superas se tollit ad auras,
 Postmodò deficiens infera regna colit.

Arethusa ab Alpheo amata in fontem. VIII.



A Rethusa Achaidum Nympharum formosissima, venatrix, ac Dianæ comes fuit: quæ cum fortè in Alpheo flumine lauaret, ita ab eodem amne diligebatur, ut is amore eius vehementissimè inflammatus, sumpta viri forma, virginem cursu velocissimo prosequeretur. Hæc autem persequentis impetum effugere conata, Dianam implorabat, ut laboranti ferret auxilium, quæ ab ea in fontem sui nominis conuersa, primò per loca subterranea se diffudit, post ad superos fuit euocata.

VEnatrix olim sylvis Arethusa libenter,
 Montis agis posuit retia torta feris.
 Cúmque nimis creber Nympha labor attulit aestum,
 Illius et toto corpore sudor iit,
 Protinus in latices virgo se coniicit altos;
 Nudaque perspicuo flumine membra lauat.
 Emicat hac visa liquidis Alphæus ab undis,
 Quo properas? inquit, siste Arethusa gradum:
 Ausugit ex templo perterrita virgo, columba
 Accipitrem penna ceu trepidante fugit.
 Insequitur iuuenis per concava saxa puellam,
 Per montes, valles et loca plana volans.
 Nympha labore fugæ tandem defessa, Dianam
 Inuocat, ô facilem fer Dea (clamat) opem.
 Confestim virgo nebulis obducitur atris,
 Nec magis Alphæo conspicienda datur.
 Hanc tamen ignarus per nubila densa requirit,
 In latices donec membra soluta fluunt:
 Principio cecis quæ sunt immersa cauernis,
 Post velut è stygio mox reuocata lacu.

ALLEGORIA.

Casta Diana docet, quæ sit bonitate supremus
 In cunctos, peragunt qui sua iussa, Deus:
 Si premat innocuum Sathana violenta tyrannis,
 Sobrius ad Christum corda manûsque leuet.
 Protegit alarum nebulis Saluator & umbra
 Insontes; hostis vimque minasque fugat.

Lyncus in lyncem. IX.



Ceres olim recepta filia, Athenas aduolauit, Currumque à draconibus alatis vestum Triptolemo Celei & Deiores filio dono dedit, ut is frumenti usum & agriculturam mortales doceret. Qui cum in Scythian usque peruenisset, à Lynco Rege hospitio acceptus : in extremo mortis discrimine versabatur: Lyncus enim cum aduentus causam intelligeret, Triptolemm somno grauatum extinguere molitus est, quamobrem Ceres regem in lynca feram commutauit...

K iij

A Diūgit plaustro geminos Ceres alma dracones,
 Et longum calo vecta pererrat iter.
 Triptolemo tandem currum transmittit Athenas,
 Semina quem pingui spargere mandat humo,
 Fœcundas pariter segetes ostendere mundo,
 Hic diuersa citò regna locosque petit.
 Pòst iter immèsum Scythicis quoque redditur oris,
 Rex ubi Lyncus erat, limina regis adit.
 Aduentus causam nomen cum stemmate pandens,
 Accipit hunc tristi barbarus hospitio.
 Noctè volens ferro stertentis figere pectus,
 Liberat ast iuuenem mitis ab ense Dea.
 Et mox Lynca facit maculoso tegmine regem,
 Vt nemorum posthac incolat antra fugax.

ALLEGORIA.

Triptolemus fidos designat in orbe ministros,
 Quos Deus extremos vult peragrarè locos:
 Scilicet vt spargant diuini semina verbi,
 Vnde cibum vitæ, turba fidelis habet.
 Ferre sed hoc nequeunt rabiosa mente Tyranni,
 Retia dum tendunt his inimica necis,
 At Deus è medio pestis discrimine seruos
 Eripit, immensa pro bonitate suos.
 Lyncas & in trepidas reges conuertit atroces,
 Quos vitæ dubios territat aura leuis.
 Tunc alios ipsi quoniam petièrè sagittis,
 Confixi iaculis in sua fata ruunt.

FINIS LIB. V.

OVIDII METAM.

LIB. VI.

Niobe cum filiis interimitur. I.



Niobe Tantali filia, propter insolentiam suam Phœbi ac Dianæ potentiam experta est: Cùm enim Thebani omnes Latonæ sacrificarent, sola est innenta Niobe cum septem suis filiis totidémque puellis, quæ numen prædictæ Deæ aspernabatur. Apollo igitur & Diana Thebas venientes, vniuersos Niobes liberos sagittis transfoderunt: hinc pater Amphio præ nimio dolore sibi mortem consciuit, ipsa autem mater mœrore confecta, in silicem tandem transmutata est.

OVIDII METAM.
ENARRATIO.

LAtona iussu cumulant altaria donis.
Thebaides faciunt et pia vota Dea.
Implicita velant pariter sua tempora lauro,
(Cen sata Tiresia vaticinata fuit.)
Ecce paellarum Niobe stipata caterua,
Protinus aurata veste superba venit:
Constitit atq; oculos nunc huc, nunc dirigit illuc,
Quis furor exclamat numina ficta colit?
Cur ego non tanto ditissima dignor honore?
Et mea muneribus cur vacat ara sui?
Sic fatur generis clarissima stemmata iactans,
Et coluisse Deam nūq; minisq; vetat.
Hæc Latona refert Phæbo pariterq; Diana,
Auxiliumq; sibi numina ferre cupit:
Vtraq; mox proles Thebarum mœnia poscit,
Vltriciq; gerit noxia tela manu.
Figuntur septem nati, totidemq; puella,
Amphionq; suo turpiter ense cadit.
Post Niobe scopuli recipit Sipyleia formam,
Sic gens immitti cade nefanda perit.

ALLEGORIA.

Conciliat miseras ventosa superbia clades,
Magnaq; supplicij pondera fastus habet.
Cum natis Niobe sentit lachrymabile fasum,
Rex etiam propria fert sibi damna manu.
Sic hominum rebus mens est inflata, secundis,
Nescia quid secum vespera sera vehat.

Agrestes Lycij in Ranas. II.



L Atona Cæi filia, cùm Iunonis odio, gemellos suos Apollinem & Dianã ex Ioue cõceptos, difficulter parere posset, nullaque regio errantem acciperet, tandẽ edito partu in Liciã venit, & ardore æstus ac longitudine viæ sitim sedare cupiens, à rusticis, qui vluam & iuncum propè lacum colligebant, propius accedere, & aquam haurire prohibita est. Quamobrem accensa ita petiit à Diis, vt Agricolaë stagno nunquam caterent, quod statim accidit, rusticosque omnes Iupiter in Ranas transfigurauit,

Candida dū varias gentes Latona pererrat,
 Iunonis patrio numine pulsa solo:
 Accedit Lycias multo sudore paludes,
 Feruida cum Solis finderet arua calor.
 Quos tulerat ponit teneros defessa gemellos,
 Vrentem lymphis depositura sitim.
 Rustica turba negat haustum (nam fortè legebant
 Illic cum iuncis flexile vimen opus.)
 Dura petit siccis gelidas modò faucibus undas,
 Potus aquæ fuerit nectaris instar, ait:
 Arida dum loquitur melli quoq; lingua palato,
 Heret, et exsiccat guttur anihela sitis:
 Attamen agrestes iterumq; iterumq; rogati,
 Latona prohibent vel tetigisse lacum.
 Quin liquidam pedibus turbant manibusq; paludē
 Optatis tantum ne potiatur aquis.
 Ira sitim differt, numen mox Diua precatur,
 Ut semper latices tetrica turba colat.
 Succedit votum, ranaeque videntur in undis
 Agricole, stagnum quos coluisse iuuat.

ALLEGORIA.

Rana velut limo gaudet, ripisq; resultat
 Et rauca gelidis voce coaxat aquis:
 Rustica non aliter plebs incolit vsq; tabernas,
 Et crebro vini labra liquore rigat.
 Saltat, & ingentes strepitus mouet atq; tumultus,
 Litigat, et rixas vociferando ciet.

Marsyas à Phœbo exco- riatur. III.



SAtyrus nomine Marsyas, cum Apolline tibia (quam Minerua inuenisse proditur) contendere ausus fuit, victus autem à Phœbo propter temeritatem, quia Deo cedere nollet, suspensus est, & cute nudatus: hunc Nymphæ ac Satyri, cæterique ruris incolæ, ita fletu profecuti sunt, quòd in posterum eius cantu carere cogerentur, vt lachrymis eorum flumen increuerit, quod deinceps eius nomine in Phrygia à maioribus Marsya nuncupabatur.

Bellona Satyra reperitur tibia primum,
 Hæc inflata sonos ore tremente dabat:
 Vox placet, ille nouum modulatur arundine carmen,
 Inter Naiades arte superbus agens.
 Prouocat Et Phœbū calamo quem vincere gaudet,
 Sed diuo Satyrus numine victus obit:
 Huius & anulso nudat cute corpus Apollo,
 Artibus è validis manat ubiq; cruor.
 Detraçto graciles lucent in pectore fibra,
 Ac se direpta viscera pelle mouent.
 Ipsum cornipedes syluestria numina Fauni
 Et Satyri deflent, Naiadumq; chorus.
 Fertilis immaduit lachrymis hinc terra subortis,
 Et venis stillas sæpè rigata, bibit.
 Fit flumen subito rapidum quod manat in aquor,
 A Satyroq; suum Marsya nomen habent.

A L L E G O R I A.

Vincitur à Phœbo Satyrus certamine cantus
 Artibus ingenuis tibia cedit iners.
 Fistula nec priscis placuit sapientibus olim,
 Et lasciuia parum laudis arundo tulit.
 Tibia deformat faciem buccasq; tumentes
 Reddit, & arguta nil rationis habet.
 Nec solet ingenuas inter numerarier artes,
 Nam facit vt mentis præpediatur opus.
 Atticus hinc princeps quondam dubitabat, an illi
 Qui caneret calamo, certa loquela foret.

Tereus, Progne, tres furiaæ. IIII.



Tereus, Martis filius, Rex Thracum, postquam auxilia multis tulit regibus, etiam Pandioni Athenis regnanti, cum à proximis ciuitatibus oppugnaretur, non defuit. Is igitur propter officium sibi præstitum, Prognem filiã suam in matrimonium illi dedit: Celebratis autem nuptiis Eumenides lectulum iugalem strauerunt, & prima nocte concubitus in culmine recti bubo conspecta fuit, quæ nouo coniugio funestum omen afferebat.

ENARRATIO.

R Ex olim Tereus sauos euicerat hostes,
 Atq; inimicorum fuderat agmen atrox.
 Pandion igitur copulat sibi fœdere Thracem,
 Dum fuerat bello diuitiisq; potens:
 Huic quoq; coniugio gnatam de nomine Progenem
 Iungit, ut inceptus firmior esset amor:
 Defuit ornato triplex sed gratia lecto,
 Defuit & magni nupta sororq; Iouis.
 Eumenides astant tristissima numina, tādāq;
 Ex orco manibus quas rapuere gerunt.
 Eumenides lectū sternunt, thalamūq; ministrāt,
 Ac sedet in summo culmine bubo tori.
 Hac aue commixti, sobolem genuere parentes;
 Hoc & erant populo festa colenda die.

ALLEGORIA.

Eumenides buboq; male sunt omina tādā,
 Auspiciūq; negat pronuba Iuno suum:
 Caudet opes propter natam iunxisse Tyranno,
 Sēq; putat rebus consuluisse socer.
 Sic & adhuc hodie sponsalia plurima fiunt,
 In quibus externa respiciuntur opes.
 Nil pietas, virtus, pudor, obseruantia recti,
 Nil mores casti vitāq; sancta valet:
 Gloria, diuitia, dominatus et alta potestas
 Queritur, argenti pectora stringit amor.
 Fluctuat hinc grauius domus exitiosa procellis
 Sapins, & stirpem finis acerba manet.

Tereus Philomelam secum abducit. V.



PRogne deportata in mariti regnum, cum ex longo temporis intervallo Philomelam sororem desideraret, petiit à Tereo, vt proficeretur Athenas, & sororem sibi ad solenne sacrificium adduceret. Rex igitur vxori obediens Athenas profectus, ibidemque hospitio soceri sui Pandionis familiarissimè vsus est, & Philomelam vix multis ab inuito parente precibus impetratam, secum eius amore tacitè inflammatus, auexit.

Quinq; per astates Progne cū coniuge Terens
 Servabant socij vincula firma tori.
 Tunc olandita suo Pandione nata marito,
 Germanam lata mente videre cupit,
 Obsequitur precibus Terens, subitq; paratas
 In freta deduci praecepit alta rates.
 Quis tandem vectus Pyraeis appulit oris,
 Quo socer incoluit mœnia celsa loco.
 Hunc ubi convenit, simul & mandata referre
 Coniugis, occulta suscipit arte, gener:
 Quam petit hac claro prodit Philomela paratu,
 Illius & niveo splendet in ore rubor.
 Hanc ubi conspexit Terens, ardescit amore
 Virginis, & sentit tela cupido tua:
 Impetus estq; viro castam temerare puellam,
 Nutricisq; mala fallere fraude fidem.
 Ergo cū surgit niveis aurora quadrigis,
 Dat genero natam corde dolente socer.
 Ac Terei fido sobolem committit amori,
 Cum famulis intrat post Philomela ratem.

ALLEGORIA.

Involucris hominum tegitur perversa voluntas,
 Nam Terens fraudis pectora plena gerit.
 Mel simulat lingua, fel dirum corde recondit,
 Hanc etiam cernit nostra senecta fidem:
 Non gener est soceri, non hospitis hospes amicus,
 Inter nec fratres est genuinus amor.

Tereus Philomelæ linguam exerit. VI.



Tereus Philomelam in Thraciam ducens, eam vi correptam stabulis inclusit, ut post hæc sine cuiusquam suspitione sæpius ad eam commeare, & illicito illius amore frui posset. Cum autem minitaretur, se velle eius iniuriam & vim sibi violenter illatam omnibus patefacere, in super Tereus ei, ne comissa posset eloqui ac divulgare, linguam præcidit, & coniugi sororem ipsius mortem oppetiisse, mentitus est.

ENARRATIO.

Vix è conspectu soceri iam puppis abibat,
 Et nauta ponto turgida vela dabant.
 Vicinus, exclamat Tereus, en gaudia mecum,
 En prædam sælix & mea vota fero,
 Vix animo differt ardente Cupidinis æstum,
 Aspectu mentem nec saturare valet.
 Post iter effectum subito Pandione natam
 In stabula Odrysii rex tenebrosa trahit:
 Hæc ibi mœrenti ducens suspiria corde
 Clauditur, et patrem vi superata vocat,
 Germani q; cupit tam durum cernere casum,
 Sed frustra sylvis abdita verba facit.
 Ne quicquam fundit lachrymas et pectora pulsat,
 Infandum crines dilaniata suos.
 Erumpens igitur crudelis barbare dixit,
 Nil animum patris iussa precesq; movent?
 Quò promissa mei tibi cura maligne recedit?
 Hoc ego vel facinus carcere clausa canam.
 Extemplo Tereus vagina liberat ensen,
 Et medio linguam virginis ore secat.
 Hanc stabulis linquit clausam, mortemq; sororis
 Nunciat uxori, cum sua tecta subit.

ALLEGORIA.

Hac ratione solent magni seuire tyranni,
 Qui sua vulgari facta scelestâ vetant.
 Sed nihil est tectum, quod non ætate pateat,
 Ponit in aprico cuncta futura dies.

Progne Philomelam carcere
liberans. VII.



Philomela stabulo detenta, cum execta lingua Terei crudelitatem & iniuriam eloqui non posset, in pannum hoc ipsum facinus literarum notis intexuit, eumque ad sororem perferendum curavit. Quo inspecto, & coniugis perfidiam & germanæ casum Progne comperit. Quamobrem sacra celebrare Libero patri constituens, more bacchantis ad stabula properat, sororemque è carcere liberatam, secum in Regiam adducit.

VT mortem Progne, commentaq; fata sororis
Accipit, ingenti corda dolore grauat.

Exuit auratas vestes, nigrasq; resumit,

Ac falsis manibus mæsta sepulchra struit:

Interea pannos texit Philomela recentes,

Quæis notat horrendum littera picta scelus.

Deferriq; iubet vestes ad limina Prognæ,

Agnoscit Tereï crimina scæda soror,

Intextumq; legens carmen miserabile panno,

Præ mærore grani fletibus ora rigat.

Tempus adest, Bromei festum celebrare Lyæi,

Solennes ritus fertq; statuta dies:

Egreditur Progne laribus iam nocte silenti,

Et simulat furias ebræ Bacche tuas.

Concita per sylvas currit, stabulisq; propinquat:

Irrumpens claustrum quo Philomela sedet,

Liberat & miseram sano de carcere mortis,

Cum Progneq; subit regia tecta soror.

ALLEGORIA.

Sedulitate sua corpus Philomela redemit,

Dum tacita præstans arte parauit opus.

Texuit & gracili teneram discrimine telam:

Non sedeat mulier desidiosa domi.

Net, suat, aut bibulas intingat murice lanas,

Fœmina torporem nanq; pudica fugit.

Dedita lanarum studio Lucretia laudem,

Et propter telam Penelopea tulit.

Progne trucidat sobolem
suam. VIII.



Progne sororis casu, mariti facinore com-
mota, filium suum Ityn occidit, & dapibus
miscuit. Cum autem Tereus inter epulandum
Ityn desideraret, caput eius sorores in sinu Ty-
ranni proiecerunt, dicentes: Intus habes quem
desideras. Intelligens ergo Tereus scelus sce-
lere punitum esse, sororem coniugis persecui-
tur, sed ea Deorum voluntate in Lusciniam,
Progne in Hirundinem: & ipse Rex in vpu-
dam euaserunt.

O B crudele nefas Progenes exastuat ira,
 Quæ scelus in sobolis viscera triste parat.
 Paruus Itys propria transfigitur ense parentis,
 Sectaq; mox calidis membra coquuntur aquis.
 Pars stridet reribus, caput à cervice reuulsum
 Abditur, ad solitas rex venit ipse dapes.
 Coniicit inq; suam sua viscera nescius aluum,
 Post ubi sit dubio pectore querit Itys.
 Proslit, atq; caput pueri Philomela cruentum
 (Vltæ velut facinus) mittit in ora patris.
 Territus exurgit rabida feritate Tyrannus,
 Cecropidas stricto protinus ense petens:
 Vtraque sed leuibus medio volat aëre pennis,
 Altera amat sylvas, altera tecta subit:
 Thracius in volucrem, quæ gestat vertice cristas
 Mutatur, solito nomine fertur Epops.

ALLEGORIA.

Vpupa stercoribus gaudens & fæda volucris,
 Immundos homines & fera monstra notat.
 Hac quia sordidius nihil est, rostroq; minaci
 Infestat reliquas hæc petulanter aues,
 Sordibus immergunt sic se plerunq; Tyranni,
 Et contra miseros arma seuera parant.
 Sed pia quæ suaves edit lusciniæ cantus,
 Lucida fert insti signa notasq; viri.
 Sapius ille Dei secum benefacta reuoluit,
 Ac Domini laudes factaq; magna canit.

Orithyia à Borea rapta. IX.



A Quito cum Orithyiam regis Atheniensium Erechtei filiam amaret, nec ullis precibus à parentibus impetrare posset, ut ipsi puellam in matrimonium darent, viribus suis usus, Athenas deuenit & virginem raptam in Thraciam deportauit: ubi ab ipso grauida facta, gemellos peperit Zethem & Calaim, quorum postea humeris alæ volucrum increuerunt, ut nimirum parentis quoque imaginem, aliqua ex parte, referrent.

ENARRATIO.

Regis Athenarū Boreas adamabat Erechthei
 Natam, cui nomen Orithya fuit:
 Flectere sed nulla potuit ratione parentes,
 Ambos ut sinerent fœdus inire tori.
 Blanditias Aquilo precibus coniunxit honestis,
 At nil blanditiæ, nil valere preces.
 Viribus ergo Deus validiſq; furoribus uſus,
 Flamine mox terras, & fieta dira mouet.
 Orithyian atrox rapit, atq; potitur amore
 Virginis, et fœdus coniugiale ferit.
 Dehinc ea fit genitrix geminos enixa puellōs,
 Qui referunt matris corpus et ora ſua.
 Implumes pueri lucis naſcuntur ad auras,
 Ventofī pennas poſt genitoris habent.

ALLEGORIA.

Inditur amborum ſoboli natura parentum,
 Attica quam coniux ex Aquilone parit:
 Rarius hoc ipſum fieri, ſed conſtat in æuo,
 In peius nati degenerare ſolent.
 Maiorum ſeclunt præcul à virtute minores,
 Pro vitâq; viam perditionis eunt.
 Cognita manſuetum celebrat clementia Cypriū,
 Cur non Cambyſes ſigna paterna gerit?
 Nobilis haud virtus carnali ſemine manat,
 Clarum ceu patrio ſanguine ſtemma venit.
 Nec Deus ad certos ſtriſtim ſua dona penates
 Alligat, exultet ne petulanter homo.

FINIS LIB. VI.

LIBER VII. 77
OVIDII METAM.
LIB. VII.
Iason & Medea. I.



IAsoni Thessalo Aesonis filio Pelia Neptuni
filius suavit, ut in Colchos Asiae regionē ad
vellus aureum apportandum, proficisceretur,
sperans eum vel in mari vel peregrina terra in-
terituū. Huius igitur monitis ascultans Iason,
collecta non exigua Græciæ iuventute, Argó-
que naue fabricata, profectiōē instituit, utque
Aetæ, Solis filij, regiam contigit, Medea Regis
filia eius pulchritudine permota occultam ei
rapiendi velleris artem communicavit.

ENARRATIO.

T Hessaie proceres in Colchida trāsuehit Argo.
 Quos inter princeps Æsone natus erat.
 Vnanimis optant phryxæa pelle potiri,
 Incutit ast illis vox truculenta metum:
 Nam rex horrendos ferus exantlare labores
 Hosq; pericla prius dura subire iubet.
 Taurorum fuerant (rapidum qui varibus ignem
 Efflabant) curuo colla domanda ingo.
 Armatâsq; manus bello superare decebat,
 Anguis atrox somno post reprimendus erat.
 Hæc Argonauta capiunt responsa dolentes,
 Ast Ætiades cor nouus vrit amor.
 Formosi pariter mens ardet Iasonis aestu,
 Hinc animo secum multa vagante putat.
 An sinat Heroem tristi succumbere letho,
 Consulat an patria turbida scire nequit.
 Arridet iuuenis, sed dedecorare parentes
 Horrescit tandem vincit amoris onus.
 Æsonidem Colchus secretas addocet artes,
 Aurati donum velleris vnde tulit.

ALLEGORIA.

Mons tibi Medea partes distracta per omnes,
 Aspera continuò pralia Marte notat.
 Affectus (amor, ira, metus, dolor, atq; voluptas)
 Qualia cœlesti cum ratione gerunt.
 Inter eos atrox, horrendaq; lucta resurgit,
 Felix qui motus scit superare suos.

Iason sopit Draconem. II.



CUM Iason Medæ fidem coniugij promississet, ipsa tauros spirantes ignem, armatosque milites & draconem peruigilem auratum vellus simul custodientes, magicis quibusdam carminibus iuueni parere coëgit, adeò ut tauri se iugo submitterent, & armatorum manus in se conuorsa, mutuo bello concideret, Draconis autem oculi somno implicarentur. Quibus gestis Iason ablato vellere, ynà cum Medea Corinthum abiit.

ENARRATIO.

Colchidis auxilio fretus certamen Iason
 Aggreditur sulcum vellus ut inde ferat.
 Rex & turba frequens in Martis convenit arum;
 Aripedes ad sunt igni omique boues,
 Hos ac mansuetos iuuenis submittit aratro,
 Vipereos dentes postea condit agro.
 Ex quibus emergit citò gens clypeata virorum,
 Horrida quæ valida concutit arma manu:
 Inq; caput iuuenis fera spicula torquet & enses,
 Carmen sed magica Phasias arte canit.
 Quo mox terribiles Martem convertit in hostes,
 Hinc intestina clade caterua perit.
 Denique peruigilem restat sopire draconem,
 Aesonidi faustum cecidit & illud opus.
 Spargit enim monstrum lethæi gramine succi,
 Obruit unde citò lumina clausa sopor.
 Murata letus sic pelle potitur Iason,
 Cumque nova patrium coniuge limen adit.

ALLEGORIA.

En mundanus homo nummos inquit & aurum,
 Ac bona sudato fluxa labore capit:
 Sed vir cœlestis thesauros colligit istos
 Furis auara nequit quos rapuisse manus.
 Colchides instinctu ceu vellera portat Iason,
 Sic æterna Dei dona parantur ope.
 Diuitias Christus nobis ostendit opimas,
 Huic desponsatus pramia larga feret.

Medea implorat auxilium Deorum. III.



IAsōn postquam Medeam secum abductam in Græciam transportauit, petiit ab ea, ut Æsonem parentem iam decrepitum, & extrema senectute grauatum, in adoleſcētiā suis artibus reuocaret. Cuius precibus vxor amore, quem ex iuuetute coniugis cœperat, obtemperans, Deorum auxilium implorat, & deinceps varia herbarum genera, variis ex regionibus conquiſita, colligit. quibus Æsonem decrepitum senem in floridam ætatis virilis statum, reducit.

Aesonius iuuenis patrias animosus ad aras,
 Aurea cum sociis vellerat portat onus.
 Cratantur natis iucunda vece parentes,
 Fœlicem reditum donâque lata ferunt.
 Solus abest Æson letho iam proximus atro,
 Dum grauat annorum copia multa senem.
 Protinus vxorem precibus demulcet Iason
 Orans, ne patri ferre recuset opem:
 Sed iam decrepitum iuuenilibus induat annis,
 Vt vita possit commodiore frui.
 Obsequitur Medea viro, magicâsque per artes
 Aggreditur facilem nocte silente viam,
 Phœbes & Hecates summisso poplite numen
 Innuocat, ac duplices tendit ad astra manus:
 Post variis (carru volitans) regionibus herbas
 Atque genus picti graminis omne legit.

A L L E G O R I A.

Æsonis effigie letho vicina senectus,
 Quem premit ille vetus significatur homo:
 Qui peccatorum decumbit mole grauat,us,
 Et quasi mortifera peste laborat inops.
 Omnis ab antiquo ducit qui semen Adamo,
 Annosum refert decrepitumq; senem.
 Cui motus, cui sensus abest, omniq; facultas,
 Qua vitæ possit consuluisse suæ:
 Vana creatura sed nil medicamina prosunt,
 Pellet eam Christi gratia sola luem.

Æson decrepitus fit
iunior. IIII.



MEdea innumerabilia herbarum genera hinc inde colligens, eas aheño igni feruenti imposito coxit, & cùm animaduerneret stipitem, quo versabat illas, in arborem oleam bacis refertam esse commutatum, & ea quæ ex aheño despumato in terram deciderant in herbam statim lætissimam conuersa, mox Æsonis iugulum gladio resoluit, & loco effusi sanguinis, vulneri madentes herbas inseruit, vnde senex in pristinum iuuentutis vigorem restitutus est.

ENARRATIO.

Aesonis effæctum iam portabatur ad aras
 Corpus, ut intraret tabida membra vigor.
 Herbarum calido feruet medicamen ahenis,
 Colchis & arenti stipite versat olus.
 Induit hic virides paruo post tempore frondes,
 Crescit olinarum copia deinde frequens.
 Sic qua fortè cadit de spumis guttula, passim
 Vernat humus (mirum) gramine leta novo.
 Hæc ut Saga videt, stricto mucrone resolvit.
 Ipsa senis iugulum, sanguis it inde vetus.
 Vulnera sed succis Medea recentibus implet,
 Caniciem subito barba, cornæq; fugant:
 Pellitur hinc macies, cedit de corpore languor,
 Nec prius ut faciem ruga senilis arat.
 Æstates quatuor denas reminiscitur Æson,
 Se natum viuo membra colore valent.

ALLEGORIA.

Decrepitus velut hic lethali stringitur ictu,
 Post illum nova lux, vita recensque manet:
 Haud aliter, novus ut superas generetur ad auras,
 Est vetus in veteri carne necandus homo.
 Certus adest medicus, qui nos iam morte sepultos,
 Ad vitam reuocet, Christus in arce patris:
 Hic animo (vita verbo) torpente veterum
 Eximit, hic sanat fonte perennis aqua.
 Huic se credat homo soli, nam præter eundem
 Sanandi nullum vim medicamen habet.

Pelias

Pelias cum filiabus. V.



Peliades, Peliae filiae, cum arietem senio cōfectum, à Medea in agnum transfiguratum viderent, eam rogabant, vt parenti Peliae iam decrepito simili suam iuventutem arte restitueret. Hæc igitur senem, Iasonis inimicum vlcisci cupiens, filias ad parentem interficiendum impulit, laceratâque membra in feruens ahenum demittere præcepit. Hoc ita facto, senex miserabiliter periit, ipsa verò Medea currum draconibus iunctum conscendens, è conspectu irimicorum aufugit.

ENARRATIO.

Assimulat Cholchis odium cum coniuge sauum:
 Iatro Pelia lumina tristis adit:
 Excipiunt nata profugam quæ post ubi narrat,
 Aesona iam veterem deposuisse cutem,
 Obtestantur eam simili renirescat ut arte,
 Delilis ipsarum decrepitusque parens.
 Spondet opem Medea suam: medicamine nostro
 Agnus ait fiet dux gregis inter oves.
 Protinus innumeris aries irux obsitus annis,
 In signum crudo vulnere cæsus obit.
 Iniicitur patulo post herbus mixtus alieno,
 Longe a pecudis fæda senecta fugit.
 Profilit ære cano tener & placabit agnus,
 Natarum Pelia corda pauore tremunt.
 Induat haud alia nitidam ratione iuuentam
 Effæto Pelias corpore Phasis ait:
 Vos iuvenes igitur iugulam mucronæ parentis
 Soluite, quo sanguis profluat inde vetus.
 Expediunt nata fera iussa senemque trucidant,
 Arripit hinc celerem Colchis iniqua fugam.

ALLEGORIA.

Cui miser iste senex magicæ deceptus ab arte,
 Immeritus diro funere mortis obit:
 Sic hodie multis incitamenta malorum
 Duriter imponunt exiliūque ferunt.
 Nemo se magicis concedat fraudibus unquam,
 Nisi consors rabidi demonis esse velit.

Cygnus Hieres filius in
Olorem. VI.



CUm Phillius quidam gravi amore Cygni filij Hieres captus esset, & multa imperio pueri peregisset, tandem taurum ei domitum denegavit. Quamobrē agro & molesto animo ferens Cygnus Phillij contumaciam, ex altissimo monte in terras se præcipitavit, sed miseratione Deorum in Olorem auem conuersus est, & Hiere mater eius flendo in stagnum deliuit.

ENARRATIO.

Phillius immenso Cygni detentus amore,
 Illius imperio multa molesta tulit,
 Tradiderat puero volucrèsque ferúmque leonem,
 Post etiam Taurum vincere iussus erat:
 Phillius eximio mox robore vincit eundem,
 Sed houis huic domiti premia summa negat:
 Hinc puer indignans, saxo se mittit ab alto,
 Pennis at niveis aëre pendet olor.

ALLEGORIA.

Est hominis iusti clarissima Cygnus imago,
 Qui salit ex alto tristis ad ima loco.
 Sic humili se corde pius demittit, at illum
 Eleuat, & cœli tollit ad astra, Deus.
 Hinc homo fit diuinus olor, quem candida vestis
 Induit, & cuius mens renouata nitet.
 Ater & est pedibus, fastúque remotus ab omni,
 Nec talem mundi gloria vana capit:
 Oblongúmque tenet collum, prudenter & aptè
 Omnia discernit, cuncta scienter agit.
 Obtuso cygnus tranat vaga flumina rostro,
 Sic ornat iustum vox moderata virum.
 Sæpius hic etiam puro se perluit amne,
 Viuáque cœlestis flumina fontis amat.
 Denique cùm letho grauat hunc vicina senectus,
 Arguta resonans carmina voce canit.
 Extollitque Deum commissáque crimina deflet,
 Perque necem vitæ limina latus adit.

Medea suos occidit liberos VII.



Reuersa tandem in Thessaliam Medea, postquam vidit Creusam, Creontis Corinthiorum regis filiã, ab Iasone sibi prælatã & in matrimonium ab eodem ductam esse, aulã furibunda incendit, & ita Creusam vnã cum patre combussit: Natos etiam suos ex Iasone susceptos, in conspectu coniugis crudeliter mactauit, itaque iniuriam, quam sibi putabat ab Iasone illatam, extrema quadam immanitate vindicauit.

ENARRATIO.

CRudelis tandem proprios Medea penates
 Querit & Echonidis regia tecta subit:
 Ille novas alia celebrat cum coniuge tadas,
 Nec prius ut veterem Colchida nosse cupit:
 Hac igitur magicas ex templo consulit arces,
 Occidat & flammis ut noua nupta, facit.
 (Conflagrat penitus limen regale, parénsq;
 Interit, & proles igne Crensa perit.)
 Deniq; quos proprios suscepit Iasone natos
 Transfodit, & diro vulnere membra secat.
 Asonides facinus spectans immane furoris,
 Et luctus pariter corda repleta gerit,
 Phasiadiq; necem saeuis minitatur atrocem,
 Aspera sed pellax effugit arma viri.

ALLEGORIA.

Sic delicta Deus delictis punit acerbis,
 Texitur à Sathana lingua catena mali.
 Crimina criminibus glomerat deterrimus hostis,
 Serâq; tunc multo pœna dolore venit.
 Felici primò fruitur præclarus Iason
 Sorte, sed ambiguo tristitia fine cadunt.
 Auratum iuuenis vellus cum coniuge portat,
 Quo gaudet patriam victor adire domum.
 Ante oculos tandem tristissima fata suorum
 Obuolitant, natos mater iniqua necat.
 Pestis auaritiæ tantos fert noxia fructus,
 Hac et lasciuus præmia reddit amor.

Hercules & Cerberus. VIII.



MEdam Athenas profectam. Rex Aegæus & hospitio suscepit, & matrimonio sibi iunxit: huius filium Thesea, cum ille variis laboribus fessus, ignota hospitis specie, domum rediret, Medea pertimescens, ei venenum, quod aconitum nominant, apparavit: Nam Hercules ab inferis canem tricipitē olim ad superos eduxit: is ex aëre non consueto euomuit spumam, quæ in herbam venenosam, quod aconitum appellatur, est conuersa. At Theseus à poculis, monitu parentis abstinens, seruatus est.

ENARRATIO.

Colchida post Ægeus thalami sibi sedere iungit.
 At Theseus aberat tum procul arce patris:
 Qui tandem rediens variis erroribus actus.

Ignotus patrium limen (ut hostis) adit.

Saga sed attulerat Scythicis aconiton ab oris.

Virus Echidneæ dicitur esse canis.

(Infernas etenim sedes Virinthus Heros

Aggrediens, secum Cerberon inde trahit,

Qui superis vescens auris, è dentibus albas

Eruetat spumas, quas Aconita vocant.)

Hospitis hoc miscet calici Medea venenum,

Proponit nato pocula dira pater.

Ensis at in capulo generis monumenta vetusti.

Conspicit, hinc illi Thesea nosse datur:

Pestiferos igitur potus excussit ab ore,

Effugit Ægides hac ratione necem.

ALLEGORIA.

Sic Deus & media quos vult in morte tuetur,

Hostica nec semper tela nocere solent:

Herculis exemplum cui Cerberus ipse catenis

Paruit astrictus, nos quoque magna docet.

Imprimis hinc fortis homo se vincere discat,

Cerberon heu proprio corpore quisq; gerit:

Cuilibet impurum peccati virus adheret,

Affectus quatunt pectora nostra graues.

Hos vincere decet, rabidumq; euellere monstrum

Cordibus: hac prestans est generosus eques.

LIBER VII.
Minos, Cephalus, &
Aeacus. IX.

85



CUm Minos rex Cretensium cū Athenien-
sibus bella gereret, multæ ex Cycladibus
insulæ ab eo defecerunt. Iustis igitur ad expe-
ditionem bellicam destitutus copiis, ab Aeaco
Oenopiæ rege aduersus Athenienses præsidia
poposcit, sed repulsam passus, ingenti luctu di-
scedit. At ubi Cephalus Procrin, regis Athe-
niensium filiam, coniugio sibi iunctam habēs,
auxilia petiisset pro Atheniensibus, humaniter
ab Aeacidis & acceptus, & voti sui compos fa-
ctus est.

Mutua Cecropides & Cretan praelia vexant,
 Rex igitur Minos tendit ad Oenopiam.
 (Æacus hic sedem regnūq; tenebat auitum,)

Auxiliatrices poscit & inde manus,
 Ac belli vires contra sibi querit Athenas,
 Cumq; viro pacis iungere fœdus auet.

Ast Asopiades Cretensis vota refellit,
 Nulliusq; preces ponderis esse sinit:
 Mæstus abit Minos: paruo post tempore velis
 Concita ventosis Attica classis adest:
 Æolides vnâ Cephalus venerabilis heros
 Aduenit, & formæ dona priora gerit.
 Regales intrat portus, belloq; precatus
 Auxilium, pacis fœdera sancta rogat:
 A Minoe peti petulanter Acheida narrans,
 Æacus huic lata mente spondit opem,
 Presidiumq; viros, ac robora plurima iussit
 Sumere nam vario milite dives erat.

ALLEGORIA.

Fœdera sic reges inter se mutua pangunt,
 Et iuramentis ludere sepe solent,
 Astragalus velut est pueris certare voluptas,
 Sed iurata fides non diuturna manet.
 Vna dies regum socialia vincula rumpit,
 Paruaq; συμπαχίας dissipat hora ducem.
 Non è principibus luteo de puluere cretis
 Pendet, at è summo vita salusq; Deo.

Descriptio pestis in Aegina. X.



A Eacus rex Thessaliæ Iouis & Aeginæ filius, cum Oenopiam, seu ut Straboni videtur, Oenomiam insulam coniugis nomine post Aeginam quoque appellatam incoleret, grauis pestilentia eam inuadebat, adeò ut infecto aëre, terra gramine, fontibus, & pecorum, & hominum incredibilis copia caderet, & locus iste populis penè totus euacuaretur. Hanc miserandam stragem ira Iunonis Aeginetis immisiam Aecus Cephalo luculenter commemorat.

ENARRATIO.

Aeginam pestis quondam violenta premebat,
 Atraq; pascebat tabida membra lues.
 Æstus lethifero calidus properabat ab austro,
 Ipsaq; iam vitium concipiebat aqua.
 Ær, terra, fretum virus penetrabile sentit,
 Horrenda velucres strage canesq; ruunt.
 Euenit & medio tauros occumbere sulco,
 Lanigeri pereunt spontè per arua greges.
 Acer equus duro cadit ad præsepia morbo,
 Robora nec prisci cerua vigoris habet.
 Obruit extremo clades hac sæua colonos,
 Serpit & in multos pestis acerba viros.
 Funera matrona natis mixtaeq; maritis
 Languentes obeunt, strage repletur humus.
 Sternunturq; solo defuncta cadauera passim,
 Et sua cuique domus exitialis erat.

ALLEGORIA.

Æacus hæc narrat Cephalo deterrima cladis
 Fata, quibus periit non numeranda cohors.
 Scilicet horribilem nobis denunciat iram,
 Suppliciumq; Deitam gemebunda lues.
 Accidit incerto non pestis noxia casu,
 Pœna sed æthereo desilit ista polo.
 Flagitiis hominum datur hæc aquisissima merces,
 Pestilitas nostra nec remouetur ope.
 Lethiferi Deus ipse iacit fera spicula teli,
 Non fuit è manibus cui sceleratus homo.

Formicæ in homines. XI.



Post grauem in Aegina insula pestilentiam diu multumque grassatam, Aeacus tandem precibus & misericordia à Ioue impetrauit, ut euacuata iam insula, quot formicæ in quercu apparuissent, tot versæ in hominum species, desideratam multitudinem explerët. Homines igitur ex eiusmodi animalibus procreati, Myrmidones dicebantur: Formicæ enim Græcè *μύρμικες* vocantur, vnde nouis populis nomen Myrmidonum est impositum.

ENARRATIO.

Pestis ut Aeginam populis spoliauerat ingens,
 Aeacus implorat numina magna Iouis.
 Et sibi vel socios inopina morte peremptos,
 Restitui lachrymans voce gemente petit:
 Vel pariter gelido condi sua membra sepulchro.
 Cum turbis, fatum quod subiere rogat.
 Iuppiter exaudit luctus & verba precantis,
 Rebus Et est miseris ferre paratus opem:
 Sacra Iouis quercus superas tendebat ad auras,
 Hic formicarum plenus aceruus erat.
 Ingentes cumulant animalia parua labores,
 Et quarunt multa sedulitate cibum.
 Aeacus ut densum miratur & aspicit agmen,
 O mihi tot ciues restituantur ait,
 Quot formicarum glomerantur in arbore passim,
 Corpora, vota Deus mox facit esse rata.
 Confestim duro surgunt animalcula trunco,
 Atque pedes hominum membra manusq; gerunt.
 Cente noua gaudet multum, ciuesq; salutat
 Aeacus innumeros, Myrmidonasq; vocat.
 ALLECORIA,
 Paruula permagni specimen formica laboris
 Exhibet, hac pastum congerit ore suum,
 Quo tenuem foveat brumali tempore vitam.
 Verus homo praestans hoc imitetur opus,
 Ac dum tempus adest, diuinaq; gratia durat,
 Munera sollicitus non peritura legat.

Cephalus & Aurora. XII.



CUm Cephalus in monte Hymeto regionis Atticæ venaretur, ab Aurora propter insignem corporis pulchritudinem raptus est. Quæ ut comperit Procridis suæ coniugis amore implicitum, à se velle discedere, fecit ut mutata specie tenderet Athenas, eamque & pollicitis, & muneribus tentaret, an pudicitiam retineret integram. Quo facto, Cephalus fidem coniugis suæ parùm sinceram animaduertit. Pudore autem Procris perfusa, ad vitandum mariti sui aspectum, in saltibus sese occultauit.

ENARRATIO.

R Etia cū Cephalus de vertice montis Hymeti,
 Poneret indomitis manē dolosa feris,
 Lutea conspexit roseis aurora capillis,
 Et secum rapuit vi petulante virum:
 Procris at huic coniux nimium dilecta manebat,
 Sacraq; nuper erant fœdera pacta tori:
 Fidus ei Cephalus soli constanter inhaeret,
 Pectore Procrin habet, Procrin & ore refert.
 Inde domum properat, subitos aurora furores
 Concipit, effigiem dat Cephaloq; novam,
 Ignotaq; virum specie repetisse penates
 Cogit, & vxoris sollicitare fidem:
 Ergo domum graditur veluti peregrinus Et hospes,
 Procrin & ad Veneris gaudia blanda vocat.
 Illa diu renuit, tandem succumbit auaris
 Muneribus, thalami sic violatur honos.
 Post vbi cognouit proprium sensisse maritum,
 Perfidiā Procris iurāq; fracta tori,
 Mota pudore graui syluas quasiuit opacas,
 Contristata suis fugit & ora viri.

ALLEGORIA.

Haud est tam solidum vel inexpugnabile quicquā,
 Quod non argenti vis superare queat.
 Dira fames auri trahit ad deterrima mentes
 Crimina, nec monstrum fœdus esse solet.
 Nodus auaritiæ si quem constringit, ad omnem
 Illi virtutem semita clausa manet.

Cephalus

Cephalus & Procris. XIII.



Procris à marito se deceptam animaduer-
tens, pudore commota, vt conspectum eius
vitaret, inter densa nemorum virgulta se ab-
scondidit: Cephalus autem amoris impa-
tientia, cum vxoris absentiam ferre diutius nō pos-
set, precibus vt ad se rediret, impetravit. Quae
reuerſa, canem ipsi dedit velociſſimum, & iacu-
lum ineuitabile, cuius missio nunquam fuit irri-
ta, sed vim feriendi efficacissimam habuit.

Iam Procris nemorum densis celatur in antris
 Seq; viri captam fraudibus esse dolet.
 Nec posthac ulli se iungere mæsta marito
 Cogitat, aut priscum rursus adire torum:
 Sed sylvis potius vitam duxisse iugosis
 Ac dare se comitem casta Diana tibi.
 Peruenit at Cephalo vetus ignis ad ossa relicto,
 Querit & uxorem corde dolente suam.
 Hanc, postquam reperit, verbis affatur amicis,
 Et sibi dimitti facta dolosa petit.
 Æolides simili pariter succumbere culpa
 Affirmat donis se potuisse datis.
 Idcirco veniam poscit peccata fatendo,
 Sollicitas recipit Procris amica preces,
 Iungitur inde suo coniux optata marito,
 Vnanimēsque simul tempora lata trahunt:
 Datq; canem munus Cephalo venerabilis uxor,
 Cui par currendo non canis alter erat:
 Dat pariter iaculum certos quo mitteret ictus,
 Pignus & hoc firmi fœderis esse cupit.

ALLEGORIA.

Vincula non lenibus rupisse iugalia causis
 Conuenit, astrictam seu violare fidem:
 Consortes inter thalami discordia cadat,
 Nec stabili teneat lis inimica locum:
 Alter Et alterius mitis delicta remittat,
 Connubij fœlix sic erit omnis amor.

Procridis mors. XIII.



Cephalus cum studio Dianæ feras assidue persequeretur, & nimio æstu refrigerari cuperet, Auram vocabat: Procris autē vxor existimans, maritum Nymphā aliquam hoc nomine dictam expetere, in virgultis se recondidit, contemplatura, cuius nam virginis cupiditate Cephalus flagraret. Motis igitur hinc inde virgultus, maritus in his feram latere putans, emissō iaculo, coniugem inscius interiecit.

N. ij

ENARRATIO.

VEnatum Cephalus chara sine coniuge solus
 (Ceuq; prius famulis non comitatus) abit.
 Nec canibus, nec gaudet equis, nec retia pandit,
 Sed fisus iaculo tentat adire feras:
 Post ubi lassato manat de corpore sudor,
 Aestus & intonso membra calore grauat,
 Prouocat aëriam gelidis è vallibus auram,
 Clamans, ô ad sis frigus & aura mihi.
 Aura veni, nostrumq; leues precor aura laborem,
 Sic crebris petitur vocibus aura viro:
 Rumor & ambiguus contingit Procridis ades,
 Quod Nympha Cephalus flagret amore nouo:
 Mox igitur nemorum virgultis abditur atris,
 Spectet ut euentum quidq; maritus agat.
 Fröde leuem tenera strepitum mouet amula Procris,
 Hirsutam Cephalus sed putat esse feram.
 Et iaculum celeris, telumq; volatile mittit,
 Lethiferum coniux pectore vulnus habet:
 Hei mihi conclamat, funebria verba maritus,
 Audit & agnoscit Procridis esse sonum:
 Accurrit subito tentans inhibere cruorem,
 Illius at viuis deserit ossa calor.

ALLEGORIA.

Suspensione perit Cephalo miserabilis vxor:
 Credulitas illi fata suprema tulit:
 Qui facile credit, leuitate laborat inani,
 Et per stultitiam tristitia damna subit.

FINIS LIB. VII.

OVIDII METAM.

LIB. VIII.

Scylla & Minos. I.



Minos Iouis & Europæ filius, rex Creten-
 sium, cum ob filium suum Androgeum
 ab Atheniësis interfectum, pœnas repeteret,
 Megaram urbem, in qua Nisus regnabat, obse-
 dit, sperans hac expugnata, se vniuersam facîle
 victoriam reportaturum, Interim verò cum
 vrbs oppugnabatur, Scylla, Nisi regis filia, sæ-
 pe murum, delectationis gratia, conscendit, &
 animaduertens Minoem regali cultu prope
 murum equo exultantem, pulchritudine eius
 mirum in modum exarsit.

ENARRATIO.

Obsidet Alcathoen, Minos hostiliter urbem,
 Et contra Nisum bella superba gerit.
 Cornua iam sexti rutilans compleuerat orbis
 Cynthia, cum fato pugnat vterque pari:
 Namq; diu simili victoria lance pependit,
 Vnius & bellum conditionis erat:
 Regia stat turris, muro coniuncta sonanti,
 (Qua referunt Phæbam deposuisse lyram,)
 Illuc saepe solet conscendere filia Nisi,
 Hostiles celsa spectet vt arce manus.
 En belli procerum iam nomina nouit equosq;,
 Minois facie gaudet & illa ducis,
 Quem reliquis præfert, habitus landare decoros
 Incipit, ac tacito carpitur igne viri.
 Hinc calido varij surgunt sub pectore motus,
 Intrat Et insanus virginis ossa furor.
 Dum secum reputat partes distracta per ambas,
 Finiri bellum qua ratione queat.

ALLEGORIA.

Scylla velut speculam scandens lasciuia sonantem,
 Cretensis turpi gestit amore Ducis:
 Sic homo qui leniter celsos affectat honores,
 Et mundi titulos ambitiosus amat,
 Asathana rapitur, Minos quem fortis adumbrat,
 Fædus Et ad sceleris pellitur omne genus,
 Donec ei tradens animam succumbat agone,
 Heu quantum carnis gloria vana nocet.

Scylla patri crines detōdet. II.



Scylla Minoem patriæ suæ hostem perditè
 Samans, nullam aliam genio indulgendi viam
 reperire potuit, quàm vt parenti suo Niso cri-
 nem purpuream, in quo fortitudo regis & salus
 vniuersæ ciuitatis consistebat, abscinderet. Dor-
 mientem igitur genitorem capillis spoliauit, &
 reſeratis portis per medios hostes transiens, eos.
 Minoi obtulit, & sic ardenti amore fascinata, do-
 ipso bene mereri cupiuit. Is verò Scyllam con-
 uitiiis proſecutus, à se procul abegit.

N. iiii.

ENARRATIO.

IN Minoa fouet cæcas Neseia flammæ
 Scylla, nec ardoris vim superare potest.
 Nox erat & tenebris, audacia crescit opacis,
 Fessaq; iam curis pectora somnus habet.
 Ingreditur thalamos virgo taciturna parentis,
 Cum premeret regis lumina clausa sopor.
 (Purpureos is enim gestabat vertice crines,
 Maxima qui patriæ signa salutis erant.)
 Proinde suis spoliât Nisum truculenta capillis
 Filia, Cretensi munera fertq; Duci.
 En ego nunc, inquit: furtiui pignus amoris
 Apportans, patriam sic tibi trado meam.
 Accipe purpureum crinem, nec mutua posco
 Præmia, sed tantum sim tua tota precor.
 Dij te summoueant, Minos respondet, iniqua,
 Cogitur & turpem mox dare Scylla fugam.

ALLEGORIA.

Fæminei sexus mores tibi filia Nisi
 Exprimit: hæc patriæ fert nocumenta sue.
 In propriumq; ferox molitur fata parentem,
 Heu quam sæpe capit cor muliebri viros.
 Amittit simili Samson ratione capillos,
 Qui virtute comæ multa stupenda facit.
 Cui leo terribili discerpitur ore cruentus,
 Cuius & hostilis robore turba cadit.
 Fæmineo tandem miserè delusus amore
 Vincitur, & tristi funere mortis obit.

Scylla in auem. III.




CUm Minos purpureo crine, quo à Scylla
 donatus erat, adiutus urbem Megæram ex-
 pugnasset, tandem in patriam suam proficisci
 cogitauit. Quem in nauem vnâ cum exercitu
 ingressum Scylla magno clamore & gemitu fe-
 cuta est, etiam atque etiam petens, vt se cum ipso
 adduceret: Abnuente autem istud Minoë, mani-
 bus inhærebat naui, quam pater Nisus, in Ha-
 liætum volucrẽ commutatus insequabatur, pœ-
 nam de filia sumere volens, sed & ipsa in Cirim
 auem subito conuersa est.

Alchatoë cepit Scylla cum Gnosius urbem
 Praesidio, leges hostibus imposuit,
 Extemploq; ratis solui retinacula inssit,
 Contendens patrios rursus adire lares:
 Scylla sed erat as cernens abscedere puppes,
 Premia flagitij, larga referre cupit,
 Minoisq; diu precibus deponcit amorem
 Innumeris, optans tecta videre Ducis:
 At nihil efficiens: ab idam se vertit ad iram,
 Acriter & dictis cenfuribunda tonat:
 Exprobrans duris regi data munera verbis,
 Et meritum luget sic periisse suum.
 Insequitur tandem virgo complexa carinam,
 Hanc pater, ut cernit, nunc Halietus anis
 Aduolat, ut laceret: Ciris fit Scylla volucris.
 Scilicet. à tonsis nomen adepta comis.

ALLEGORIA.

Virgo quæ patriam Niseia prodidit hosti,
 Tantis pro meritis premia nulla capit:
 Sed deserta sui discedit ab ore parentis,
 Nec scit quò faciem vertere tuta queat:
 Sic Sathana qui se credit, patremq; benignum.
 Deserit in cœlus, postmodò viuet inops.
 Huic. deplorato non auxiliabitur hostis
 Tempore, praesidium nec feret ipse Deus.
 Fallitur haud unquã Domino qui firmus adheret,
 Interit at Sathana qui famulatur homo.

Theseus Minotaurum vincit. IIII.



MInos victor cum Atheniensibus stipendium imposuisset, vt videlicet nobilium nonnulli quotannis ad Labyrinthum in Cretam, à Dædalo artificiosè extructum, mitterentur, qui Minotauro. (quem Pasiphaë, Solis filia Minois vxor, eiusdem Dædali fabri ope iuncta tauro, enixa fuerat) erant obiciendi: Tertio stipendio Theseus Aegæi & Aethræ filius in Cretam insulam deuectus, Ariadnæ Regis filiæ, quæ iuuenis amore arserat, ope & consilio periculum capitis effugit.

ENARRATIO.

Dædalus ingenio faber et præstabilis arte
 In Creta flexo tramite ponit opus.
 Hucus in errorem seducunt limina quemvis,
 Irremeabilibus nempe referta vis.
 Quæ Minotaurus monstrum crudele locatur,
 Semibonis fuerat cuius imago viri.
 Claudunturq; simul bello denicta superbo
 Corpora, quæ monstri sanguine guttur alant.
 Thesea post etiam inuenem sors aspera tangit,
 Sed bona præsidium fert Ariadna viro:
 Ostenditq; modum possit quo vincere taurum,
 Ac retro dubium voluere certus iter:
 Namq; picem, fusumq; iubet portare globosum,
 Perq; recurvatas ducere fila vias.
 Dehinc monstri lento replere bitumine fauces,
 Obsequitur Theseus, conciliumq; probat.
 Et Minotauri sic turgida colla recidens,
 Fraudibus exuitur, quas labyrinthus habet.

ALLEGORIA.

Fert Minotaurus Sathana simulachra ferocis,
 Guttur qui latè pandit inane suum.
 Humaniq; nequit satiari sanguinis haustu,
 Egidis Christus grandia facta notat,
 Perplexas cæci latebras qui lustrat Auerni,
 Plutonis frangens imperiumq; necis.
 Prodit & è tumulo lucem rediniunt ad alimam,
 In cælum pariter leta trophea refert.

Dædalus & Icarus. V.



Dædalus Eupalami filius, de quo suprà dictum, vbi propter commissa ex labyrintho, in quem vnâ cum filio suo Icaro clausus erat, aufugere vellet, pennas sibi & filio aptauit, quibus subleuati, vt volucres, Regis ita Minois imperium euitarunt. Verùm Icarus quia patris obtemperare præceptis nequiuit, ex alto in maris insulam decidit, quæ deinde eius nomine Icaria dicta est. Dædalus autem sepulto filio, in Siciliam ad Cocalum Regem peruenit.

Icarus & genitor labyrintho clausus uterq;
 Arte, nonaq; sibi consulere fuga.
 Pernices membris quia Dædalus applicat alis,
 Et pennis cæli tentat adire plagas,
 Precipit et puero tennes volitare per auras,
 Extemploq; patris tollere corpus humo,
 Illius et plumas humeris affigit, ut alto
 Aëre ceu volucris carpere posset iter.
 Inde secant ambo plaudentibus æthera pennis,
 Cnoscaciq; cauent hac ratione minas.
 At puer audaci regnum sublime volatu
 Appetit, & lapsu præcipitante ruit,
 Dumq; patris temerè monitus ac iussa relinquit,
 Aequoreo pennas amne solutus, obit.

ALLEGORIA.

Teu labyrinthæis opifex ambagibus errat
 Clausus, & hunc monstri terret imago feræ:
 Sic animas hostis moribundo carcere strictas
 Angit & oppugnat, nec patet inde fuga.
 Nisi sit homo prorsus terreno exutus amore,
 Adq; Deum precibus sobria corda lenet.
 Aethereasq; petat (solers ut Dædalus) auras,
 Et querat superas limina sancta domos:
 Gratia sed Christi lenibus nos instruit alis,
 Haud quicquam nostra perficiemus ope.
 Quisq; suis tentans metiri viribus astra,
 Icarus ut rapidis morte peribit aquis.

Perdix puer in auem. VI.



Perdix auis cū Dædalum suum ipsius filium sepelientem videret, miro eius casu lætata fuit, nuper enim in auem transmutabatur. Erat autem filius Cali Atheniensis Dædalo à matre, sorore nimirum eius propter consanguinitatem commendatus & in disciplinam traditus, qui singulari ingenij acumine primò serarum & Circini vsum inuenit, quam ob causam à magistro exosus, de muro præcipitatus est, cui decidenti Minerva opem tulit, & eum medio volatu, in auem sui nominis conuerit.

Dædalus ut natum tumulo mādavit, ab alta
 Triste videns Perdix ilice plausit opus,
 Declarans pennis Et lato gaudia cantu,
 Hæc puer antè fuit, factaq; nuper avis:
 Tradit enim fratri sobolem germana docendam,
 Bissenas hyemes post ubi natus agit.
 Ille sed ingenio præstans Et acumine mentis,
 Doctorem celebri vincit in arte suum.
 Cui dentata prius reperitur serra, deinde
 Circinus, hinc cedunt commoda multa fabris.
 Invidet ast illi præclarum Dædalus omen,
 Et mox præcipitem Palladis arce iacit.
 Mentitus lapsu puerum cecidisse dolendo,
 Hunc tamen auxilio casta Minerva fouet.
 Reddit eum volucrem, pennis Et in aëre vestit,
 Illaq; perdicis nomen ut antè gerit.

ALLEGORIA.

Sustinet invidiam fruitur qui sorte secunda,
 Cuius Deus mentis suppeditanit opes.
 Lior præcipue regnat sublimibus aulis,
 Alter & alterius nil rationis habet.
 Fortior infirmum turbat maiorq; minorem
 Supprimit, hinc odiis pectora dira scatent.
 Proh dolor & latum scelus hoc irrepsit in orbem,
 Accipiter turdos ceu laniare solet.
 Et miseras coluber velut infestare lacertas,
 Sic perit invidia sæpè benignus homo.

Meleager

Meleager in venatione aprum
interemit. VII.



O Eneus Rex Aetoliæ, Parthaonis filius, quia in sacrificio cogendorum fructuum, de industria præterierat Dianam, ab ea horrendus quidam Aper in Calidoniæ agros, ut omnes segetes euerteret, immissus est. Perseuerante autem Oeneo in despectu Dæ, Meleager iussu parentis, conuocatis Græciæ principibus, ad venationem aprī aggressus est, cui negotio etiam Atalanta Schoenii, Arcadię regis filia, intererat, quam Meleager deperibat. Ab hac etiam aper primo vulneratus, deinde à Meleagro interemptus fuit.

ENARRATIO.

M Vnera plena Deis anni successibus Oeneus
 Offert, et cunctis sacrificare studet.
 Præterit at solam cui non dat thura Dianam,
 Et meritò castam priuat honore Deam.
 Hinc furor exardet Triuia nec ferre nefandum
 Hoc scelus et regis facta superba potest.
 Protinus Oeneios horrendum mittit in agros,
 Qui perdat segetes aruâq; vastet, aprum:
 Illius igne micant oculi sanôq; cruore,
 Ac setæ veluti cuspidis & hasta rigent,
 Hinc quoque spuma fluit calidis è faucibus alba,
 Igni homo dirum fulmen & ore cadit.
 Conculcat passim sata lata boumque labores,
 Palmite cum grauido mitis olina perit,
 Senis & in pecudes nec eum rabiosa canum vis,
 Nec pastoralis pellere turba valet:
 Conueniunt igitur clara de gente Pelasga
 Venandi studio præcipuisq; Duces.
 Strinxit Athalante virgo pulcherrima primum
 Vulnere, confecit post Meleager aprum.

ALLEGORIA.

Hic designat aper plenum feritate Tyrannum,
 Qui proculcando perdere cuncta solet.
 Expectat miseras inflata superbia pœnas,
 Ac spretus vera religionis honor.
 Vnius interdum subitas fert noxa ruinas,
 Et commissa ducum subdita turba luit.

Meleager & Athalante. VIII.



M Eleager Oenoi filius, apro iam interfecto, caput & exuias virgini Athalante, quòd aprum primò sauciaffet, lubens concessit, Quod tùm eius auunculi Plexippus & Toxeus, quorum pater Thestius erat, conspiceret, molestia maxima sunt affecti: Exuias igitur virgini eripientes, suo sanguine pœnas temeritatis pependerunt. Meleager enim irritatus magno cum impetu in eos inuasit, & omnes telo trucidauit.

VT generosus aprum tetigit Meleager acuta
 Cuspide lethali vulnere casus obit.
 Huic igitur ferro caput exitiabile scindit,
 Diripit & rigida tergora pellis ouans:
 Sed quia virgo feram primum Nonacria telo
 Strinxerat, hanc partem laudis habere finit.
 Protinus exuias dat premia magna puella,
 Dat caput abscissum spontè furentis apri.
 Inuidiam reliquis peperit laudabile donum,
 In totòq; sonans agmine rixa fuit.
 Thestiade fratres per vim data munera raptant,
 Fortis at Oenides talia ferre nequit.
 Stringit in agnatos gladium commotus ab ira,
 Inq; viros nudo percitus ense ruit.
 Mollia Plexippi demittit in ilia ferrum,
 Principio validum Toxea deinde petit,
 Amborumq; suo prosternit corpora telo,
 His ita sublati premia virgo refert.

ALLEGORIA.

Mutua cognatos inter miserandaq; cades
 Exoritur, saevo bellaq; Marte vigent.
 Occumbunt bini truculento vulnere fratres,
 Quis levis ambitio fata cruenta tulit:
 En super exuiis contentio dira mouetur,
 Nec paucos hodie perdit inanis honor.
 Rebus et è leuibus rixae nascuntur atroces,
 Publica quæ secum lataq; damna trahunt.

Meleagri interitus. IX.



Althæa mater Meleagri, postquam fratres suos à filio interemptos esse accepit, stipitem fatalem à Parcis absconditum, in quo vita Meleagri consistebat, flamma perussit, quo absumpto, Meleager etiam extinctus est. Hoc autem defuncto, sorores ipsius interitum deplorantes, inter lamentandum in volucres conuersæ, deque fratris nomine Meleagrides sunt cognominatæ.

ENARRATIO.

Germanos postquam proprios Althea necatos
 Accipit, immenso corda dolore grauat.
 Et lachrymans urbem mæstis ululatibus opplet,
 Mutat & auratas vestibus illa nigris:
 At simul autorem cadis cognouit acerbos,
 Matrone gemitus mæror & ira tulit:
 Concita nam varios motus in pectore versat,
 Et struit in natum funera dira suum.
 Stipes erat, filum nentes fatale Sorores,
 Olim flammato quem posuere foco,
 Perderet ut vitam combusto torre caducam,
 Oenides (Parcis lex ea certa manet.)
 Thestius at foetum tenues ubi mittit in auras,
 Flagrantem ramum protinus igne rapit,
 Abscondens et cum plures extendit in annos,
 Ætatem sobolis. satâque seua sugat:
 Nunc verò nati facinus cum lugubre cernit,
 In flammæ torrem (saucia mente) iacit.
 Continuo rapidis Meleager ab ignibus ardet,
 Et sua paulatim viscera tostus obit.

ALLEGORIA.

Fumoso veluti stipes comburitur igne,
 In prunisque diu non superesse potest:
 Sic mortale breui spatio consumitur auum
 Dum, tanquam vento lux, aboletur homo:
 Quam citò conflagrât lignum fornacibus aptum,
 Tam citò quæ trahitur vita caduca peris.

Perimele in insulam, X.



Perimele Hippodamantis filia, cū ab Acheloe amne per vim esset vitiata, pater eam ob admissum flagitium in pelagus ex alto scopulo præcipitavit. Achelous verò de salute amicæ vehementer sollicitus, à Neptuno petiit, ne ipsam submergeret, sed ei vel tutum aliquem locum præberet, vel eam in locum converteret: Quod sanè Neptunus facile permisit, statimque Perimelem in insulam transmutavit.

ENARRATIO.

Amnis Acarnanus Perimelen priuat honore
 Virgineo, nomen hic Achelous habet.
 At pater Hippodamas luctu commotus & ira,
 Flagitium sobolis corde dolente tulit:
 Protinus è scopulo deiecit in aquora natam,
 Iussit Et hic sceleris præmia ferre sui:
 Haud mora stupratam resonans Achelous amicum
 Excipit, & regem sic maris alloquitur:
 Imperium pelagi sortite Tridentifer audi,
 Et sine quas fundo pondus habere preces.
 Huic ego virgineum quam porto nomen ademi,
 Inde patris pœnas iam feritate luit.
 Arida nunc illi tellus habitanda negatur,
 Quam pater è scopulo trusit ad ima freti:
 Tu fac ne pereat pelago submersa profundo,
 Tu Deus hanc mediis eripe qua so vadis,
 Et concede locum misera, quo tuta quiescat.
 Aut mea, si mauis, fiat amica locus.
 Annuat huic ponti parent cui flumina rector,
 Insula telluris fitq; puella noua.

ALLEGORIA.

Hippodamas natam veluti deturbat ab alto
 Marmore, dum patrat grande malumque nefas:
 Sic & iniquus homo, quoties se crimine sædo
 Polluit, in dubias præcipitatur aquas,
 Pellitur & supera regni cœlestis ab aula,
 Et rapido scelerum mersus in amne perit.

Iuppiter & Mercurius hospites. XI.



Iuppiter & Mercurius in humanam formam conuersi, Phrygiam regionem, vt hominum animos eorúmque benignitatem experirentur peragrârunt. Cùm autem ex oppidanis eos nemo reciperet, tandem Philemonis rustici & pauperis cuiusdam hospitium ingressi, ab eo liberaliter ac lautè, pro tenuitate ac rei familiaris angustia, tractati sunt: Nam præter vulgares epulas etiam Philemon vnicum iis, quem habebat, anserem mactare volebat, Eius verò necem Dij prohibuerunt.


ENARRATIO.

Cum Ioue Mercurius Phrygiã lustrauerat olim
 Et facie tectus carpit uterque viam,
 Humanoque nouas gestant in corpore formas,
 Mille domos adeunt, Et loca mille petunt.
 Hospitij sedem sub amœna crepuscula noctis
 Querentes frustra sed pepulere fores:
 Pressa tamen stipulis tandem casa parua recepit,
 (Et requiem fessis præbuit illa) Deos.
 Baucis anus trepidusque domum coluere Philemõ,
 Excipiunt lati numina bina senes.
 Extemplo pariter sopitum fuscitat ignem
 Baucis, olus foliis truncat, & ære coquit.
 Fercula fictilibus ponuntur rustica vasis,
 Pocula de fago stant fabricata rudi.
 Pauperibus Diui gaudent accumbere mensis,
 Ac donis cumulant vina dapèsque nouis:
 Vnicus anser erat quem Diis mactare parabat
 Fœmina, calicola sed vetnere necem.

ALLEGORIA.

Hospitij pia iura Deus commendat, & illud
 A nobis lata fronte requirit opus.
 Cui verè fuerit peregrinus & aduena cura,
 Præmia pro vili manere larga feret.
 Olim dum Geniis hominum sub imagine binis
 Officij Lothus prestitit omne genus,
 Diuus & Abraham parili seruiuit honore
 Hospitibus, facilem promeruere Deum.

Philemon & Baucis in arbores. XII.



Iupiter & Mercurius benignitatem Philemonis & Baucidis experti, se Deos palā ostendūt eosque secum ascendere collem iubēt. Quo facto mox suū oppidulū in lacū vidēt cōuersum, omnesque domos præter suā casam, quæ in templum erat mutata, submersas. Porro à Diis optatione data senibus, ut quicquid vellent peterēt, Philemō se templi huius sacerdotes esse ea conditione optauit, ut nec ipse coniugis, nec vxor eius mortē videret. Voti igitur ambo facti compotes, tandem cum ad extremam peruenissent senectutem, in arbores euaserunt.

ENARRATIO.

Post cœnam se sponte Deus patefecit uterque
 Ac iuncti senibus mox abiire domo:
 Culmina coniugibus sed celsa patentibus inde
 Oppidulum spectant interiisse suum,
 Submersosque lares, tantum casa Baucidis ima
 Versa stat in templi splendida recta sacri.
 Ambo stupent thalami mox cum consorte Philemœ,
 Effundunt timido vota, precēsque sono.
 Iuppiter hos placidè verbis affatur, & inquit:
 Hæc procul ambigui signa doloris eant.
 Optio sit vobis dabitur quodcunque petetis,
 Premia vos, pœnas cætera turba ferat.
 Alter ut alterius fati sit nescius optant,
 Ecce sacerdotis munus utrisque datur,
 Ut sano præsent, tandem pro morte virentes
 Arboris assumunt corpora bina comas.

ALLEGORIA.

Nescia Diis hilarè confert benefacta duobus
 Cum seniore suo coniuge Baucis annus.
 Hinc precium tali dignum pietate reportant,
 Ac necis expertes arbor uterque manent.
 Sic qui pauperibus fraterni præstat amoris
 Officium, vita tempora longa trahit.
 Hospitis & fuerit cui cura benigna vagantis,
 Ille Deo coram quercus ut alta vires:
 Qui verò proprias externis obserat ades,
 Horrenda tandem morte scelestus obit.

Erisichthon quercum excindit. XIII.



ERisichthon Thessalus, Deorum contemptor, cum in Cereris nemoremultas arbores securi violaret, altissimamque quercum, in qua Nympha habitabat, excinderet, Hamadryades illorum montium incolæ ad Cererem conue-
nerunt, precantes, ut tantum contemptum & impietatem vlcisceretur. Ceres igitur & sua & Hamadryadum causa permota, Erisichthonem nouo supplicij genere afficere, assiduamque famis stimulatione cruciari decreuit.

ENARRATIO.

CÆlicolũm tennes Erisichthon numina sacra
 Erubuit Cereris non violare nemus.
 Dicitur is valida lucos temerasse bipenni,
 In quibus annoso robore quercus erat:
 Fama refert Dryades hanc incoluisse puellas,
 Abstinit sauas non tamen ille manus:
 Sed famulos sacrum iussit succidere robur,
 Ictũ tunc medio vox dedit ore sonum.
 Nympha sub hac ego sũ, qua scinditur arbore ferro.
 Parce precor: cœptum Thessalus vrget opus,
 Et multo veterem prostravit pondere quercum,
 Attonitæ Dryades facta nefanda dolent.
 Mœrentes adeunt Cererem cum vestibus atris,
 Et pœnas orant suppliciumque viro:
 Annuuit alma Ceres, nimium permota nefando
 Crimine, nec pœnam vult adhibere leuem:
 Sed lacerare fame genitrix Erisichthona frugum
 Molitur, miris & cruciare modis.

ALLEGORIA.

Thessalus iste potest tibi demonstrare Tyrannum
 Qui spernit petulans numina sacra Dei,
 Opprimat & iustos homines, rabidæque securi
 Deicit, innumeris persequiturque malis,
 Turpibus & pradis inhiat grauibûsque rapinis,
 Quas captat, nunquam se saturare valet:
 Hinc miseri plangunt luctũ, cœleste vocantes.
 Auxilium, spera quos Deus arce iunat.

Descriptio famis. XIII.



CEres Dea frugum, Erisichthonis immani
 scācinore vehemēter indignata, vnā ē Nym-
 phis ad Famem, quæ Dea representatur, in ex-
 tremam Scythiam, ablegauit, quæ suo nomine
 oraret ipsā, vt Erisichthonem tota vi inuade-
 ret, eidēque famelico prorsus omnem edendī
 satietatem adimeret. Nympha ergō Deæ morē
 gerens, à draconibus vecta, illud à fame, quam-
 uis Cereri aliās inimica, impetrauit,

ENARRATIO.


Montanam dictis compellat Oreada Nymphæ,
 Et placidè fatur talibus alma Ceres.
 Est locus extrema Scythiæ macilentus in ora,
 Cernitur hic tellus arida frigus iners.
 Hac pariter ieiuna fames in sede moratur,
 Illi præcipies nomine ritè meo,
 Ut se visceribus latitans Erisichthonis abdat,
 Aggreditur curru Nympha volante viam.
 Aëra per medium subuecta draconibus errat,
 Et limen Scythiæ mox regionis adit,
 Obscanamque famem lapidoso cernit in agro.
 Hirtus ei crinis, pallor in ore sedet,
 Labraque sæda situ nigri rubigine dentes,
 Rara cutis quæ vix inferiora tegit,
 Huic procul ut vidit Cereris mandata reclusit
 Nympha, dehinc retro curribus egit iter.
 Dira fames subito præceptis paret, & omni
 Exequitur studio iussa seuera Deæ.

ALLEGORIA.

Expectat meritò seuum Triopeius Heros
 Supplicium (vincit quod mala cuncta) famis.
 Et meritò quoniam per fasq; nefasque cruorem
 Exiit miseris, præmia tanta refert.
 En prius alterius qui corpus & ossa vorauit,
 Ille nequit ventrem nunc saturare cibo,
 Nec valet ingluuiem dapibus comescere diram,
 Hæc auri sitiens munera portet homo.

Erisichthon

Erisichthon fame inexplic-
bili torquetur. XV.



FAMES, nomine Cereris à Nympha vocata,
noctu domum Erisichthonis intrauit, seque
per aures, os & nares in viscera dormientis im-
misit, eumque tanta stimulauit violentia vt sibi
noctu per somnum omnia deuorare nullisue
epulis satiari posse videretur. Expergetus
autem dapes confestim requisinit, nec cibis vl-
lis famem sedare potuit, donec gula tandem o-
mnes facultates, totumque patrimonium abli-
guriret.

ENARRATIO.

CRuda fames tacitè thalamos Erisichthonis in
 Aspirans fauces, pectus & ora viri. (irat
 Et sic immittit vacuis ieiunia venis,

Hinc auido stertens appetat ore dapès.
 Labra mouet dentes exercet imagine somni,
 Pròque cibus auras deuorat ipse leues.
 Post ubi pulsa quies, furit improbus ardor edendi,
 Mox epulis epulas addit & auget inops:
 Nec tamen expletur, nec sena cupido vorandi
 Deficit, insurgit sed magis atra fames.

Quæq; prius toti planè suffecerat vrbi,
 Vnus haud auida sufficit esca gula.
 Sic alimenta rapax macram demittit in aluum,
 Adde quod et patriæ diminuuntur opes.
 Et bona consumit ventris rabiosa vorago,
 In caua nam census viscera diues abit.

ALLEGORIA.

Rex hic argenti cupidum designat & auri,
 Nummis qui nunquam corda replere potest:
 Nam vasta semper cœu fauce famelicus ardet,
 Sic inhians lucro semper auarus eget.
 Quò plus a. cumulatur: tanto magis appetit amens,
 Nec placido vitam corde quietus agit:
 Querit vt absumat, sed mox absumpta requirit,
 Pauper & in varus degit, egensque bonis,
 Garrulus admota cœu Tantalus esurit esca,
 Atque siti medius excruciatnr aqut.

Metra in varias figuras. XVI.



CVM Erisichthon totum iam patrimonium ventri impendisset, vnicam quoque filiam Metram, olim à Neptuneo vitiatam, vendere coactus est. Hæc autem vt seruitutis iugum efugeret, Neptuni auxilium implorauit, qui ei in vetulum piscatorem conuersæ concessit, vt quas vellet formas assumeret. Hoc pacto per aliquod tempus patrem famelicum aluit, sed tandem omnibus facultatibus absumptis, Erisichthon sua ipsius comedit viscera, & sic miserabili morte perit.

ENARRATIO.

Helluo fortunas paulatim perdidit omnes.
 Thessalus, & nulla reppulit arte famem.
 Filia restabat non tanto digna parenti,
 Pauperies illam vendere summa iubet.
 Nata iugum domini peregrinum ferre recusans,
 Rectorem supplex aquoris orat opym.
 Is prece non spreto, varias gestare figuras
 Hanc facit, & vultus ora subinde novat.
 Nunc faciem pisces sumit capientibus aptam,
 Nunc, equa, bos, asinus ceruus & ales abit.
 Et sic abdomen patris insaturabile nutrit
 Filia, sed venter pabula cuncta vorat.
 Cumque nihil superest, corpus diuellere morsu.
 Incipit, & membris membra Tyrannus alit.
 Post magis atque magis miseros depascitur artus,
 Dum nece paulatim deficiendo perit.

ALLEGORIA.

Pena Dei rabidos tangit lugenda Tyrannos,
 Quae si differtur grandior ire solet.
 Qui bona praesentis vitae peritura requirit,
 Vera nec aeterna munera lucis amat,
 Duriter extrema terrestribus ille peribit
 Implicitus curis, & morietur inops.
 Non sua fraus ipsi dolus, aut versutia quicquam
 Proderit, & ventrem non saturabit egens.
 Integer aeternos at sustentabitur annos.
 Caelestique pius pane fructur homo.

FINIS LIB. VII.

Hercules, Achelous. I.



DEianira Oenei regis filia, virgo Atolarū
speciosissima, cū à multis amaretur pa-
ter eā in matrimonium huic dare constituit, qui
luctandi gratia veniens victoriam reportaret.
Omnibus autē metu perculsis, retrōque ceden-
tibus, duo sunt inuenti, Hercules & Achelous,
qui manus inter se conferere auderent, Cōmis-
so igitur prælio, Achelous multis dolis Hercu-
lem elusit, seque in varias transmoutit formas,
ac tandem succumbens Herculem victorem a-
gnouit, qui filiam regis pugnando adeptus est.

ENARRATIO.

DEianira fuit quondam pulcherrima virgo.
 Atolū regis filia chara protis.
 Hanc sibi connubio iungi petiere puellam
 Innumeri, prohibet fœdera tanta parens:
 Nec generum nouisse cupit nisi fortiter ille
 Dimicet, & magnum se probet esse virum.
 Aufugiunt alij, perstat Calydonius acer,
 Perstat & Alcides, munus uterque petit.
 Concertant ambo, sed vi Tyrrinthius hostem
 Deicit, è manibus mox Achelous abit.
 Versus & in flumen magno cum murmure fluctus
 Tollit, & heroem sic superare cupit.
 Post nil efficiens, dirum formatur in anguem,
 Cunctaq; peruigili fraude dolosus agit:
 Hercules & serpens cū vim perferre nequirit,
 Deniēto tauri restat imago truci.
 Hunc Ioue natus adit, cornūque à fronte reuellit.
 Victor, & egregie premia laudis habet.

ALLEGORIA.

Nos docet Alcides quo non prestantior armis,
 Quid deceat fortem magnanimumque virum.
 Qui cupit aterna post mortem luce potiri,
 Fortiter hunc ipsum belligerare decet.
 Non desunt hostes, qui nobis fata minantur
 Vltima Sarcotheus, mundus Et agra caro.
 Hos virtute Dei si quis prostrauerit vltor,
 Munera tam duro digna labore feret.

Nessus Centaurus sagitta traiectus. II.



Victor Hercules cū Deianiram vxorem Nesso Centauro commisisset, vt eam Eucnum amnem transfueheret: is quidē forma puellæ allectus, sinuosis errabat flexibus, locum eius comprimendæ captans. Cæterū vxore mariti sui fidem implorante, mox ab Hercule Nessus telo confixus est: qui cū expiraret, vestem suam sanguine aspersam dedit Deianiræ, indicans hanc fore remedium aduersus desertum amorem coniugis, quam primum ea indueretur. Cruor autem iste in venenum mutabatur.

ENARRATIO.

ECce noua repetens patriam cum coniuge terram
 Eueni tangit iam Ioue natus aquas.
 Auctus erat valde nimbis hyemalibus amnis,
 Peruius et nusquam voricibusque frequens.
 Intrepidus pro se primam de coniuge curam
 Suscipit Alcides, nil opis esse videns:
 Spondet opem Nessus prudens scitusque vadorum,
 Hoc mecum coniux lintre vehetur, ait:
 Interea validis tu viribus utere nando,
 Littora dum datur tangere summa tibi.
 Pacta placent, timidam recipit Calydonida Nessus
 Et per aquas curuo tramite fleclit iter.
 Huius ut illicito flagrans potiatur amore,
 Sed non Aonium fraus latet illa virum:
 Namq; grauis pharetra subito fera flumina tranat,
 Percipit & patula coniugis ante preces:
 Inde ferit telo Centauri pectus adunco,
 Vestis & emisso tincta cruore rubet.
 Hanc donat rapta moriens medicamen amoris,
 Gratia si quando cesset amica viri.

ALLEGORIA.

Admonet exemplum, ne decipiamur ab hoste,
 Cuture de cuius dulcia mella fluunt,
 Sed latet abstruso linens in corde venenum,
 Imprimis tacita fraude paratur amor.
 Historie veluti nobis monumenta recludunt,
 Fraus semper Veneri grata dolusque fuit.

Lychas in vndas deiicitur. III.



Hercules in Orchatiam regnum Eurisi tra-
 iiciens, Iolen eius filiam secum abduxit.
 Prior autem coniux Deianira falso suspicata a-
 nimum viri à se abalienatum tunicam Centau-
 ri sanguine tinctam, ipsi iam sacrificaturo, per
 Lychan famulū misit. Eam indutus Hercules
 ad aras accedens, flamma vestis citò incaluit, &
 veneno Lernæo eius viscera sunt infecta. In
 summo igitur cruciatu, cum vitam finire nequi-
 ret, Lychan acerbissimi muneris autorem in
 mare Euboicum proiecit, qui in scopulum dein-
 de conuersus est.

ENARRATIO.

Sacra Ioui victor longi post acta laboris
 Alcides certo tempore vota parat.
 Rumor at incertus pulsat Calydonidis aures,
 Aonium thalamos instituisse novos.
 Credit amas lachrymisque dolens indulget amaris,
 Inq; ragos motus fœmina tristis abit.
 Mittit ei tunicam, Nefleo sanguine tinctam,
 Ut vetus induta veste recurrat amor.
 Ignarumque Lychan patrias ablegat ad oras,
 Affert hic domino tradita dona suo.
 Nescius ille novos habitus vestemque cruentam
 Induit, atque Ioui thura daturus erat.
 Vis infanda mali corpus, cœcūque venenum
 Occupat, Et flammis membra perusta calent:
 Sustinet immensos longam sine morte dolores.
 Aonius vitam nec posuisse valet:
 Inde Lychan rabidum mittit furibundus in equos,
 Versus at is scopuli signa vetusta gerit.

ALLEGORIA.

Sape premunt homines extrema pericula magnos,
 Præmia nec virtus semper habere solet.
 Quis fuit Alcida maior? quis fortior Heros?
 Attamen ante necem tristia fata subit:
 Sic olim cecidit præclara potentia Cræsi
 Diuitis, & Marius multa pudenda tulit.
 Quos tamen euexit sors ad fastigia cali.
 Molliter humanis fidere nemo vellet.

Herculis ἀποθῆωσις. II II.



Hercules diu multumque grauissimis flammarum doloribus excruciatuſ , in Oeta Theſſaliæ mōte roguſ extrui curauit , ſagittis- que Philocteræ Præantiſ filio traditiſ , qui Pyram illi ſtruxerat , igne combuſtuſ eſt , ita tamen , vt immortalium Deorum iuſ à Ioue in cœlo reciperet , & aliquando placata Iuncne , filiæ eiſdem nomine Hebe iungeretur. Deianira autem vxor Herculiſ , re cognita , pię ingenti animi luctu & mœſtitiâ , ſibi morrem laqueo conſciuit.

Ingentem cœli natus Peante sub auras
 Erigit, ac mira construit arte rogam.
 Subiicit & flammæ, quod idem praeceperat Heros
 Ionius, vitam sic abolere volens:
 Corpore qui toto summis cruciatibus ardens
 Arboris aggestum vellere sternit opus.
 Imposita clauæ pariter ceruice recumbit,
 Fatâq; sic hilari fronte suprema vocat.
 Flamma viri teneros latè complectitur artus,
 Is crepitante tamen viuis in igne manet,
 Leditur & tantum matris quod origine traxit,
 De Ioue quod sumpsit perdere flamma nequit:
 Mulciber idcirco membris mortale caducis
 Eximit, at superi restat imago Iouis.
 Quadriûgo natum curru qui sustulit astris,
 Esset vt athereos inter & ipse Deos.

ALLEGORIA.

Casibus innumeris Tyrrhinius aestuat Heros,
 Dum scandit magni regna beata poli.
 Ignaum trepidus qui dura pericula vitat
 Atq; domi residet, premia nulla manent.
 Omnis ad eximios cui mens aspirat honores,
 Ille manus operi fortiter iniiciat:
 Sic qui cœlestis regni contendit ad aulam,
 Non subterfugiat tristia multa pati:
 Exilium, tormenta, fames, crux, carcer & ignis
 Sunt vincenda pio, qui petit astra, viro.

Alcmena parit Herculem. V.



Alcmena vxor Amphitryonis, cū ex Io-
 ue Herculem cōceptum ob Iunonis odiū
 parere non posset, Lucina partui præsēs ab ea
 vocata, ad fores reginę venit, quę cū in terra
 residens nexis manibus caneret, & ita Iunonis
 voluntate partu laborantem, retardaret, Galan-
 this ministra Alcmenę ipsam conspiciens pra-
 denter fraudem hanc irrisit, & reginam pepe-
 risse, omnique dolore solutam mentita est. Lu-
 cina igitur manibus explicatis, Alcmenam cru-
 ciatu liberauit. Galanthis autē in mustelę figu-
 ram conuersa est, vt ore etiam quo mentiebatur
 pareret.

ENARRATIO.

INfelix Dryope coniux Andramonis olim
 Pergit ad Oechalici littora curua lacus.
 Infamemq; sinu, qui non compleuerat annum
 Cestat, ibi Nymphis sacrificare volens.
 Ad gelidum Lotos florescit aquatica stagnum,
 Oechalis hinc animo gaudia plena capit.
 Nescia fatorum decerpit ab arbore ramum
 Mater, quem nato porrigit alma suo.
 Et querit tenera sic oblectamina proli,
 Gutta sed è niueo flore cruenta cadit.
 Dumq; sacros Dryope perdit non prouida fructus,
 Hæret, et in trunci stipite fixa manet:
 Arboream recipit nam cortice cincta figuram,
 Lata tamen capitis forma prioris adest.
 Concurrunt soror atque parens lugubria flentes.
 Fata, sed auxilium nullus opemq; tulit.
 Illa diu vanos effundit in aëra questus,
 Dum planè cortex omnia membra tegit.

ALLEGORIA.

Haud impune sacrum violauit scemina lignum,
 Est grauis admissum pœna secuta scelus:
 Sic bona crudeles per fasq; nefasq; sacrata
 Qui rapiunt, tristi morte perire solent.
 Quosq; inuat duro tenues ex osse medullas
 Sugere pauperibus, iudicis ira premit.
 In miseros homines tandem vertantur ut ipsi
 Omnis & illorum fama decusq; ruat.

Biblidis amor in fratrem. VII.



Miletus ex insula Creta profectus in Asiā, binos ibi ex Meandri filia liberos suscepit, Biblida & Caunum: Biblis autem ad annos aliquot progressa, cum fratre colludere, ūmque osculari & amplexari ausa est, vnde paulatim scintilla illiciti in germanū amoris creuit, adeò vt eam ardore plusquam pio prosequeretur. Cum igitur cupiditatis suæ veseniam diurnius compescere nequiret, illi flagrantem suum animum apperuit, sed Caunus rei indignitate & sororis impietate motus, petitionem hanc turpissimam recusauit.

ENARRATIO.

Filia Maandri binos enixa gemellos,
 In lucem vitum corpus utrunq; tulit.
 Accrescunt vnà soror & germanus, iisdem
 Et studiis ambo ludere saepe solent:
 Biblis at in fratrem paulatim concipit ignes,
 Illius & collo brachia saepe iacit.
 Oscula figit, amor cunctas augetur in horas,
 Sapius ad fratrem culta nitensq; venit:
 Non tamen omnino flammæ vulgare latentes
 Ausa, suo gravidum pectore celat onus.
 Germanum vigilans per somnia cernit eundem,
 Tempora nec placida virgo quietis habet:
 Continuo surgunt motus in corde vagantes,
 Mens monet hoc, aliò cæca libido rapit.
 Tandem cogit amor scriptis aperire dolorem;
 (Protinus ad Canum littera missa volat)
 In quibus exponit vesani vulnèra cordis,
 Et Veneris telo pectora fixa soror.
 His verò lectis subita Maandrius ira
 Feruet, & hoc summum indicat esse nefas.

ALLEGORIA.

Admonet exemplum cunctos prudenter amantes,
 Ausint ne turpi se maculare nota.
 Illicito nimiam neque constringantur amore,
 Melle Venus primò dulcior esse solet,
 Corq; subit tacitè viresq; acquirit eundo,
 Donec ad interitum mortis agatur homo.

Biblis in fontem. VIII.




Biblis in fratrem Caunum mirifico amore
 inflammata, cū animaduverteret litteras,
 quas ad ipsum dederat, nihil effecisse, libidine
 detestabili in dies magis magisque adaucta & in-
 censa, propositum suum vrget, & Germanum
 ad incestum amorem allicere haud ququā ces-
 sat. Caunus autem honestatis amans, ne tā hor-
 rendum perpetraret facinus à patria profugus
 evasit, cuius vestigia soror dum sequitur, multas
 nationes peruagata, tandem in Cariam venit,
 ibique assiduo mœrore & fletu defatigata, in
 fontem delicuit.

ACauno subitam Biblis perpeſſa repulſam,
 Pectora ſollicito plena pauore gerit,
 Perturbata ſedens, propria velut inſcia mentis,
 Languet, & ignauo frigore membra rigent.
 Mens tamen ut rediit collecta, redire furores
 Incipiunt, fratris corde reſultat amor.
 Illius et ſenſus partes agitantur in omnes,
 Concubitus fratris luxurioſa petit:
 Cumque videt ſcriptas nihil effeciſſe tabellas,
 Inſelix alias tentat adire vias,
 Propoſitumq; premit ſœdum, nec deſinit ardens
 Germanum verbis ſollicitare notis.
 Dumq; ita blanditiis inuenem ſine fine fatigat,
 A patria profugus cogitur ire domo.
 Quem ſoror inſequitur multis regionibus errans,
 Attamen huic fratrem non reperire datur.
 Propterea Biblis lachrymas effundit acerbæ,
 Et ſic in gelidi ſoluitur amnis aquas.

ALLEGORIA.

Vir ſapiens Cauni mores imitatur honeſtos,
 Atq; procul Veneris gaudia praua fugit,
 Et potius migrat patriis de mœnibus exul,
 Crimina quàm petulans flagitioſa patret.
 Sed qui luxuriam ſequitur, cen Biblis, inertem,
 Ante Deum liquida diſfluit inſtar aquæ,
 Ipſius in tennes et vita reſoluitur auras,
 Tranſit, et haud longum perſtat iniquus homo.

Lyctus & Telethusa vxor. I X.



PHæstos oppidum est in insula Creta, vbi Lyctus generosi animi ac præstâtis fidei homo degens, ab vxore sua Telethusa iam grauida & partui vicina, petiit, vt si puellam pareret, eam statim interficeret, sin puerum sobolè patriæ conseruaret. Cùmque ambo coniuges pro futuro casu dedissent lachrymas, mater filiam enixa, manus ei afferre violentas nō potuit. Iis autem Dea lugenti puerperæ adfuit, & ipsa infantem (patre filij opinione decepto) pro puero enutriuit.

E N A R R A T I O.

P Hæstia progeniit tellus de nomine *Lyctum*,
 Integra cui fuerat vita fidesq; virum:
 Iussit hæc vxorẽ, procul haud cùm partus abesset,
 Quamprimum per eam nata puella foret,
 Tellere de medio (tenuis sors namq; premebat
 Cressum nec validas pauper habebat opes)
 Hinc metuit ne possit egens educere prolem,
 Aut certa natam dote beare suam.
 Propterea sætum mandat iugulare recentem,
 Ast orat superos nocte dieq; Deos,
 Masculus vt lucis felix edatur in auras,
 Quem vixisse parens, & superesse cupit:
 Precipit inuitus, lachrymas cum coniuge fundens,
 Lyctus tam tristem terrificamq; necens.
 Pauperies at eum moliri talia cogit,
 Incidit in luctus hinc *Teletusa* graues,
 Fæmineamq; sua sobolem protrudit ab aluo,
 Editus ast patri dicitur esse puer:
Inachis infantem Dea nam sibi sumit alendum,
 Et carnem teneram morte perire vetat.

A L L E G O R I A.

Se quicumq; cupit nexu vincire iugali,
 Tam graue non demens aggrediatur opus:
 Sed sibi res curet varius quas exigit vsus,
 Ne iunctus vitam coniuge ducat inops.
 Ad mala sæpe bonos adigit deformis egestas,
 Faustus homo census cui mediocris adest.

Iphis puella in marem. X.



CUm Iphis puella iam ad maturam peruenisset ætatem, parens eam, falsus à coniuge, marem existimans, virginem formosissimã ex Theleste genitam ipsi despondit. Variis autem animi fluctibus, cum æstuarer Iphis mater, valdequẽ metueret, ne Iphis puella cum infamia reperiretur, Dea Isis rursus auxilio Telethusæ rebus deploratis adfuit, & instatibus iam nuptiis, ut matrimonium fieret legitimum, Iphin. pu. llam in puerum transfigurauit.

L iij

ENARRATIO.

Quæ Telethusa parit, nutritur ab Iside factus.
 Cultaq; præstanti virgo decore nitet:
 Tercia sed decima iam iam successerat ætas,
 Iphus cum puerum credidit esse pater.
 Huic igitur lætus pulchram despondet Iamthen,
 Inter Phætiadas quæ celebrata fuit.
 Par ambobus erat iuuenili corpore forma,
 Et paribus studiis incubuere simul:
 Vnus & ambobus præluxit in arte magister,
 Hinc subit amborum pectora primus amor.
 Post noua sponsa nimis formosam diligit Iphin
 Nam quod amat virgo iudicat esse marem,
 Iphin et incendit, stimulatq; cupidinis æstus,
 Sed premit affectus vix lachrymasq; tenet.
 Se quia posse fieri iusto desperat amore,
 Iphidis & matrem cura dolorq; grauat.
 Dum metuit sua ne fraus fiat aperta marito,
 Quo circa duplices tendit ad astra manus,
 Isidis auxilium summisso pectore supplex
 Inuocat, afflictus fert. Dea rebus opem,
 Utq; iugalis amor succederet omine fausto,
 In pueri formam protinus Iphis abis.

ALLEGORIA.

Turbatas summa rerum discriminantes
 Erigit, et miseros spes animosa fouet:
 Spes iubet instabili numquam diffidere sorti,
 Sed prece non dubia sollicitare Deum.

FINIS LIB. IX.

117

LIBER X.
OVIDII METAM.
LIB. X.

Euridice serpentis ictu moritur I.



ORpheus Apollinis & Calliopes (vel, ut alij volunt, Oeagri fluuij, & Polymniæ Musæ) filius, Eurydicen in matrimonium duxerat: cum qua infausto omine coniunctus, & si vitam aliquandiu tranquillam, & ut sibi videbatur, beatam ageret, breui tamen fœdus coniugij morte Eurydices dissolutum est: ea enim cum aliquandiu associata Nymphis, per prata ambulare, floresque colligeret selectissimos, ictu serpentis in plantam infixæ, ex hac mortali vita ad inferos emigravit.

Thracius Eurydicen socio sibi iunxerat Orpheus
 Fœdere, quod felix non stabilivit Hymen:
 Ad festum frustra nam connubiale vocatur,
 Affuit at secum gaudia nulla tulit:
 Nec vultus hilares nec faustum præbuit omen,
 Sed ferus auspicii trætia signa dedit.
 Exitus hinc sequitur grauis et mæroris abundas,
 Coniugiumq; recens dissipat atra dies:
 Nam noua nupta vagans, Nymphis comitata per
 Dum picto flores gramine forte legit, (herbas
 Ipsius in talum coluber penetrabile virus
 Mittit, et ore micans tetra venena iacit.
 Hinc tumor inuadit plantam lethalis, ad umbras
 Eurydice stygias lucis egena volat.
 Coniugis interitu tristis prosternitur Orpheus,
 Vxoris deflens fata suprema sua.

ALLEGORIA.

Consortem thalami perdit Rhodopeius Heros,
 Infernas adiit que Phlegetontæ aquas:
 Sic fit adhuc hodie quoties peccator amœnas
 Mente voluptates illecebrasq; petit,
 Delicias mundi captans floresq; caducos,
 Mortis ut ad tenebras precipitanter eat:
 Nam Sathanas animam funesto sauciat ictu
 Sæpius, excultas dum sibi querit opes,
 Et nisi nil carnis fragiles sectatur honores,
 Vir probus æthereæ gaudia lucis amat.

Orpheus ad inferos descendit. II.



Eurydice mortua , tantum dolorē Orpheo marito attulit , vt eam non solūm acerbissimis defleret lachrymis , sed & arte sua ludendi cithara confusus , ad inferos descenderet : Quò cūm peruenisset Plutōnem & Proserpinam citharæ adeò suauitate deinulsit , vt vxorem ab iis reciperet , ea tamen lege , ne illam prius quàm ad superos reuersus esset , intueretur . Orpheus autem dubitans , vtrum vxor eum sequeretur , respexit , statim igitur à Plutone ad inferos Eurydice reuocata , maritum in maximis animi cruciatibus reliquit .

OVIDII MITAM.
ENARRATIO.

Vuxorem postquam rates defleuerat Orpheus,
Est etiam stygios ausus adire lares,
Persephoneſq; domum, lathæaq; tecta tyranni
Pulſat, & extincta coniugis ossa petit,
Suauiſſe & cythara ludis, dulciſſima fundens
Carmina, queis animas duræq; saxa mouet:
Nam miſeri flebant manes lachrymiſq; rigabant.
Eumenides mœſtas, cunctaq; turba, genas,
Ipſeq; dux Erebi ſic mulcebatur amœnis
Cantibus, vt vati traderet Eurydicen:
Hanc tamen & recipit grata cum coniuge legem,
Lumina ne retro ſecltere pata velit,
Tartara dum penetret tacitus vallisq; profundas,
Irrita vel proſus dona futura ſibi,
Ille ſed vt ſuperas grefſu prope contigit auras,
Verſus in vxorem limina torſit amans.
Ex oculis igitur coniux euannit Orpheus,
Adq; tenebroſas eſt reuoluta fores.

ALLEGORIA.

Si variis animam viſiis & crimine ſædo
Perdidit infælix & miſerandus homo,
Haud reparabit eam, niſi ſe demittat ad Orcum,
Et ſua corde flectat turpia facta pio.
Lumina ſed retrò decet haud inſigere fluxis,
Quæq; breui ſinem ſunt habitura, bonis.
Ad flammæ Lothi quondam dum reſpicit vxor,
Verſitur in ſtatuum (dura rigore) ſalis.

Orpheus cithara ludens. III.



ORpheus de vxore sua recuperanda. planè desperans, à consuetudine mulierum abstinuit, nec vllam cum iis rem in posterum habuisse creditur. Deinde se in montem Thraciæ contulit ibi dulcedine ac suavitate cantus omne penè ferarum genus, atque adeò cūctas ferme arbores ac plantas demulsit & ad sese allexit. Inter quas & Pinus Cybiles arbor erat, in quam Atys olim puer eximia pulchritudine fuit commutatus.

ENARRATIO.

Mœstus agit vitā gemina nece cōiungi Orphe⁹
 Dum licet Eurydicen non reparare suam,
 Namq; domos iterum Plutonis adire volentem,
 Pellit, et immanis portitor indefugat.
 Attamen in ripa septem sedet ille diebus
 Squalidus, ac Cereris munere tristis eget.
 Cura, dolor, lachryma, luctus alimenta ministrant,
 Inq; Deos Erebi iuvida verba iacit.
 Deniq; spem prorsus postquam sibi cernit ademptā,
 Telluris supera limina rursus adit,
 Et Rhodopen sese recipit, Veneremq; perosus
 Fæmineam, vitæ tempora solus agit,
 Tangens et citharam suauissima carmina promit,
 Motio qua bratis arboribusq; venit.
 Accedunt tilia molles, acer, asculus, jilix,
 Nux, abies, Lotos, ficus & vlnus adest.
 Nec desunt ornus, viuis, tenuesq; myrica,
 Nec quæ victorem florida palma decet,
 Nec pinus viridans in quam Cybeleius Atys.
 Percitus insano turbine versus erat.

ALLEGORIA.

Afflictas mulierum recreat bona cantio mentes,
 Luctibus et duris corda lenare potest.
 Carmina ceu mulcent animos, ita Musica pectus
 Commouet, æterno fit quoq; chara Deo.
 Sacros præsertim si conuertatur in vsus,
 Regius hinc vates iubila sæpe canit.

Cyparissus puer in arborem. IIII.



Cyparissus Amiclei filius, ex insula Cœa oriundus, vehementer ab Apolline dilectus, Ceruum auro gemmisque ornatum, Nymphis sacrum & sibi maximopere charum, per imprudentiâ sagitta trāsfixit, cuius morte deinceps tantis doloribus est affectus, ut sibimet manus inferre violentas conaretur. Hunc autem Apollo ex imminente periculo liberans mediis hærentem cruciatibus, in arborem Cypressum transmoutavit.

QVIDII METALL.
ENARRATIO.

S Acratas quondam Carthæa tenentibus arua
Nymphis, ingenti robore ceruus erat.
Cornua fulgebant auro gemmisq; decora,
Argento fuerat cinctus ubiq; caput.
Pendebant pariter preciosa monilia collo,
Intrabat posito sæpe pauore domos.
Et se mulcendum manibus præbere solebat,
Sed tamen imprimis ô Cyparisse tibi.
Longè præ reliquis Cæ pulcherrime gentis,
Dulcia qui bruto pabula sæpe dabas.
Ducebas liquidi sitientem fontis ad vndas,
Orâq; frenabas illius instar equi.
Aestus erat magnus media sub parte diei,
Vmbra cum ceruus corpora fessa locat.
Hunc puer imprudens figit Cyparissus atroci
Vulnere, quo subito morte solutus obit.
Indoluit iuuenis, sibi met quoq; funera quarit,
Ac gemitu crebro tristia corda grauat,
Munere sed Phæbi largo sit mæsta cypressus,
Funereis arbor. scilicet apta rogis.

ALLEGORIA.

Exequiis olim fuit addita nigra cypressus,
Namq; semel nunquam cæsa virere solet:
Sic homo qui misero semel emigraverit orbe,
Ad superos hausta luce redire nequit.
Et quam præteriens manet irreuocabilis hora,
Tam citò non reuolans gloria nostra cadit.

Canymedes

Ganymedes in cælum euectus. V.



Ganymedes filius Trojs regis puer erat eximia facie, & admiranda corporis formositate præditus: quem Iuppiter tanto est amore persecutus, vt ipse in Aquilæ formam transmutatus, puerum ad se in cœlos eueheret, mensæque suæ præficeret, vt eius minister ac pincerna foret. In illum verò Iouis vxor Iuno tanquam impatiens socij, summa inuidia & offensione fuit commota.

CAntando sylvas Rhodopei⁹ attrahit Orpheus
 Atq; feras modulans inter auesq; sedet.
 Cumq; satis ductos tentauit pollice nervos,
 Et chordis lepidos sensit inesse sonos.
 Carmina nostra moue, capit modulamina cantus.
 Ab Ioue Musa parens, carmina nostra moue:
 Rex olim superum feruentes concipit ignes,
 Inuadit Phrygij quem Canymedis amor.
 Egregius puer ille fuit facieq; decorus,
 Effulsit nix cuius in ore rabor.
 Iuppiter ergo sibi peregrinam sumere formam,
 Ac tacite puerum sic rapuisse cupit:
 Sed nullo prorsus dignatur is alite verti,
 Quam sua qua terris fulmina sana gerit.
 Nec mora diuiso pernicibus aëra pennis
 Iliadem secum celsus ad astra leuat.
 Qui nunc inuisa vinum Iunone coronat,
 Et Iouis ad mensam ritè minister ad est.

ALLEGORIA.

Idem veluti puer est ad sidera tractus,
 Cui facies claro pulchra nitore fuit.
 Sic etiam Christi mens iusta meretur amorem,
 Que noua virtutis veste recincta nitet.
 Hanc Deus è vario mundi discrimine transfert,
 Mitis ad excelsi regna beata poli.
 Hic ut in æternum diuina luce fruatur,
 Gaudia cumq; Deo non fugitura trahat.

Hyacinthus in florem. VI.



HYacinthus Amiclæ & Diomedis filius, ab Apolline dilectus, cùm per iocum & imprudentiam cum ipso in certamé disci descenderet, pondus à Phœbo altius iactū, prius haud accipere valuit iuuenis, quàm in caput eius magno cum impetu decideret. Quo ictu in terram subitò prostratus, nullum prorsus admisit remediū, quod vulnus curare, ipsam que reficere posset. Hyacintho igitur sic moriente, cruor emanans ab eodem Apolline in florem eiusdem nominis est conuersus.

ENARRATIO.

Phæbus Amyclidæ stolidus vexatur amore,
 Ac flammæ tacitè luxuriosus alit.
 Tempus at incidere quo convenere iocantes,
 Et disci lusus instituere graves.
 Massam principiò libratam torset in altum
 Phæbus, & ad nubes mox penetravit onus,
 Ac longo solidam tetigit post tempore terram,
 Orbem dehinc iuuenis tollere promptus erat:
 Sed prius emissum delabitur æthere pondus,
 Et ledit vultus ô Hyacinthe tuos,
 Profilit accepto calidus de vulnere sanguis,
 Equè pallefcit, quàm puer, ipse Deus,
 Qui refouens iuuenem collapsos excipit artus,
 Protinus et medica vulnera siccât ope,
 Admotisq; animam labentem sustinet herbis,
 Sed frustra pulcher mox Hyacinthus obit,
 Hinc nimio cordis mœrore repletus Apollo
 Ingemit, et pueri funera mœsta dolet:
 Sanguis at in florem rutidus mutatur olentem,
 Ne prorsus iuuenis concidat omnis honor.

ALLEGORIA.

Qui certare cupit, pugnâsq; subire feroces.
 Athletas ista querat in arte pares:
 Nam qui maiores iuuenili pectore flagrans
 Despiciat, is capiti nil nisi damna struit.
 Precipiti fœnore Dares animoq; superbus
 Corruit, Extellus præmia victor habet.

Ceraſtæ in boues. VII.




A Mathus oppidum in Insula Cypro est cuius incolæ nefaria & impia consuetudine soliti sunt ad arā Iouis, quæ proxima erat Deæ Veneris, aduenas ac hospites obtruncare & ibidem immolare, quorum crudelitate Venus offensa, ne vel locum sedemque mutare cogerentur, vel aliquod necis supplicium in eos statueretur, in boues illos conuertit, quæ à magnitudine cornuum Ceraſtæ à Salaminis sunt nominati.

Est vrbs in Cypro multis fecunda metallis,
 Nomen apud cives hac Amathuntis habet.
 Quam truculenta nimis gens incolere Cerastra,
 His stetit ante fores hospitibus ara Iouis.
 Semper abundabat qua sanguine tincta recenti,
 Semper & effusi plena cruoris erat.
 Hanc qui prateriit, mactatos credidit illic,
 Advena, cornu petas occubuisse boues.
 Seu vitulos, agnos & oves cecidisse tenellos,
 Ara sed humana cade cruenta fuit:
 Nam quoties ibi fecit iter peregrinus & exul,
 Præbuit haud illi semita tuta viam.
 Cernicem subito strictus ingulauerat ensis,
 Hac rigida turpis victima gentis erat:
 At Venus omnino sacris offensa nefandis,
 Fæda Cerastrarum crimina ferre nequit.
 Exilij pœnam dubitat, seu mortis acerba
 Infigat populis, versa figura placet:
 Protinus in tornos abeunt his membra iuuenços,
 Cornua, qui dura fronte recurua gerunt.

ALLEGORIA.

Cypria gens truculenta, feræ, inimicæq; sanctis
 Hospitibus, plenum cor feritatis habet.
 In tauros, igitur tandem mutantur agrestes,
 Membra quibus sæuo tacta ligone cadunt.
 Ne quod adhuc scelus hoc homines imitætur iniqui
 Hospitij miseris qui pia iura negant.

Effigies eburnea in hominem. VIII.



Pygmalion Rex Tyri offensus impudētia vulgari propeditum, quæ à Venere propter obscœnitatem in lapides erant conuersæ, vitam cœlibem exigere statuit, qui cū effigiē virginis ex ebore sculpsisset, captus specie eius pulcherrima in amorē incidit, & petiit à Dea Venere, vt eiusmodi vxorem sibi largiretur. Venus igitur statuæ, quā in lectū ipse collocarat, eburneę animam inspirauit. Ex hac vxore sua deinde Rex Paphum filium genuit, qui in insula Cypri oppidum sui nominis extruxit.

Vivere Pigmalion statuit sine coniuge cælebs.

Gaudia nec sacri dulcia nosse tori,
Iamq; diu thalami consorte carebat amica,

Et secum solus degere suetus erat:

Interea tamen hic propria fœliciter arte

Vitam quod iures ducere, scalpit ebur:

Virginæam gestat faciem præsignis imago,

Non aliter quàm si membra mouere queat.

Arte sua gaudens feruentes concipit æstus

Pygmalion, vani spes Et amoris alit:

Oscula dans operi nutrit sub pectore flammæ,

Sit veluti dubitet corpus an illud ebur.

Vestibus exornat simulatos insuper artus,

Annulus in digitis gemmaq; pura nitet.

Mollibus in plumis tandem simulachra reponit,

Ac Veneris precibus numina sancta vocat,

Vtq; suos tali cum coniuge transigat annos,

Quæ referat ficti corporis ossa petit.

Extemplo vinum membris Venus alma calorem

Indidit, Et nupsit sculpta puella viro.

ALLEGORIA.

Coniugio quicumq; cupit fœlice potiri,

Hoc sine diuina non potietur ope:

Vxor amica placens & moribus aucta pudicis,

Est à clementi sæpe petenda Deo:

Quam graue sit motus etenim frenare vagantes,

Edocet ardescens Pygmalionis amor.

Myrrha sibi laqueo mortem
consciscere cupit. I X.



MYrrha Cinyræ Cypriorum regis & Cē-
chreidis filia, iracundia Veneris, quod
mater eius præferretur Deæ, in patrē impio amo-
re exarsit. Cæterū nullam explendi sui desi-
derij rationem inueniens, vitam laqueo finire
constituit. Quam in cubiculo suspensam & ad-
huc gementem, cum nutrix audiret, & causam
mortis ex ea clām quæreret, effecturam se pro-
misit, vt cum parente sine yllo infamix peri-
culo coniungi possit.

Myrtha suam fædo dilexit amore parentem,
 Quamvis à multis est adamata procis
 Huic tamen infudit scelerata libidinis ignem
 Fortiter Eumenidum de tribus vna soror.
 Ut patre cum Cynira vetit. concumbere lecta
 Vellet, & infamæ se maculare toro,
 Vulnus alit venis rabidos vix opprimit æstus,
 Nec requiem placida nocte soporis habet.
 Sape pater dixit, tibi delige nata maritum
 Quem cupis, hunc ipsum me tribuente feres.
 Hæc silet, ac tepidis suffundit lumina guttis,
 Aestuat, & sceleris conscia mente furit.
 Post ubi lascivos planè desperat amores,
 Molitur laqueo stringere colla sibi,
 Appendit zonam summo de postere iunctam,
 Chære pater dicens, iam moritura vale.
 Verborum strepitum nutrix audiuit, & illam
 Friprens, instans mortis abegit onus.
 Cumq; parente novam Venerem promisit eidem.
 Fact, ait, votis ut potiare tuis.

ALLEGORIA.

Exemplum terti proponitur illud amoris,
 Discat ut incastum quisq; cauere scelus:
 Nam natura vetat se tam fœdare nefando
 Crimine, sunt furia talis origo mali.
 Instillat Sathanas diros in corde furores,
 Nec cadit in iustum culpa scelusque Deum.

Myrrha cum parente concumbit. X.



A Nus Myrrhae nutrix, singularem quandā viam excogitavit, qua patris amore filia potiri posset. Accidit autē, vt mater eius die solenni, primitias offerēs Cereri, à viro ceu moris erat, secubaret: Myrrhā igitur anus noctu ad parentem Cinyram in lecto cubantē (forma eius vt alienae puellae, multū prius laudata) introduxit: qui postquam cum ea rē habuit, lumen concubinae inspiciendae gratia sibi afferri iussit, filiam autē esse cernēs, stricto gladio eam insecutus est, donec è manibus eius, noctis praedio elaberetur.

ENARRATIO.

Festa dies aderat multo solennis honore
 Qua Cereri matres sacrificare solent,
 Perque nouem Veneris vitant consortia noctes
 Has inter coniux regia prima fuit.
 Ergò dum socia Cinyra iam strata carebant,
 Infandos nutrix est meditata dolos.
 Inq; nouos regem miserè traduxit amores,
 Munere cum Bacchi fortè grauatus erat:
 Nam facie pulchram mentitur adesse puellam,
 Ad se quam Cinyras feruidus ire inber.
 Producit Myrrham nutrix iam nocte silenti,
 Ignari thalamos qua genitoris adit.
 Lumen abest lecto, nox atra cubile recingit,
 Adde quod hoc facinus Luna vel ipsa fugit:
 Clara tégunt pariter nigrantes sydera nubes.
 Cum patris ascendit filia sæda torum.
 Visceribus sed ubi Cinyras sua viscera nate
 Miscuit, & dictu turpe patrauit opus,
 Crimine detecto Myrrham petit ense nitenti,
 Effugit hac patrias lata per arua minas.
 ALLEGORIA.

Flagitiis hominum cæli turbatur imago,
 Nec facies astris forma priórque manet.
 Machina terrestris scelus ob crudele tremiscit,
 Sapius & gemitus dant elementa suos.
 Talia sed cuius tanguit spectacula mentem:
 Hæc vetus antiquo tramite currit homo.

Myrrha in arborem. XI.



MYrrha parentis iram euitans, in Sabæam peruenit, quæ cum se gravidam incesto cōcubitu sentiret, tam vitæ fastidio quàm mortis metu est affecta, & crimen suum palàm cōfessa, Deos obnixè rogauit, vt neque superstes viuos neque mortua extinctos, offenderet. Hæc igitur ab iis exaudita in arborem Myrrham euasit. Infans autem Adonis cortice adhuc inclusus, à Nymphis post natiuitatem suâ, propter egregiam corporis formam, est enutritus.

ENARRATIO.

MYrrha patrem fugiēs, tandem tellure Sabæa
 Ventre diu portans fessa quieuit onus.
 At necis vt paucor hanc miserandaque tadia vite
 Afficiunt, sic est ore precata Deos,
 Numina peccauī fateor, nec trīste recuso
 Supplicium, grauidus iam mihi partus adest.
 Ergo mihi vitam mortēque negate supremam,
 Lux ingrata manet, mors mihi dura venit.
 Hec ubi dicta citò, ruptos incurua per vngues
 Porrigitur radix ossaque robur habet.
 Fortiter excrescunt in magnos brachia ramos,
 Decolor in succos deniq; sanguis abit:
 Exteriōrque cano duratur cortice pellis,
 Arboris Et speciem Myrrha puella gerit.
 Dehinc patre conceptus sub robore nascitur infans,
 Cui Lucina suas admonet ipsa manus,
 Vt prodire queat duro de cortice fatus
 Integer, en rīmas protinus arbor agit.
 Egrediēsq; puer vagitus edit amarus,
 At vice Naiades hunc genitricis alunt.

ALLEGORIA.

Myrrha velut sanctis placat pia numina votis,
 Nec pro commissō crimine tota perit:
 Sic peccator homo sua qui malefacta fatetur,
 Haud plarido Christi munere prorsus obit.
 Dum modo quas meruit pœnas non ferre recuset,
 Deijcit Et tollit rursus ad astra Deus.

Venus & Adonis. XII.



ADonis ex incæsto Cyniræ & filia eius Myrrhæ concubitu natus, tātæ fuit pulchritudinis, vt eius amore Venus ipsa (Cupidinis beneficio) caperetur, vtque diutius illius consuetudine frui posset, vnâ cum conuentionibus indulgebat, ac præcipuè fugacia sequebatur animalia, feras autem armatas vitabat, Adonimque, vt sibi ab iisdem diligenter caueret, fidelissimè hortabatur.

ENARRATIO.

Excrefcit Myrrha de cortice natus Adonis,
 Aptaq; formoso corpore membra gerit:
 Fit puer egregius, nec eo prestantior alter,
 Diligit hunc miris & Cithærea modis,
 Ac iuuenis fequitur tacitis veftigia plantis,
 Propter & hunc alto labitur vſq; polo.
 Hunc amat, huic denſis comes eſt amathuſia ſylvis,
 Dum gaudet pauidis tendere linâ feris:
 Per dumos eadem frutices & ſaxa vagatur
 Lata, gerens habitus caſta Diana tuos.
 Venatur Damas agiles in retia cernos,
 Pellit & in lepores excitat vſque canes.
 Illa tamen prudens à fortibus abſtinet apris,
 Nec gaudet ſe nos exagitare lupos.
 Vitat & horrendis armatos vnguibus vſos,
 Hoc vt idem facias te quoq; Adoni monet,
 Illius & caueas temerarius eſſe periclo,
 Impetus eſt magnis irâque vaſta feris.

ALLEGORIA.

Milia per totas pereunt animalia ſylvas,
 Et capiunt paruas retia tenſa ſeras:
 Vix tamen eſt auſus venator adire leonem,
 Sæpius enadunt lynx, aper, vrsa, lupo,
 Sic humili, iuſtus, ſimplex & fraudis egenus
 Semper in hoc variis tunditur orbe malis:
 Sed truculentus homo, polypragmon turpis et effrõs
 Vi ſuperans alios cuncta licenter agit.

Atalanta

Atalanta & Hippomenes. XIII.



A Talanta Schoenoei regis in Scyro filia, pedum agilitate præstans, oraculū de matrimonio cōtrahēdo cōsultuit, quod ei respōdit, ut à cōiugio prorsus abstineret. Cum autē multi proci eā ambirent, hac lege cū ipsis cursu certavit, ut is à quo victa foret, illius coniux esset quem verò ipsa superaret, mortis discrimen subiret. Plurimis igitur à virgine devictis & occisis, tandem Hippomenes Megarei filius, ex progenie Neptuni, cum ea in certamen descendit, & ope Veneris victoriam reportavit.

ENARRATIO.

Virgo fuit præstans celeris certamine cursus,
 Fertur pernices qua superasse viros.
 Filia regis erat specie pulcherrima Schænei,
 Vxorē multū quam petiere proci:
 Posse suū fieri quēquā negat illa maritum,
 Nī cursus acri victor agone foret.
 Præmia velocem coniux thalamique manebant,
 Mors tardis præcium: Lex ea lata fuit.
 Venit ad hoc pactum confidens turba procorum,
 Vincebat celeri quos Atalanta pede.
 Hippomenes claro tandem de stemmate prodit,
 (Numine commotus sic Cytherea tuo.)
 Aurea nam secum tria poma gerebat amantis,
 Inter currendum quæ cecidēre sinu.
 Hæc dum virgo cupit sibi tollere, præterit ipsam.
 Hippomenes, palma debita dona ferens.

ALLEGORIA.

Cui Schænei sobolem cursu tria poma retardant,
 Ne pedibus metam tangere prima queat:
 Sic hominis tria sunt oblectamenta salutis,
 Quæ prohibent rectum ne peragamus iter:
 Delicia molles, lucri scelerata cupido,
 Sollicita q̃; fugax ambitionis honor.
 Hæc quoties sequitur, mundanaq; præmia captat,
 De vitæ cursu tramite flectit homo:
 Vincitur à Sathana, qui munera talia nobis
 Proicit, ut cæli præripatur homo.

Hippomenes & Atalanta in
leones. XIII.

Hippomenes cū tribus malis aureis de se projectis, Atalantā in cursus certamine præpediret, victoriā obtinuit. Verū quia ingratus aduersus Venerē Deam est inuētus, vnā cū uxore improbitatis ac sceleris sui poenas dedit: Nam postquā impulsu eiusdē Deæ lucum matris Deorum ambo trāsgrediuntur continere affectus suos non potuere, quin omni religionis cultu posthabito, in loco sacro conumberent, quamobrem à Dea in leones sunt commutati.

ENARRATIO.

Hippomenes ductu Veneris sua dona reportat,
 Ast ingratus ei thura nec vlla dedit.
 Hunc igitur contra subitam Dea concipit iram,
 Vltro post sequitur non fugienda scelus.
 Cum consorte tori pulchra Megareius Heros
 Transibat matrì templa sacrata Deum:
 Sed non affectus poterant cohibere pudendos,
 Turpis & illorum cor stimulabat amor.
 Concumbunt vna tacito prope sana recessu,
 Qui locus est prisca religione sacer.
 Heu sanctam maculant adem Divisq; dicatam,
 Nec vetito dubitant se temerare probro.
 His offensa dolet mater veneranda Deorum,
 Mergat & in stygios ambigit hosce lacus.
 Pœna placet leuior, veterem mutare figuram
 Scilicet, & vultus attribuisse novos.
 Vertitur in sauos citò corpus utrunq; leones,
 Tempus & in sylvis fœmina virq; trahunt.

ALLEGORIA.

Qui benefacta Dei fida non mente recondit,
 Haud est humano nomine dignus homo.
 Immemores igitur sua tandem pœna coercet,
 Flagitium nec enim fœdius esse potest,
 Quam non pro merit is dignas persolvere grates,
 Et tamen hoc latè crimen ubique patet:
 Maxima pars orbis malè nunc benefacta rependit,
 Mens levis est hominum gratia prisca perit.

Adonis in Anemonem florem. XV.



ADonim Cinyræ & Mirrhæ filium, Venus, quem summopere diligebat, in venationibus fideliter admonuit, vt à feris armatis & truculentioribus abstineret. Is autem adhortationes hæcce parùm curans, ad aprum propius accessit, & ab eo circa inguina sauciatus occubuit, cuius cruor deinde eiusdem Dææ beneficio, in florem purpureum, quem Anemonem nominât, est conuersus.

ENARRATIO.

Hortatur Cytherea seras ut videt Adonis
 Pectora, qua telis opposuisse solent:
 Ille sed à monitis aures auertit, & hirtum
 Aggressus valida cuspide tangit aprum,
 Excutit incuruo cito sus venabula rostro,
 Ictibus & dentes obiicit usque suos.
 Post ferus insequitur multis conatibus hostem,
 Ac iuuenis frendens inguina ledit aper.
 Et corpus fulua moribundum sternit arena,
 Conspicit ista dolens aëre vecta Venus,
 Exanimemq; suo voluentem membra cruore
 Cernit, dum calido sanguine fœdat humum:
 Desilit è cælo Dea tundens pectora palmis,
 Tristitiaq; suas dilaniata comas.
 Ne tamen omnino iuuenis monumenta quiescant
 Sanguis habet floris nunc simulacra rubri.

ALLEGORIA.

Difficiles tentat quicumque subire labores,
 Et supra vires grandia cœpta mouet,
 Ille suo capiti clades accersit amaras,
 Quod tua mors nobis pulcher Adoni probat.
 Ergo sibi caueat minor irritare potentem,
 Nam constat longas regibus esse manus.
 Res cadit haud adeò bene sollicitare tyrannos,
 Si quis & abiecto gaudet adire metu.
 Ales fulminiger pacatos vincit olores,
 Nec frustra miluum parua columba timet.

FINIS LIB. X.

OVIDII METAM.

LIBER XI.

Orpheus à Bacchis mulieribus
interficitur. I.



ORpheus Oeagri fluminis & Calliopes filius, mulierum consuetudinē post amissā Eurydicen prorsus aspernabatur. Quam ob causam Threiciæ mulieres, Bacchi sacra celebrantes, ipsum in ferarum cœtu cantantem, easque suauiter demulcentem, magno cum impetu inuasērunt & membra eius dilacerantes, de sua immanitate non prius destiterunt, quàm ipsi omninò vitam adimerent: & crudelē interitum afferrent. *S' m j*

C Armine cum longo sylvas vulceret opacas
 Threicius vates, saxa ferasq; trahens,
 Et post Eurydicen viduam sine coniuge vitam
 Transigeret, sithara cadia mœsta leuans:
 Ecce nurus Ciconam furiis inmanibus acta,
 Fata viro properè sanguinolenta parant,
 Pellibus armata circum precordia duris,
 Orphea de summo vertice montis agunt:
 Ex quibus una ferox robustis viribus hastam
 Firmiter in vultus vatis & ora iacit.
 Altera post lapidem mittit, sua quelibet arma
 Cestat, et in miserum, vi petulante ruit:
 Fit strepitus inunctæ poscunt ad funera vatem,
 Qui frustra duplices tennit ad astra manus:
 Nec prius absistunt ictus geminare feroces,
 Quàm de patienti spiritus ore fugit.

ALLEGORIA.

Esse docet, nullum sic implacabile monstrum,
 Fabula, quàm mulier mota furore suo.
 Quæ neq; sermonis dulcedine flectitur vlla,
 Nec finit effusas pondus habere preces:
 Sapius horrendo rapidum mare vertitur aestu,
 Salsaq; ventosis fluctibus vnda tumet,
 Iguis et ad cœlos flammis crepitantibus exit,
 Absumens villas oppida, rura, pagos,
 Tâta sed hæc nunquã portant incommoda, quantũ
 Exitij vecors fœmina ferro solet.

Lyram & caput Orphei He-
brus excipit. II.



Orpheum à Bacchis mulieribus crudeliter interfectum, Nymphæ, arbores, saxa, feræ miserandum in modum deflebant. Mulieres autem indignatæ, caput eius à membris auulsum, vnà cum lyra in flumen Hebrum profecerunt, quæ cùm in mare, & hinc in insulam Lesbos, delata essent, serpens quidem horribilis caput Orphei dilaniaturus, ab Apolline in saxū conuersus est,

ENARRATIO.

VAtis Apollinei postquam miserabile corpus
 Manades atroci diripuerunt manu:
 Illius interitum silices, mœstaq; volucres
 Et frondes nemorum funera seua dolent.
 Plurima depositis luget quoque frondibus arbor,
 Augentur lachrymis flumina quaque suis.
 Naiades et ventis præbent diffundere crines,
 Dum vatis sparsim membra iacere vident.
 Post caput atq; Lyræ circumflus excipit Hebrus,
 Ambo quæ Lesbî litus ad usq; natant.
 Obstitit hic serpens, sparsosq; cruore capillos
 Lambit, & in vultus oraq; tota ruit,
 Conaturq; caput rabido direllere morsu,
 Sed mox propicio numine Phœbus adest.
 Mutat & in lapidem corpus lethale draconis,
 Trux & adhuc victus pandit imago suos.

ALLEGORIA.

Ora velut vatis morsu laceravit acuto
 Serpens, qui silicis nunc monumenta gerit:
 Oblatratores sic inveniuntur amari,
 Qui bona non raro carpere scripta solent,
 Vulsificoq; sacros arrodunt dente Poëtas,
 Nil tamen hi dignum promere laude queunt.
 Innumeros reperis qui non maledicere cessant
 Immeritis: tantum luida lingua valet.
 Sæpius hæc nomen lædit, fama q; bonorum
 Detrahit, ac veluti lethifer anguis obest.

Optio Midæ. III.



Midas, Phrygiæ Rex, Silenū Bacchi famulum à rusticis captū, sibique traditum, Baccho reddidit, ob quod beneficiū operandi facultatem à Deo consecutus est. Cum igitur rex, ut quæcunque attrectaret, aurum fierent, petiisset, voti compos est redditus: & quicquid attigit, aurum euasit, adeoque cib⁹ & potus, ut nihilo amplius vesci posset. Tandem stultitiam suam agnoscēs Midas, à Baccho iussus est se totū in flumine Pactolo lauare, hinc aqua illa aurei coloris esse cœpit.

ENARRATIO.

Sikenum Bacchi famulum gens rustica quondam
 Cepit, Et hunc regis traxit ad ora Midæ:
 Reddidit at seruum inueni dux mitis alumno,
 Munera qua Bromio grata fuere Deo.
 Accipit hinc aliud donum Berecynthius heros,
 Optandiq; viro copia plena datur.
 Corpore quicquid (ait) tangam vertatur in aurum,
 Hac rogo sit voti portio certa mei.
 Annuit optatis Liber, meliora sed illum
 (Cui nihil obstiterat) non petiisse dolet.
 Succedit votum Regi, sed munera demens
 Aurea contactu fert nocitura sibi:
 Namque cibus vacuam nullus descendit in alvum,
 Acradians aurum potus & esca fuit.
 Ergo petit primis Phrygius contraria votis,
 Et sua pactolo flumine membra lauat,
 Eluit hic crimen Baccho monstrante nefandum,
 Rursus & in ventos optio turpis abit.

ALLEGORIA.

Ante Midas oculos regem proponit auarum,
 Feruida multarum quem fitis vrget opum:
 Hoc vitium late constringit ubique potentes,
 Pythion hand impar sollicitauit amor.
 Cælitus at Solomon optandi munera nactus,
 Non petit immensas quas amat orbis opes,
 Ut mentem potius sapientia vera gubernet,
 Orat Et à Domino munus utrinque tulit.

Midæ aures in Asininas. IIII.



Midas facultatem auri efficiundi, opésque perosus, in sylvis degebat, Panáque pastorum Deum colebat, qui cum fistula inuenta, sibi multum Nymphis placere videretur, Apollinem in certamen prouocauit, Tmolo montis Deo, iudice constituto, a quo Apollini victoria aliis omnibus assentientibus, est attributa, id autē scelus Midas pro sua stultitia improbare ausus est. Qua re Apollo offensus, Midæ aures in asininas conuertit, vt eius stoliditas omnibus innotesceret.

Ortio stulta Mida dum nil prodesset, opaca
 Quæ fuit nemorum lustra, perosus opes.
 Pana Deum reperit pastorem, carmina Nymphis
 Iactantem, variis quæ sonuere modis.
 Ausus erat Phæbi præ se Pan spernere cantus,
 Hinc ad certamen promptus uterque venit.
 Iudice sub Tmolio pariter contendere gaudent,
 Sed palma victor premia Phæbus habet.
 Omnibus Et Tmoli sententia lata probatur,
 Obtuso solum displicet ista Mida:
 Humanas igitur perdit Berecynthius aures,
 Quas in rege Deus non tolerare potest.
 Inq; nouam Phæbo placet has mutare figuram,
 Repletas villis instabilesq; facit.
 Exurgunt aures tardè gradientis aselli,
 Corporis at retinet membra priora Midas.

ALLEGORIA.

Competit in stupidos & auaros fabula reges,
 Esse quibus cordi Musica vera nequit:
 Nanque bonas spernunt indocti turpiter artes,
 Nec studiis hilariter mente fanere solent.
 Plus apud hos aurum quam sacra scientia potest,
 Sincera stolidi dum rationis egent.
 Barbaries hodie plus quam doctrina salubris
 Efficit, & Musis parvus habetur honos.
 Ingenium mundi crassum malus occupat error,
 Et latet humana mens asinina cute.

Neptunus & Apollo. V.



Apollo & Neptunus, cū Laomedonta regem Troiæ, filiū Ili, mœnia vr̃bis ædificatē viderent, in humanā conuersi speciem aurum prius cum eo paciscētes, se opus quā citissimē absoluturos, promiserūt. Perfectis autem mœnibus pactiōem initā Laomedō prorsus negavit, hoc Neptun⁹ indignē ferens, diluuium agris Troianis immisit, Regemque, vt filiam suam Hesionem beluæ proiiceret marinæ coegit. Qua liberata ab Hercule, denuo fraudulentus est repertus, ideoque Hercules illum expugnauit.

ENARRATIO.

Moliri postquam Troia noua mœnia Phœbus
 Neptuno iunctus Laomedonta videt.
 Cœptaq; difficili surgunt immensa labore,
 Auxilium desert promptus vterq; suum.
 Humanam pariter ficta sub imagine formam
 Sumunt, & regi mœnia celsa struunt.
 Atamen ex auri pacto labor iste subitur,
 Ecce breui magnum tempore stabat opus.
 Rex precium negat, & verbis periuria miscet,
 Vltio perfidiam mox comitatur atrox:
 Nam Nereus conuertit aquas ad littora Troia,
 Argolicosq; vago flumine perdit agros.
 Poscitur equoreo regis quoque filia monstro,
 Herculis at forti salua fit ipsa manu.
 Qui dum victor equos repetit pro munere dictos,
 Laomedon simili prœmia fraude negat,
 Hinc capit Alcides periura mœnia Troia,
 Cumq; suis urbem depopulatur ouans.

ALLEGORIA.

Haud celare queunt homines periuria falsi,
 (Cuius sunt oculis cuncta reclusa) Deum,
 Neglectamq; fidem sequitur sua pœna tyrannum,
 Vltio seu Phrygiū sanguinolenta petit.
 Inuenies hodie periuros vndiq; multos,
 Pollicitis alios qui recreare solent:
 Ast vbi sunt tandem confecta negocia, seruis
 Reddere mercedem, quam meruere, negant.

Pelens

Peleus & Thetis. VI.



Proteus Deus marinus & vates, cum Thetidi Chironis filiae praedixisset, si viro nuberet, fore ut natum parente suo fortiorē pateret. Iuppiter cum ea concumbere non ausus Pelaeum nepotem suum ad eius amorem incitavit. Is igitur virginē in specu iacentē amplexus primum spe sua frustratus est, nunc enim in volucrem, nunc in arborem, nunc in Tygrim se Thetis transformabat. Tandem verò consilio Protei, vinculis eam ligans arctēque tenens concubitu Nymphae potitus, ex ea Achillem Graecorum fortissimum progenuit.

ENARRATIO.

Proteus equorea Thetidi prädixerat olim,
 Edens fatidico talia verba sono:
 Concipe, nam natum paries, cui fortibus armis
 Acta sui dabitur vincere magna patris.
 Inppiter idcirco Nympha connubia vitat,
 Quamvis sub calido pectore flagret amor:
 In sua sed mandat succedere vota nepotem
 Pelea, qui promptè perficit illud opus,
 Inq; specu Nympham (dum victa sopore iacebat,)
 Obruit, & manibus colla retorta premit:
 Illa sed in varias ibat mutata figuras,
 Nunc fera, nunc volucris, nunc gravis arbor erat.
 Territus Æacides diuos in vota vocabat,
 E medio Proteus gurgite mersus, ait:
 Cum post Nympha Thetis sopita recubet in antro,
 Illius laqueis crura manusque liga.
 Nec te decipiat multis mutata figuris,
 Sollicitè digitis sed preme quicquid habes,
 Paruit his Peleus, Nymphæque petitus, Achillem
 Progeniuit, quo non Hellade maior erat.

ALLEGORIA.

Pressa sopore Thetis media cum nocte quiescit,
 Surripitur vincula virginitalis honor:
 Sic homo dum genio, ventris crassoque veterno
 Indulget, Sathana fune ligatus obit.
 Dissulsis igitur cecis de mente tenebris,
 Ad vocem sponsi nos vigilare decet.

Chione à Diana sagittis confossa. VII.



P Eleus fratre Phoco occiso, in exilium eiectus, ad Ceycé Trachinis, vrbis Thesaliæ regem, miserandum Dædalionis fratris casum lugentem, confugit. Nam Dædalion Luciferi filius Chionem habuit filiam, quæ cum ex Mercurio Autolyce, & ex Apolline Philamnonē peperisset, Dianæ forma se præferre ausa est Dea igitur indignata, eā sagittis confecit, cuius mors Dædalionē tanto dolore affecit, vt seipsum ex Parnasi mōtis vertice, in mare præcipitem daret, ope autem Apollinis in accipitrem est conuersus.

E N A R R A T I O .

Nomine Dadalion fuerat dux Thessalus alto
 Stemmata, Lucifero de Genitore satius,
 Acer erat bellis ad vimq; paratus & arma,
 Ipsius Et placuit filia mille procis,
 Hanc pariter Phœbus, Maiâque creatus amavit,
 In Chionémque potens arsit uterq; Deus:
 Quæ simul amborum geminos de semine sætus
 Concipit, hósque suo tempore lata parit.
 Editur Autolycus primo, sequiturque Philammon,
 Vnâque producit corpora bina dies.
 Obsuit at Chione partus, quia turgida fastu
 Contempsit formam pulchra Diana inam.
 Hinc Dea mota ferox odium concepit, & arcum
 Intendens, manuum spicula torsit ope.
 Lethalis linguam mox figit arundo superbam,
 Effuso pariter vita cruore fugit:
 Dadalion nata fortunam luget acerbam,
 Tædia nec lucis sustinuisse valet:
 Vertice Parnasi præceps se mittit ab alto,
 Accipitrem Phœbus quem citò fecit anem.

A L L E G O R I A .

Exitium raro ventosa superbia vitat,
 Et sua grandiloquus premia fastus habet.
 Os certè tumidum Deus execratur & odit,
 Nos veluti Niobes fata docere queunt,
 Turgida quapropter sul mittit e corda superbi.
 Sæpe fit ut turris fulmine tacta ruat.

Lupus in faxum. VIII.



A Netor armentorum custos , quem Peleus ad Ceyca regem Trachinis adduxerat , refert quo pacto lupus horribilis, cui nemo resisteret aufit, & homines & armenta crudeliter interimat. Intelligens autem Peleus , hoc sibi Psamantes Nymphæ marinæ ira (quod Phocæ ex ipsa, & Aeaco genitum interfecisset) accidere, suppliciter eam rogauit, vt de luppo pœnam sumeret: Factum est igitur vt illa Thetidis etiâ precibus mota, feram in faxum commutaret.

ENARRATIO.

Purima Lucifero genitus miracula narras
 Eacida, suasit cui sua culpa fugam.
 Quidum fortè diem vario sermone trahebant,
 Armenti pastor tristis Anetor adest:
 O Peleu, Peleu venio tibi nuncius (inquit)
 Cladis inaudita mens mihi plena metu.
 Sol ubi iam medius paruas effecerat umbras,
 Irruit in nostrum bellua vasta gregem.
 Nempe lapius rabido seuissima guttura pandens,
 Qui miseros anido deuorat ore boues.
 Pars quoq; de nobis lethali saucia morsu
 Occidit, & tutus viuere nemo potest.
 Extemplo Peleus Psamantes colligit iram,
 Prolis ob interitum tanta tulisse mala.
 Ergò sibi donis Nympham, votisque benignam
 Reddit, & abiecta mente precatur opem.
 Flectitur ad veniam Dea, prasidiòque rogantem
 Munus, & in rabidum vertitur ira lupum:
 Ne pariter posthac hominèsque gregèsq; trucidet,
 Protinus in saxum belua grandis abit.

ALLEGORIA.

Ceulupus hic raptat pecudes, stragémque nefandam
 Edit, & in totum seuit ubique gregem:
 Sic hominem facinus, quicumque patrauit iniquum,
 Conscia mens sceleris nocte dieque ferit.
 Et secum diris gestant in cordibus hostem,
 Innocuo quibus est sanguine tincta manus.

Ceyx naufragio perit. I X.



CEyx Luciferi filius, fratris casu sollicitus, ad Clarium oraculum consulendum iter cū institueret, diu ab Halcyone vxore eius detētus fuit: rege autem promittente, se intra duos menses reuersurum, à coniuge veniam eundi consequitur. Verū in ægeo mari Ceyx graui orta tempestate, naufragiū fecit: diūque in aquis tabulæ adherens, suæque saluti consulere volens, accrescentibus vndis miserè tandem extinctus est.

T. iij.

ENARRATIO.

Fratris ob interitum turbatus pectora Ceyx
 Responsum Clarij tentat adire Dei.
 Ora sed Halcyones lachrymis maduere profusis,
 Hanc etenim tristis terret imago freti.
 Rex tamen vrget iter, naues simul iussit altas,
 Iurans ad patrias velle redire domos,
 Antè senescentem quàm Luna bis impleat orbem,
 Vxorémque bona mente valere iubet.
 Vix famuli curuas soluunt à littore puppes,
 Mox tonat horrifonis fluctibus omne fretum,
 Partibus oppositis nigricanti turbine venti,
 Vndiq; concurrunt et fera crescit hyems.
 Fit fragor vndarum strepitu pontusque procellis
 Personat, & certum nauita nescit iter.
 Deficit ars animosq; parum fiducia firmat,
 Hic stupet, hic duplex vertit ad astra manus.
 Puppis ad extremum nimbofo turbinis astu
 Mergitur, & miserè multa caterua perit:
 Equoreis etiam Ceyx deletur in vndis,
 Halcyonemque suam mortis agone vocat.

ALLEGORIA.

Degimus expositi variis sine fine periclis,
 Nec vite nobis exitus ipse patet:
 Mors species habet innumeras fraudesque nocendi,
 Expectat lethi quemlibet, atra dies.
 Diuersa ratione tamen scedimus omnes,
 Namq; genus cunctos & necis hora latet.

Halcyone supplicat Iunoni. X.



Halcyone mariti sui Ceycis aduentū magno expectans desiderio, quia præstituto tempore non respondisset, indies maiori luctu afficiebatur, metuens, ne in nauigatione periculosa vitam finisset. Supplicabat igitur Diis, & imprimis Iunoni eamque submisit obtestabatur, ut Ceyca (qui amplius in vitis non erat) saluum & incolumen reduceret. Iuno autem Iridem ad somnum misit, qui Halcyonē per quietem Regis interitum aperiret.

ENARRATIO.

A Eolis expectans fidum Ceyca maritum,
 Anxia sollicito corda tremore grauat.
 Nescia naufragij licet attamen vsque reuoluit,
 Et secum reputat fata seuera maris,
 Dinumerat noctes crebro metámque dierum
 Computat, & reditus coniugis vnà cupit,
 Aduentúmque sibi regis promittit inanem,
 Omnibus & supplex fert pia thura Diis:
 Sed sacra precipue Iunonis templa frequentat,
 Illius & magno numen honore colit:
 Accumulatque frequens multu altaria donis,
 Irrita próque suo coniuge vota facit:
 At pro defuncto longum non diua rogari
 Sustinet, aut pauido corda tenere metu.
 Propterea pulchram velociter aduocat Irin,
 Quam iubet ad Somni limina ferre gradum.
 Nunciet is noctu mortem Ceycis acerbam,
 Quem fluido mersit funere summa dies.

ALLEGORIA.

Argento non est vxor redimenda nec auro,
 Ceu fuit Halcyone mitis amánsque viri:
 Est proba thesaurus coniux preciosáque gemma,
 Námque Dei dono non aliunde venit:
 Quod si fortè malum quatiat, casúsue maritum
 Percellat, durum suscipit vxor onus.
 Communémque dolet sortem lenítque precando,
 (Dum diuina vocat numina) saepe crucem.

Descriptio domus Somni. XI.



I Vno Halcyonem pro reditu mariti nequicquam vota facientem miserata, Iridem nunciam suam ad Somnum misit, cui mandaret, ut is per quietem Halcyonæ eadem forma & habitu, appareret, in quo Ceyx naufragium faciens, interisset. Prius autem & habitatio Somni, & triplex somniorum genus à Poëta luculenter describitur, quàm Iridis eò profectæ mandatum exponatur.


ENARRATIO.

Sunt prope Cimerios lenti penetralia Somni,
 Quæ radiis nullo tempore Phæbus adit.
 Nox Et ibi nebulas generat caligine densas,
 Non canis hîc sedem non vigil ales habet:
 Non fera, non hominis vox intonat auribus vlla,
 Sed capitur strepitu tuta silente quies.
 Riuus aquæ lethes tacito quem murmure reddit,
 In medio steriens Rex cubat ipse toro:
 Plumeus unicolor molli languore solutus,
 Quem circa passim somnia vana iacent.
 Excitas hunc Iru, placidissime sonare Deorum,
 Hæc ego Iunonis nomine iussa fero.
 Somnia mitte citò veras imitantia formas,
 Naufraga Ceycis quæ simulacra gerant,
 Halcyonem pariter doceant de sorte mariti,
 Muneris id Morpheus, rege iubente, capit.
 Exprimit hic hominum vultusq; sonosq; loquendo.
 Et superat socios strennuus arte suos:
 Non Icelon fallax, non talia Phantasos audet,
 Ergò domi famulos Rex iubet esse duos.

ALLEGORIA.

Somnia sunt hominum certis distincta figuris,
 Omnibus & vanis multa scatere liquet.
 Prasagire solent casus nonnulla futuros,
 Cœlitus Et mittit somnia sæpe Deus,
 In quibus accipiunt iusti precepta salutis,
 Non rarò Sathanas pectora nocte subit.

Ceyx cum vxore in Halcyones. XII.



MOrpheus (Somniorū genus \ Ceycis corpus repræsentans, Halcyone noctu in lecto cubanti, apparuit, & coniugis interitū nunciavit. Mane igitur regina expergefacta, ad litus unde maritus soluerat, accurrit, ibique casum Regis deslens, cadauer exangue Ceycis, fluctibus maris circumuolui eminus conspexit, ad quod cum per undas exilire vellet, in auem sui nominis mutata, & corpus coniugis in eandem volucrem masculini sexus est conuersum.

ENARRATIO.

A Emoniā Morpheus subito contendit ad urbē
 Et stetit Halcyones luridus ante torum.
 Ceycis formam referens sine vestibus ullis,
 Exanimi similis talia dicta dedit:
 Expectas auidē Ceyca miserrima coniūx
 Sed te nequicquam spes animosa fouet.
 Aspicias hīc tantum pro coniuge coniugis umbram,
 Naufragus interij corpore mersus aquis.
 Indeploratum ne me sub Tartara mittas
 Surge precor, lachrymis ora genasq; riga.
 Ingemit Halcyone, fletusq; effundit inanes
 Nocte, dehinc celeris littora mane petit.
 (Viderat vnde suum discedere mæsta maritum.)
 Spectat & in liquidis nare cadaver aquis.
 Coniugis extemplo vultus agnoscit, in aquor
 Prosilat, & gelidum tangere corpus auet.
 Ecce citō geminae volucres in flumine surgunt,
 Nomen & Halcyonis sœmina virq; gerunt.

ALLEGORIA.

Educat Alcedo brumali frigore pullos,
 Et medio nidis æquore tuta cubat:
 Namq; dies septem placidus sine turbine pontus
 Subsudet, ac venti flamina nulla cient.
 Sic inter medios Ecclesia sacra tumultus
 Nidificans, mundi sustinet agra minas,
 Et tamen illa queat latos producere fructus,
 Obtegit hanc almi cura benigna Deūm.

Æsacus in mergum. XIII.



AEsacus Priami filius, ex Alixothoe Nympha progenitus, cū amore Eperies Nymphæ captus, eam fugientem persequeretur, in culpa fuit, ut ipsa ex improviso mortem obiret: nam inter festinādum à serpente lethaliter icta interiit, cuius mors Æsaco tantū luctus & mœroris attulit, ut seipsum ex alto scopulo præcipientem daret, sed medio volatu in mergum autem Tethys Dea, filia Titanis, eum transmutavit.

ENARRATIO.

AEsacus antiquo Troum de sanguine cretus,
 Eperies blando captus amore si it.
 Oderat hic vrbes montesq; colebat opacos
 Rirus & Iliacos suenit adire choros:
 Non tamen omnino cor gestat amore rer otum,
 Fixus in Eperiem lumina namq; iacit,
 Dispersos humeris dum siccant sole capillos,
 Hunc & cerua canem territa Nympha fugit.
 Dūq; ita per frutices properat, latetanguis in herl
 Stringens lethifero virgini ore pedem.
 Occubet Eperie diro serpentis ab ictu,
 AEsacon immanis luctus & horror habet.
 Ac se precipiti saltu demittit in aquor,
 Excipit hunc miti candida Tethis ope.
 Et vestit plumis, ales de nomine Mergus
 Nasctur, in gelido flumine membra lauat.

ALLEGORIA.

Mercator fuerat gemmis pradiues & auro,
 AEsacus, historiae ceu monumenta dicent,
 Cui mēces olim rapidis periere procellis;
 Hinc anis amissas aequore quarit opes.
 Haec igitur volucris Mergus depingit auarum,
 Qui se mundano tingit in amne frequens:
 Nam sibi thesauros perituraq; munera tantum
 Dum legit, est toto pectore fixus hursi.
 Terrenisq; bonis altè submersus, vt aulam
 Rarius ad superam corda levare queat.

OVIDII METAM.

LIBER XII.

Iphigeniæ immolatio. I.



A Chiui expeditionem duce Agamemnone in Troiam facturi, cum in Aulide sacrificarent, reliquos ibi expectantes Græciæ principes, Agamemnon Dianæ ceruam imprudens occidit. Dea itaque irata, tantam tempestatem concitauit, vt eorum classis inde soluere nequirit. Peste etiam ibidem grassante, cōsultus Calchas, respondit: hoc malum non nisi Agamemnonis filiæ Iphigeniæ immolatione tolli posse. Hęc igitur patris consensu ad aram deducta, à Diana surripitur, eiusque loco cerua substituitur.

ENARRATIO.

EXcidium Troia dum gens minitatur Achivâ,
 Aequoris & denso milite tranat iter.
 Inuia redduntur discordi flumina vento,
 Afflat & Argolicas aura sinistra rates.
 Laeferat imprudens Agamemnon fortè Dianam,
 Huius-enim fossus cuspide ceruus erat.
 Thestorides augur placari numinis iram
 Virgineo laci sanguine posse refert:
 Vt vicit pietas & publica causa parentem,
 Altari prolem destinat ipse suam,
 Nec Danaum voluit natam præferre salutem,
 Dummodo placaret victima caesa Deam.
 Haud mora, flagranti candens adducitur ara,
 Filia pro toto iam moritura grege:
 Sed Dea per nebulam squalentia lumina fallit.
 Efficit & tenerum ne cadat ense caput.
 Substituens ara, rapta pro virgine cervam,
 Sic securam necis casta puella manet.

ALLEGORIA.

Non homo propterea mortali rescitur aura
 Fractus, ut effugiat magna pericla, metu:
 Sed decet ingenuum sociis succurrere lapsis,
 Et sua pro patriâ dedere membra neci.
 Sic bonus Atrides soboli non parcat amata,
 Vnam pro multis occubuisse iubens:
 Publica priuatis excellunt commoda rebus,
 Est nihilî solum qui sibi viuit homo.

Conflictus inter Græcos & Troianos. II.



Cum fama iam in toto terrarū orbe diuulgatum esset, Græcos aduersus Troiā atrox mouere bellum, Troiani vim primo quasi impetu factam propulsantes, cum Danaū exercitu manus conserunt, & initio Protefilaū Iphicli filium interimunt: dehinc Achilles bellare strenuus huius mortem vlciscens, totis viribus in Cygnū Neptuni filium irruit, quem tamen vulnerare nullo modo potuit, omniāque tela in eum coniecta, sine effectū deuolarunt.

ENARRATIO.

Dum circum belli prænunciâ fama recentis,
 Precipit ð pennia per loca multa volat,
 Aduentumq; canit Danaûm, puppesq; Pelasgae,
 Territat & Teucrûm pectora tunsâ metu:
 Nobilis his tandem redit in præcordia virtus,
 Et subita capiant bellica tela manu.
 Depellunt hostes aditu, litusq; tuentur,
 Fortiter, & Troiæ mœnia celsa tegunt.
 Ingens fit sonitus, strident hastilibus aura,
 Intonat armorum Martes furente fragor.
 Innuadunt sese stricto pars utraq; ferro,
 Hec cadis Heclorea Protesilæ manu.
 Sustenant aciem quæ stant hinc inde phalanges,
 Terraq; multiplici funere pulsa sonat.
 Sternit & innumeros proles Neptunia Cygnus,
 Spicula cui poterant ledere nulla cutim.
 Cramine post currum viridante retorquet Achilles,
 Strennuus ense necans agmina crebra virûm:
 Nunc impune vagans Cygnû, nunc Heclorea quarit,
 Tradere quos letho sanguinolentus auct.

ALLEGORIA.

Prælia consurgunt hic Troas & inter Achivos
 Prima, sed euentus post grauiora tulit.
 Iliac donec labuntur mœnia regni,
 Et vetus excisa corruiit vrbs honor:
 Oppida celsa cadunt, quæ mista superbia luxu
 Perdidit, hæc res sunt monumenta Dei.

Cygnus ab Achille suffocatus. III.



Postquã Achilles in acie contra Troianos, Hectorem & Cygnum, qui eadem in pugna multos interfecerant, sternēdos sedulò quæsiuit tandem in Cygnũ incidit: in quem licet multa tela iaceret, nullum tamẽ eius corpori adhæsit. Achilles igitur vehementi commotus ira. è curru, quo vehebatur, defiliit: cominũsque hostem aggressus eum supra saxum præcipitatum, ense transfodit: qui deinde à patre Neptuno, ne memoria eius morte aboleretur, in albam sui nominis avem est commutatus.

ENARRATIO.

Incidit in Cygnum postquã furibundus Achilles
 Exhortatur equos appropere suos.
 Et moto torquet vibrantia tela lacerto,
 Attingunt iuvenis spicula missa latus.
 Protinus exclamat: Mortus solamen habeto,
 Quisquis es, à forti fixus Achille cadis.
 (Hec ait Aeacides, telum iaculatus ab arcu,
 Dum valida Cygni cuspide corda ferit.)
 Sed missi resonus ferri nil proficit ictus,
 Trux inuicta nimis robora iactat homo.
 Belliger irarum Pelides fluctuat æstu,
 Hostis & in corpus tela secunda iacit.
 Cum verò Cygni sine vulnere se miserat artus,
 Ut quondam clamat, nil mea dextra potes?
 Toruus est ante suis tanquam male crederet actis,
 Mutit in obstantem spicula tota virum:
 Quem sternit valido rumpens præcordia ferro,
 Cygnum deinde furens ense nitente petit:
 Vi cadit Aeacida miser (heu lapis obstitit illi.)
 Elisoq; diem gutture pressus, obit.
 Sed dum victor ouans victum spoliare parabat,
 In volucrem penna præpete Cygnus abit.

ALLEGORIA.

Qui se posse putat nullis occumbere telis,
 Errat, & indicit bella cruenta Deo.
 Nemo suis nimium nitatur viribus audax,
 Sunt hominum fragili corpora texta luto.

Cænis puella in virum. IIII.



Cænis Elati, Lapitæ filia, à multis, ob formam amabatur; sed nullum procorum cōnubio suo dignata est. Hæc cùm aliquando in maris littore deambulare, à Neptuno vi cōprimebatur: qui ei, vt iniuriæ crimen à se amoliretur, optionem concessit, vt quicquid peteret, acceptum ferret. Puella igitur illicò, in virum fortissimum trāsmutari, qui à nullo vulnerari posset, obnixè petiit. Quod cùm consequeretur, etiam mutato nomine Cæneus, virgo in bellicosissimum conuersa militem est appellata.

Ingenuo Canis formosa decore puella
 Multis est frustra saepe petita procis.
 Hac dum venis soni spatatur ad aquora ponti,
 In viridi glauco littore visa Deo est.
 Virginis illicito pelagi dux ardet amore,
 Herboso patitur vimq; puella toro.
 Sed lasciuia Deus Veneris cum gaudia cepit,
 Omnia iam dixit, qua petis ipsa feres.
 Elige quid voueas nostra secunda repulsa,
 Ambiguo Canis pectore multa putat:
 Soluit in eloquium tandem quod corde latebat,
 Des fortem fieri me peto posse virum.
 Sic ait: at Nereus seruat promissa puella,
 Membraq; confestim mascula virgo gerit.
 Vox grauiore sono de gutture promitur alto,
 Crescit & in fortem sexmina tota virum.
 Corpus item prorsus nullo penetrabile telo
 Donat ei magnus Rex domitorq; freti.

ALLEGORIA.

Mollis erat valde Canis iuuenilibus annis,
 Fingitur hinc virgo plena fuisse metu.
 Sed velut è timido tandem fortissimus exit
 Miles, & inuicta praelia Marte gerit:
 Haud aliter quondam diuini numinis aura,
 Corda dedit pauidis grandia saepe viris,
 Incere quos sanè nuquam potuerat tyranni,
 Gratia martyribus contigit ista piis.

Inter Lapithas & Centauros pugna. V.



CÆneus à Neptune amatore suo, in virum cui nullum vulnus infligi poterat, cōuersus, alios omnes præ se contempsit, insolenter robur suum iactitans, adeò vt neque Deos neque homines vllò honore afficeret. Hac autem superbia & impietate sua, Iouis iram in se concitauit. Nam in pugna à Centauris in Pirithoi nuptiis mota, multos hostium cū interfecisset, tandem à Centauris reuulsis arboribus oppressus, & à Neptune in volucrem mutatus est,

Ardaci celebrans tædæ Ixione natus,
 Conuocat Amonios, Nubigenasq; feros.
 Multiplici resonant extructa palatia cœtu,
 Atria suspensò lumine tota nitent.
 Mente canunt hilari, dapibus quoq; corda relaxât,
 Et vacuant calices ebria turba mero.
 Centaurus turpes sed rixas commouet audax.
 Eurytus ut Baccho iam madefactus erat.
 Protinus euertunt stratas conuiuia mensas,
 Et tremula stringunt arma cruenta manu.
 Fœmineus pariter tendit super æthera clamor,
 Pocula per turbas vndiq; missa volant.
 Eurytus ense cadit, stragesq; miserrima passim
 Surgit Et effuso sanguine terra madet.
 Tartareæ Caneus multos demittit ad umbras,
 Is tamen à quouis vulnere tutus erat.
 Obrutus euulsa sed tandem pondere filus
 Angitur, Et duro tempore portat onus.
 Deficit omnino fuluis Et ab agmine pennis,
 Per liquidum pernix æra tranat auis.
 A L L E G O R I A.

Centauros inter discors Lapithasq; tumultus,
 Quàm ferat ebrietas multa pudenda, docet,
 Hinc veniunt rixæ, de rixis prælia manant,
 Nec procul hinc cades plena cruoris abest.
 Ergò supernacui sunt euitanda Lyæi
 Pocula, Sobrietas pectora pura decet.

OVIDII METAM.

LIBER XIII.

Aiakis & Vlyssis altercatio. I.



A Chille à Paride interfecto, magna inter Aiacem & Vlysssem orta est contentio, vter eius armis dignior esset. Ajax igitur negotium suum primò in consessu principum Græciæ cum exponeret, Vlysssem in odiû adducere conatus, variis ignominiis affecit: Vlysses autem deinde omnia crimina sibi obiecta diluens, eloquentia sua, qua plurimum valebat, tantum effecit, vt sibi arma omnium principum consensu attribuerentur.

Fortis ut *Aeacides* *Troia* pro mœnibus alius
A *Paridis* vasta cuspide tactus erat:
 Inter acerba duces oritur contentio *Craios*,
 Qui ferat exuvias, armâq; clara viri.
 Hunc *Telamoniades* alacer sibi poscit honorem,
 Spurnens *Dulicheum* laudis amore ducem.
 Surgit, & impatiens ira proscindit *Ulysses*,
 Liorisq; nigrum virus ab ore vomit.
 Praclarumq; genus nomenq; recenset auctorum,
 Corporis & vires tollit ad astra suas:
 Horrida non fictis miscentur praelia verbis,
 Est validus bello viribus (inquit) opus.
 Respondet contrâ placidè *Laërtius* heros,
 Obiectumq; sibi diluit arte scelus.
 Quid gravis in bello proffit facundia narrat,
 Nil sine consilio facta valere docens.
 Hinc iustas *Danaûm* demulcet suaviter aures,
 Dum quid præstiterint verba diserta refert.
 Ergò *Pelida* meritò tulit arma perempti
Dulichius, portat nil *Telamone* satus.

ALLEGORIA.

Aiaces hodie multos reperire licebit,
 Aspera vox quorum nil nisi bella sonat,
 Quiq; sibi fuso quarunt in sanguine laudem,
 Sed *Marti* præstet lingua diserta truci.
 Vincit & externum sapiens facundia robur.
 Oppida consiliis nulla carere queunt.

Clypeus Achillis.

II.



T Hetis mater Achillis, cū filium suum variis expositum videret periculis, ad Vulcanum Deorum fabrum se contulit, obnixè eum rogans, vt filio arma, quibus muniretur, fabricaret. Cui ille obsecutus clypeum mirifica pictura ornatum confecit, in quo totus terrarum orbis omnes astrorum cursus, nuptiæ, iudicia forensia, item prælia & obsidiones urbium conspiciebantur. Qui deinde clypeus Vlyssi, interfecto Achille, tradebatur.

Pressa Thetis quondam curis & mole laborum
 Vulcani, lachrymis humida limen adit,
 Auxiliumq; petit nati commota periclis,
 Est Deus huic placidam ferre paratus opem:
 Protinus incurva rude versat forcipe ferrum,
 Pulchraq; robusta fabricat ara manu.
 Cudit et ingentem clypeum fornace sub alta,
 Hunc pariter mira sedulus arte notat,
 Conspicitur totus signis radiantibus asper
 Orbis, et immensi picta theatra refert.
 Exprimit obliquum rutilanti sidere cælum,
 Et claro celcres lumine solis equos:
 Concaua cernuntur crescentis cornua Luna,
 Pleiades, Cepheus, Parrhasiumq; pecus.
 Promicat Arctophylax, saevusq; coruscat Orion,
 Nec desunt magni flumina vasta freti.
 Præterea geminas insculpit Mulciber vrbes,
 Qualibet aurato signa decore nitent:

ALLEGORIA.

Pictura clypeus non illustratur inani,
 Loripedis docta sed fuit arte Dei:
 Namq; decet reges sacras ad amare Camænas,
 Et mentem studiis applicuisse bonis.
 Istæ nec in summis belli deponere curis,
 Principis est Musas nosse, supremus honor.
 Dux Macedo semper cubitum cessurus, Homerum
 Narratur capiti supposuisse suo.

Ajax sibi mortem consciscit. III.



Proceres Græcorum cùm Achillis arma V.
 lyssi, tanquam digniori adiudicassent, Ajax
 ignominia quasi notatus, & iniuria, quam sibi
 inferri putabat, accensus, iræque victus (qui ab
 aliis tamen vinci non poterat) sibi manus vio-
 lentas ipse attulit: seque suo gladio, quo pluri-
 mos antè hostes occiderat, interimit: Ex cuius
 cruore deinceps flos purpureus, similis Hya-
 cintho, natus est.

OVIDII METAM.
ENARRATIO.

AEcide postquam radiantia tela superbò
Dulichius, tali dignus honore tulit:
Mox Telamoniades irarum concipit ignes,
Quòd prærepta sibi premia tanta forent.
Et qui sustinuit quondam ferumq; Iovemq;
Haud astus animi sustinuisse valet.
Vincit Et Aiacem (nemo quem ricerat hostis)
Mæror, & in latebris pectoris ira sedens.
Hinc citò fulgentem vagina liberat ensem,
Hic meus est gladius, voce furente refert.
Hic tandem domini truculenta cade madebit;
Qui Phrygio maduit sepe cruore prius.
Aiacem nullus telo superare valebat,
Se tamen hoc Ajax ense necare potest:
Dixit, & extractum sua misit in ilia ferrum,
Quod demum nigrans expulit ipse cruor:
Iamq; madens genuit diffuso sanguine florem
Tellus, quem medio littera picta notat.

ALLEGORIA.

Est hominum fragilis, fallax perituraq; virtus;
Cœlitus elapsa ni foveatur ope.
Affert Aiaci levis hac offensio pestem,
Dux quòd Naritius premia prima tulit:
Quem prius haud poterant hostes delere feroces,
Hunc demum letho tradidit ira ferox.
Ergò sui longè victoria celsa triumphis
Est potior, nec laus altius ire valet.

Extidium

Excidium Troiæ. II II.



Vlysses postquam Philoctetæ sagittas; ipso comitante, in Græcorum castra pertulit, iisdem vrbs iuxta oraculum expugnata, & igne absumpta fuit. Tùmque horribili strage oorta Priamus ipse ad Iouis aram, ubi se tuum ore credebat, occidebatur. Denique vastatis omnibus Græci naues suas spoliis onerantes, secumque Hecubam regis Priami coniugem rapièntes, inde Thraciam secundo vento appulerunt.

ENARRATIO.

VEla dat in Lemnum victor Laërtius Heros
 Herculis ut secum tela tremenda ferat.
 Que simul ad Danaum furialia castra reuexit,
 Insidiis Graiū Pergama capta ruunt.
 Clarāque dant Troia fulgens incendia lumen,
 Effusōque madens sanguine terra rubet.
 Combibit & Priami calidum Iouis ara cruorem,
 Qui Troia quondam sceptrā superba tulit.
 Maestatur frustra tendens Priameia virgo,
 Ad calum passis crinibus egra manus.
 At nondum fumans penitus confederat ignis,
 Cum spoliis implet classis Aethiā rares:
 Aurāq; discessum suadet, ventusq; secundus,
 Et flabris Boreæ carbasa mota sonant.
 Troiades & capta iam diruta mœnia linquunt,
 Infelix Hecube lumine stillat aquas:
 Natorūmq; gemit tristissima fata reuolvens,
 Deserit & patria limina chara sue.

ALLEGORIA.

Quos ferat humanis casus mutatio rebus,
 Hostibus à Danais Troia capta docet.
 Ilion in tenues redit expugnata fanillas,
 Rex misero Priamus funere casus obit,
 Aethitur coniux peregrinis regia terris,
 Sic honor in ventos noster inanis abit.
 Talia commoueant tumidas spectacula mentes,
 Ut pauido discant corde timere Deum.

Polymestoris nequitia. V.



CUm Priamus regno suo fatale videret incumbere exitiū, & filium Polydorum rati-
 minimum multo instructum auro, ad Poly-
 mestorem Thracum Tyrannū, misit, ut si Tro-
 ia vastaretur, aliquis suorum remaneret, qui re-
 gnum collapsum instaurare posset. Polymestor
 eum simul atque urbis excidiū cognovit, auri
 cupiditate inflammatus, Polydorum interfecit:
 corpusque cadauer in mare proiciens thesauro
 iniusto potitus est.

ENARRATIO.

R Ex Troia Priamus cum iam diffideret armis.
 Ilion & Graio milite cincta foret.
 Te Polydore pater furtim commisit alendum
 Threicio, possis ut superesse, duci.
 Instruit argenti numeroso pondere prolem,
 Ut noua struat vrbs, ponere regna queat.
 Resistit ast ubi fors Teucris, Polymestor iniquus
 Aurea setuenti munera corde sitit:
 Fas malus abruptit, puerumq; trucidat inermen,
 Mittit & in liquidas triste cadaver aquas.
 Crimen & hoc scdum tolli cum corpore credit,
 Sed celare diu facta cruenta nequit.

ALLEGORIA.

Auri dira fames, & opum furiosa cupido
 Turpiter ad sceleris nos rapit omne genus.
 Proditio venit hinc, fraus, cades, furta, rapina,
 Iurgia, nec pestis tetrior esse potest.
 Spe lucri mæstis Polydorus redditur umbris,
 Inq; iuuentutis flore recisus obit.
 Munere pellicitur sic Septumuleius auri,
 Abscindit furtim dum tibi Cracche caput.
 Illud & infuso granius facit undique plumbo.
 Perfidus ut plures inde reportet opes:
 Nam caput appendit quantum cervice resectum.
 Tanta ferox auri pondera latro capit.
 Sic sceleratus amor nummi turpissima quæq;
 Perpetrat, & fidei rumpere iura solet.

Polyxena immolatur. VI.



Post euersionem Troiæ, cū Græci in Thraciam appulissent, vbi monumentam Achillis in Troia sepulti extabat, vmbra eius super tumulum visa, petiit à Græcis, vt sibi Polyxe nā, Priami filiam, quam pater ei, dū viueret adhuc, despondisset, in honorem perpetuum sacrificarent. Morem igitur Græci gerentes Achilli, puellam ad moriendū paratissimam (vt potē quæ honestam seruitutis iugo necem lōgè præferbat) ad aram ducentes, immolarunt.

Concaua dum Graci vertunt ad littora puppes
 Urbis Threicia, fissaq; membra leuant,
 Exanimum referens vultum pugnacis Achillei,
 Umbra parentali protinus exit humo.
 Inmemores nostræ quorsum virtutis Achivi?
 Cur (inquit) tumulus noster honore caret?
 Aeacida placet mactata. Polyxena manes,
 Hac Danaum tristi pectora voce monet.
 Ducitur ergo lubens ad bustum (flebilis visu.)
 Rapta sinu matris casta puella sua:
 Sed nunquam lachrymas iugulada Polyxena fundens,
 Seruili praeferit fata suprema iugo:
 Namq; Neoptolemo gladium confisat enanti
 Nunc, dicit, ferro iussa capesse tuo.
 Ac iugulum subito nudum, pectusq; retexens;
 Spontè fit Aeacida victima tristic humo.
 Stillat ibi lachrymas populus, quas virgo tenebat,
 Fletibus & flamen lumina mæsta rigat.

ALLEGORIA.

Humanum Sathanas rabiosa fauce cruorem
 (Ferali gaudens cadis amore) sitit.
 Idcirco terris manes, & spectra profundis
 Euocat, ut fuso sanguine plaudat ouans.
 Sic olim veteres lusit per sacula gentes,
 Plurima concutiens pectora vana metu.
 Sepius ut stygio dederint sua pignora letho,
 Predonis daemon munera saua gerit.

Hecuba Polydorum occi- sum reperit. VII.



Postquam cadauer Polyxenæ, in honorem Achillis à Græcis immolatae, matri Hecubæ redditum erat, illud lachrymis, quas fundebat, prius abstersum, in amne penitus purgare & abluere cœpit: Quo facto, corpus filij sui Polydori, quem Polymestor occiderat, fluctibus maris circumuagatur. Id ubi mater agnouisset, casus mœrorem quidem auxit, sed causâ interitus acerbissimi intellecta, occasionem vlciscendi Polymestoris facinus quæsiuit.

L Vclificam virgo postquam mactatur ad aram,
 Peruenit in matris casa repente manus.
 Quā genitrix multū lachrymis humectat abortis,
 Atque mœrenti nubila voce ferit.
 Oscula dat charæ soboli, laniatq; capillos,
 Tundit & admota tristia corda manu.
 Iliacæq; domus crudelia fata reuoluens,
 Me quoties, clamat, sors inimica premis?
 Quid? mea cur proles hostilia busta piavit?
 Num peperit manes tristis Achille tibi?
 Quid moror interea vultus purgare madentes,
 Et luere exhausto vulnera cruda mari?
 Dixit, & aquoreas lentè procedit ad undas,
 Mortua quo pueri littore membra videt:
 Nouit & ex templo Polydori triste cadauer
 Mater: at immenso verba dolore premit.
 Iam consternatos extollit ad aethera vultus,
 Vulnera iam nati spectat acerba sui:
 Iamq; furens motu grauius mœroris & ire,
 Vltima Threicio fata parare studet.

ALLEGORIA.

Aspice mortalis quàm sit natura dolendis
 Casibus & varia subdita sorte ueni.
 Sæpius agglomerant vasto se turbine clades,
 Fataq; vel letho nos grauiora premunt:
 Luctibus et lachrymis Hecube consumpta profusis,
 Anxiosa vitam conditione trahit.

Polymestor oculis pri-
uatur. VIII.



HEcuba, cadauere Polydori filij sui in lit-
tore inuento, non tam fundebat lachry-
mas, quàm vindicandi sceleris occasionē au-
tupabatur. Vocās igitur clàm ad se Polyme-
stora, simulat se cum ipso de thesauro collo-
cuturam: qui spe lucri cum veniret, manus ei
Hecuba, mulieribus adiuta captiuis, attulit,
eumque sæuis oppressum verberibus, sensu
videndi orbauit.

Postquam reppererat nati Priameia caninx
 Acquoreis Hecube triste cadaver aquis.
 Mærentes rapida gemitus permiscuit ira,
 Vlscisci statuens fraude doloq; nefas.
 Dissimulans igitur materno corde dolorem,
 Improba Threicij limina regis adit.
 Autorem pariter dira Polymestora cadit
 Interiora velit tecta subire monet.
 Pondera, nil dubites, gaza monstrabo reposta,
 Vt soboli (dicit) des alimenta mea.
 Odrysius subito prada confusus auara,
 In secreta venit, pollicitumq; petit.
 Irruit in faenum, dum poscit munera, regem
 Mox Hecube, matrum fisa iuvante choro.
 Euellitq; genis oculos, et verbera miscet:
 Vires nam validas addidit ira feroc.

ALLEGORIA.

Dat pœnas sceleris latro Polymestor acerbas,
 Durâq; priuatus lumine fata subit.
 Nemo diu reprobis terris impune vagatur,
 Facta brevis retegite nequitiosa dies.
 Inq; suum quæ quisq; patrat, damnosa redundat:
 Crimina, retrorsum (sorte labante) caput,
 Oedipus exilium rex florentissimus olim
 Perpetitur celso pulsus ad ima loco.
 Ob scelus horrendum furis agitatur Orestes,
 Hinc oculus vindex creditur esse Deo.

Memnonis rogi fauillæ in-
aues. IX.



CVM Memnon, Tithoni Auroræque filius,
Priamo auxilium ferens, ab Achille inter-
fectus esset, mater eius multis precibus à Ioue
petiit, ut is mortem filij aliquo honore aut sola-
tio leniret. Quod quidem à Ioue impetravit: Nā
statim aues è fauillis rogi enatæ, ac Memnoni-
dum appellationem sortitæ sunt. Solent autem
quotannis istæ auiculæ ad sepulchrum eius cō-
gregari, ubi dimicantes sanguine suo manibus
extincti parentant.

ENARRATIO.

Memnona Thaumatis pereuntē lutea natō
 Viderat, ut telo fortis Achille tuo:
 Squalida pallenti subito velatur amictu,
 Ethera signiferum nube nigrante tegens,
 Acceditq; Iouis solium Dea crine soluto,
 Curuatq; sibi poplite poscit opem.
 Non, ait, accensis fumantes ignibus aras,
 Non peto sacrificos, laudis amore dies:
 Sed precor extremum soboli da mortis honorem,
 Fortia pro patruo qui tulit arma suo.
 Iuppiter annuerat votis, monumenta peremptis
 Promittens placidē non peritura viri.
 Memnonis ergo rogas celeri dum corrui igne,
 Claraq; sublimis fumus ad astra volat,
 Protinus emergunt volucres crepitantibus alis,
 Terq; melos lato gutture dulce sonant.
 Memnonidum posthac anno labente mdebant
 Effuso domini sanguine busta sui.

ALLEGORIA.

Pugnando patrie Memnon profitetur amorem,
 Immortale sibi comparat unde decus.
 Sic etiam sacro si quis pro nomine Christi
 Occubet, illius non morietur honos.
 Mille beatorum floret per secula nomen,
 Pro Christo vitam qui posuere suam,
 Suntq; Dei proprio testati sanguine natum,
 Nobis est cuius parva cruce salus.

Æneæ pietas in parentem. X.



Postquam Troia à Græcorum exercitu capta & expugnata erat, Æneas Anchisæ & Veneris filius, Troianorumque dux præstantissimus, cum horribiliter omnia dirui, & igne vastari videret, ipsèque in extremo capitis periculo versaretur, fuga salutis suæ prospicere constituit: ac parentem Anchisen ætate confectum suis impositum humeris, nec non filium vnicum Iulum, cum dilectissima coniuge clam ex urbe eduxit, itaque totam familiam suam à mortis discrimine liberavit.

Cum ruerent flammis altissima moenia Troia,
 Vdaq; Teucrorum cade maderet humus,
 Ac pius Aeneas turbatus corde saluti
 Nequicquam posset consuluisse sua,
 Talibus Anchisen verbis affatur, et inquit:
 Cogimur heu patriam relinquere, chare parens.
 Impendent nostro suprema pericula collo,
 Nosq; premit fati tristis et atra dies.
 Ergo benigne pater, seniaq; grauate molesto,
 Te ceruice mea pondus inerme feram.
 Sors quocunq; cadet, nobis commune periculum,
 Communis pariter vita duobus erit.
 Sit comes Ascanius, coniux vestigia seruet,
 Speremus tutum numine matris iter.
 Hac ait: Anchiseq; subit venerabile corpus,
 Te quoq; parue sua ducit Iule manu.
 Deserit, et patriae limen genitore grauat,
 Cui flamma cedunt et via tuta patet.

ALLEGORIA.

Lucida sincera docet hac pietatis imago,
 Qualia sint natis efficienda piis.
 Non pudet Aeneam medios portare per hostes
 Atq; senem flammis eripuisse patrem.
 Sic naturali donata ciconia storge,
 Anchisa geniti par imisatur opus.
 Hac alit, hac tergo gestat trepidante parentes,
 Vltima confectos quando senecta premit

Polyphemus, Acis & Galatea. XI.



Galatea Nerei & Doridis filia, cū amore Acidis (quē Faunus ex Simethide progenit) iuuenis formosissimi caperetur, idēque puellam pari ardore in loco quodam secreto conuenire solebant. Polyphemus autem similiter virginem amare cœpit, & composita cantilena, mirum in modum eam commendat, si sit obsequens: sin abhorreat ab ipso, per antithesin illam vituperat. Deinceps etiam suas opes, imperium, formam, ut in se Nympham alliciat, vehementer extollit.

Acidis ardescit Calatea cupidine mira,
 Illius & iuuenis carpitur igne pari.
 Qui duo lasciva Veneris dum gaudia captant,
 Alternis dantes oscula grata genis,
 Sanguineus conspexit eos Polyphemus amantes,
 Ut viridi placidas gramine pascit oves.
 Corde repentinos flagrantis concipit astus,
 Virginis hunc visa nam simul vrit amor.
 Explicat hirsutos ferrato pectine crines
 Et barbam mento falce rapace secat.
 Multiplici pariter modulatur arundine carmen,
 Carmine quo Nympha flectere corda cupit.
 Horrescunt moti pastoria sibila rupes,
 Et crepitans clarum percipit unda sonum.
 Eximiis formam Nerines laudibus effert,
 Approbat et cunctis membra decora modis,
 Iactat opes viuo Cyclops pendentia saxo,
 Antra, bones, fructus, lanigerumq; pecus.
 Luminis ingentem quoq; predicat vnus orbem,
 Nil tamen haec laudes vota q; blanda valent.

ALLEGORIA.

Contemnit Calatea feri Cyclopis amores,
 Promissis quanquam misceat ipse preces.
 Nō tam vota Venus quā prospera fata requirit,
 Soluitur & fato iungitur omnis amor.
 Sapius hinc inopi virgo ditissima nupsit,
 Deformi pariter culta puella viro.

Acis in Fluvium.

XII.



G Alateam cū Polyphemus nec minis nec precibus, nec ullis pollicitis, in sui amorē pertrahere posset, vehementi correptus ira, ambos amantes trucidare cogitavit: Nam ē specula sua profiliens, a vulsum à monte Ætna in eundē scopulum in eos coniecit. Quo viso Gaetea proximo mari merfa est. Acis autem, qui non potuit effugere impetum, eo ad obrutus & occisus, nec non in fluvium sui nominis eodem in loco conuersus est.

Instat amans cantu Cyclops, precibusq; minisq;
 Nec Nympham precibus, nec mouet ille minis.
 Eripiam iuueni praesentis munera lucis,
 Et per aquas, inquit, viscera vna traham.
 Talia vociferans irarum concipit aestus,
 Virginis & ceco raptus amore, furit:
 Surgit, et incensus sylvarum saltibus errat,
 Ac fremit amissa ceu boue taurus amans.
 Sed mons dum sauo clamore perhorruit Aetna,
 Decidit auulsus rupe sonante lapis.
 Vigina subito perterrita mergitur vnda,
 Atq; diu vasto flumine Nympha later.
 Euitare volens fera fata Simathius Heros
 Auxilium, clamat, fer Galatea mihi.
 Saenum delabens totum tamen obruit Acin,
 Protinus in liquidas quem Dea vertit aquas.

ALLEGORIA.

Inuidiam quicunq; fouet sub corde latentem,
 Alterius damnis gaudia lata capit:
 E contra vultu si quem fortuna sereno
 Aspicit, hunc luor pectora rodit edax.
 Hos igitur nigros homines fugisse memento,
 Quisquis es, et vitam tu tibi solus age.
 Arte doloque mali, quoties non ledere possunt,
 Praebet eis facilem vis truculenta viam:
 Inq; bonos rabidi telis grassantur apertis,
 Acis ab exemplo quod docet ipse suo.

Glaucus piscator in Deum marinum. XIII.



Glaucus Antedonis filius, piscator, cū speciosos pisces caperet, eos in folio reconditos servare voluit: praeoque dū quiesceret & etia siccaret; exposuit: hi autem è foliis in mare esultabant. Vt igitur causam huius rei cognosceret Glaucus, herbam, qua fuerant reconditi, lentibus mandere coepit. Quod cū fecisset, ita natura mutata, in fretum se praecipitem ledit, & auxilio Deorum in iram inum Deum transmutatus est, qui Scyllam, Phorci filiam, potea vehementer adamavit.

OVIDIÏ METAM.
ENARRATIO.

S Cylla, maris bibula postquam spaciatur arena,
Nudâq; curuato gurgite membra lauat.
Claucus adest vise ceco correptus amore
Virginis, & placida talia voce refert,
Quid fugis infelix? (Claucum quia fugerat illa)
Non sum fluctuagi bellua dira freti.
Sum Deus aquoreus, credas, moderorq; procellis:
Mortali quondam corpore cinctus eram.
Ceruleis pariter fueram tunc deditus undis,
Piscibus ad ripam lina referta trahens.
Hos ego dum capio pendentes are recurvo,
Littora florenti gramine picta peto.
Annumerans certo squamosos ordine pisces,
Et multum viridi cespite cingo pecus.
Protinus in foliis latitans mea prada mouetur,
Membraq; vicinis viuida mergit aquis.
Obstupui pavidè, digitisq; ea gramina carpens
Dentibus arrodo pabula secta meis.
Post etiam corpus sinuato flumine mergens,
Fio Deus pelagi, qui periturus eram.

ALLEGORIA.

Ceu Claucus postquam gramen gustauit amarum,
Incidit in rapidi flumina vasta maris:
Sic homo qui lachrymis vitam deplorat acerbis,
Fluctibus aduersæ tunditur usque crucis
Enatat ille tamen letè, superatq; procellas.
Fitq; repurgato corde renatus homo.

FINIS LIB. XIII.

OVIDII METAM.

LIB. XIII.

Scylla in monstrum marinum. I.



Glaucus cū Scyllæ amore potiri non posset, Circen veneficā adiit: utque à Nympha redamaretur, artibus suis efficeret, eam obnixè rogauit. Sed Circe statim Glaucci amore capta, in ipsum exarsit, à quo spreta cū esset, omnem iram in Scyllan effudit: ac sinum, quendam, in quem Nympha descensura erat, venenis infecit quibus pubetenus in varia monstra conuersa, sibi displicuit, ac tandem in fretum Siculum desiluit, vbi in monstrum marinum transmutata est.

ENARRATIO.

Cum Glaucus nulla posset ratione potiri
 Scylla, quæ ponti gurgite mersa latet,
 Peruenit ad Circen Tyrrhena per aquora vectus,
 A quâ submissa voce precatur opem.
 Vera Dei soboles, inquit, precor aspice diuum,
 Nam mihi, quod quero, tu dare sola potes.
 Effice queso tuis, faveat mihi Scylla venenis,
 Hanc ad me dulci carmine flecte tuo.
 Illius at Circe flagranti carpitur igne,
 Inuitam dicens, cur adamare cupis?
 Tu Nympham potius spernentem sperne, volentem
 Dilige quæ pariligestit amore tui.
 Spem mihi si dederis minimam, te spontè rogabo,
 Quæ sum flammigero filia Sole sata.
 Huic Glaucus: Noster nunquam mutabitur ardor,
 Corpore dum nitido Scylla superstes erit.
 Protinus irascens pedibus terit aquora Circe,
 Ac diro magicos murmurat ore sonos.
 Inquinat & virus sinuosa volumina ponti,
 Desilit in gelidum nescia Scylla sinum.
 Cuius fœdantur furibundus inguina monstros,
 Quæ tamen & mediis illa coerces aquis.

ALLEGORIA.

Qui magicas animo dubitanti consulit artes,
 Agglomerat capiti nil nisi damna suo.
 Hoc etenim Sathanas mortalia decipit astu
 Pectora, quæ clare turbida lucis egent.

Polyphemus Vlyssis socios
deuorat. II.



A Chæmenides Vlyssis comes, in antro Cyclopi, cui Vlysses oculum dormienti effoderat, à sociis relictus, Polyphemi tyrannidem, quam in hospites exerceuerat, cominus aspexit, & per tres menses in Ætna monte, herbis & glandibus tantummodo vescens, delituit. Ab Ænea autē præternauigante (cui supplex erat) inde auectus, & ita velut è faucibus Cyclopiis ereptus fuit.

ENARRATIO.

Cum iam Cyclopi lumen terebrasset Ulysses
 Dulichius, ventis vela secunda dedit.
 Sed socios vasto quosdam reliquit in antro,
 Qui post Cyclopi praeda fuere truci.
 Solus Achaemenides inter deserta ferarum,
 Euasit vivens ultima fata, miser.
 Illi dant epulas vulsis radicibus herba,
 Dum sub virgultis corde tremante latet.
 Sanguine qui cernit Polyphemum vescier atro.
 Morsibus et socios dilaniare suos,
 Vtq; crepent, audit, tepidi sub dentibus artus,
 Faucibus et rursus frustra cruenta vomat:
 Hos ubi conspexit fœdatos sanguine rictus,
 Membra timore graui diriguere viri.
 Sed longo Phrygiam vidit post tempore puppim,
 Illi qua dubiam spemq; metumq; tulit.
 Propterea supplex palmas ad littora tendens,
 Hinc me, clamauit, tolle Pelagusa manus.
 Rumpe moras, celerique fuga tibi consule naus
 Hunc capit, et tranat per vada salsa viam.

ALLEGORIA.

Ceu Polypheme tibi lumen terebrauit Ulysses,
 Sic hodie multis lux rationis obit.
 Hinc oculis mentis ratio diuina vocatur,
 Virtutis rectam quæ docet ire viam.
 Sed tamen effoditur prauis affectibus illa,
 In tenebris titubabat tunc miserandus homo.

Vlyssis socij in porcos. III.



Vlyssis socij varia loca perlustrantes, tandem ad Circen peruenerunt, à qua liberaliter sunt excepti. Ea poculum mirificis pharmacis repletum hospitibus porrexit: quo hausto, omnes, præter vnicum Eurylochum, in porcos mutabàtur. Vlysses igitur valde iratus, Circen stricto inuasit gladio, quem eodem modo decipere conabatur. Is autem remedio à Mercurio accepto tantum effecit, vt socij eius in pristinam formam restituerentur.


ENARRATIO.

Dulichij comites tendunt ad mœnia Circes,
 Et magica subeunt tecta superba Dea.
 Quis fecere metum, primo dum limine sistunt,
 Versus, & immixtis seuæ leana lupis.
 Sed prohibent ictus famula, placidôq; Pelasgos
 Excipit hospitio diua maligna viros:
 Nam tacito nocuam versabat pectore fraudem,
 Confuse miscens hordea, mella, merum.
 Porrigit hospitibus plenos dulcedine succos,
 Quos simul ardenti turba bibere gula.
 Post tangit summos baculo Dea callida crines,
 Tristia submisso murmure verba sonans,
 Protinus horrescunt villosis corpora setis,
 Occupat et socios tetra figura suum.
 Solus at Eurylochus magicam quia senserat artem
 Nec biberat Circes pocula, saluus erat.
 Deinde sed accepto medicamine fortis Vlysses
 Mercurij socios vendicat ense suos.
 Vertit et in formam, mutata voce priorem
 Dulichij monitis diua coacta suos.

ALLEGORIA.

Vana voluptatis designant pocula Circes
 Calidia, quæ cæco corda, furore replent.
 Eximit humanam virus lethale figuram
 Omnibus, illecebras qui petulanter amant.
 Ac vero tales dicuntur nomine porci,
 Dum velut in cœno sus lutulenta iacent.

Picus in auem. IIII.



Picus ex progenie Saturni, rex Tyrreniæ
 cū in agro Laurenti crebris indulgeret
 venationibus, à Circe Dea visus, propter exi-
 miam corporis venustatem mirum in modum
 est adamatus. Is verò cū coniugis suæ, cui no-
 men Canenti fuerat, amore firmissimo deuin-
 ctus, illicitum Deæ concubitus recusaret, ab
 eadem, ob contemptum eius, in auem sui nomi-
 nis est conuersus.

ENARRATIO.

Picus ut Ausonia quondam ditissimus heros,
 Per nemus horrendis insidiatur apris.
 Venit & in densas Titans filia sylvas,
 Ut legeret pleno gramina picta sinu.
 Hac postquam vidit virgultis abdita Picum,
 Illius indomito carpitur igne Dea.
 Cursus equi vetuit, iuvenem ne posset adire,
 Hinc sibi consilium quo medeatur init:
 Fingit apri fictam speciem, quò fallat amatum.
 Protinus hic regis cursitat ante pedes.
 Quo viso Picus, prada delusus inani,
 Leuia magnanimi tergora linquit equi,
 Atque fera refugam cursu petit inscius umbram,
 Cui Dea flagranti fundit ab ore preces.
 Detegit & mentem, narratq; Cupidinis ignes,
 Sed negat vxoris Rex violare fidem.
 Proficiens Circe precibus nihil, utitur arte,
 Et Picum, facto murmure, reddit auem.

ALLEGORIA.

In vetitos Æra sui cen lactat amores
 Ausonia, blandis vocibus orsa Ducem:
 Sic falsa Sathanas eludit imagine multos,
 Ad scelerumque vaser pellicit omne genus.
 Ast homo quem tangit suprema cura salutis,
 Fœdera cum tetra Damone nulla ferit:
 Sed sponso potius Christo constanter inhaeret,
 Querit & in solo gaudia plena Deo.

Apulus in olcastrum. V.



IN Lauinia regione locus erat , quem Pan,
Mercurij filius, aliquando tenuerat, is post-
ea à Nymphis cultus est. Accidit autem vt pa-
stor quidam, Apulus nomine, iis non modò me-
tum grauissimum incuteret, verùm & procacis-
simis eas verbis & duris opprobriis laceraret:
nec prius desineret, quàm à Nymphis loquendi
priuatus munere in arborem olcastrum , quæ
succos amaros edere solet, conuersus est.

ENARRATIO.

Fertilis arboribus regio Lavinia quondam
 A Nymphis longo tempore culta fuit.
 Appulus his pastor multa ratione molestus
 Exiit, et stolido terruit ore Deas.
 Sedibus hasque suis moto clamore fugavit,
 Virginibus tristis nascitur inde panor.
 Mens tamen his rediit, neque curauere sequentem,
 Post modo, sed solitum repetiere nemus.
 Et motis hilares pedibus duxere choreas,
 Improbat illarum gaudia pastor iners.
 At Nymphas saltu petulans imitatur agresti,
 Inq; Deas audax scommata dira vomit.
 Iungit & obscænis conuicia turpia dictis,
 Aspera nec potuit verba tenere prius,
 Ingens quàm fieret baccis oleaster amaris.
 Hanc ipsi pœnam lingua proterua tulit.

ALLEGORIA.

Austeros velati fructus producit oliua
 Sylvestris, grati nilque saporis habet:
 Sit obrectator sermone redundat acerbo,
 Ac furiale suo virus ab ore iacit.
 Pestiferum superat lingua petulantia telum,
 Plusque dat exitij quàm parat ensis atrox.
 Sed cordatus homo vulgi conuicia ridet
 Improba, nec magni luvida verba facit.
 Effrenem clades sequitur certissima linguam,
 Qui sapit, is digito pressa labella domat.

Aeneæ classis in Nym-
phas. VI.

CVM Turnus Rutulorum Dux , aduersus
Troianos, quibus Aeneas præerat , bellum
gereret, tandem in classem illorum ignem im-
misit, eamque penitus exurere statuit: sed opi-
nionem atque conatum ipsius euentus fefellit.
Deorum enim mater Berecynthia , eas naues,
quia in Ida monte sibi dicato fabricatæ fuerant,
flammis absumi non est passa. Verû ingenti mis-
sa tempestate, in Nymphas marinas conuertit.

ENARRATIO.

Aeneas ubi cum Rutulis gerit aspera bella,
 Sanguineâq; madens cedere rubescit humus.
 Tecta faces infert rapidas in pinea Turnus,
 Pingua nigranti dans alimenta pici.
 Protinus accensa fumabant transtra carinae,
 Antennas ignis velâque summa petit.
 Sed parat Ideo casus in vertice flammis
 Diuorum genitrix eripuisse rates,
 Et biingis cælo transueta leonibus imbrem
 Mitit, & effusa grandine quassat aquas.
 Aduersis turbant venti concursibus aquor,
 Astraq; nunc classis, nunc petit ima freti.
 Flatibus Astrai miscent quoq; praelia fratres,
 Ne celeri puppes Mulciber igne vorët.
 Postremò crebris multum percussa procellis,
 Mutat in equoreas robora magna Deas.

ALLEGORIA.

Turnus ut accendit flamma rutilante carinas
 Anea, classis pars minor igne perit.
 Cesa sed Ideo sub vertice ligna supersunt
 Tuta, nec his vrens flamma nocere potest:
 Sic etiam Sathanas hominem virtute probatum
 Obruit, ad lethum quem rapuisse studet.
 Illius affligit corpus, bona diripit atrox,
 Ast animam nulla ledere parte valet:
 Hæc manet incolumis stirpem quia traxit Olympo,
 Regis & hanc stygij vis abolere nequit.

Aeneas

Aeneas in Deū indigetē. VII.



Venus postquam animaduertit filium suum Aeneam, variis laboribus exhaustū, ad extremum vitæ terminum peruenisse, petit à Ioue atre, vt promissorum memor, natum in numerum Deorum reciperet. Cuius precibus motus Iupiter effecit, vt in agro Laurenti, ad flumen Numitium Aeneas lauaret, & mortalitatem ablueret, intérque Deos, vt vocant, indigetis referretur.

ENARRATIO.

Troius Æneas longo iam debilis ævo,
 Diuina passim laude perennis erat.
 Tum puer Ascanius regno florebat & auro,
 Pro patre confecto sceptrâ superba gerens.
 Ergo Iouem Cytherea Venus sic voce precatur:
 Magne parens, gnato ser pietatis opem.
 Pertulit immodicos (steterant vt fata) labores:
 Iam nisi succurras, mortis ab ense cadet.
 Sit satis ad Stygias hunc descendisse paludes,
 Et semel umbrosos transiliisse lacus.
 Sit tandem quæso cælesti dignus honore,
 Clementi votis annuit ore pater.
 Caliculis placet hac eadem sententia cunctis,
 Pro nato genitrix gaudia multa capit.
 Est flumen Latij resonante Numicius vnda,
 Quò iubet Æneam membra lauare Venus.
 Hoc ubi natus agit, mortales exiit artus,
 Fertur Et Indigetis nomen habere Dei.

ALLEGORIA.

Ad cælum si quis recto contendere cursu
 Nititur, ille sibi dura ferenda sciât.
 Cogitur infernas Plutonis adire tenebras,
 Cogitur in terris tristitia multa pati.
 Hunc decet & veteres carnis deponere sordes,
 Seq; lauare sacro fonte perennis aqua.
 Nam nisi quis vna prius enascatur ab vnda
 Desuper, alia Dei regna videre nequit.

Vertumnus in anum. VIII.



Vb Proca rege Albanorum, Pomona fuit
 Nympha, hortorum diligentissima cultrix.
 Hanc cum Vertumnus amaret, in varias se spe-
 ces mutare solitus est. Illa autem refugiente
 concubitus, nouissimè in anū abiit, Nymphæ-
 ne multis argumentis persuadere conabatur, ut
 ei iungeretur: cui cum diu reluctata fuisset, tã-
 m ab exemplo Iphidis eā permouit, & in suã
 nuerfus formam, cum virgine concubuit.


ENARRATIO.

Hortorum Pomona fuit persedula cultrix,
 Virginitatis amans arboribusq; studens.
 Hanc varia teelus specie Vertumnus adibat,
 (Virginis egregius nam decor oris erat.)
 Nunc messoris habet formam, nunc militis arma,
 Nunc piscatoris lucida signa gerit.
 In vultus etiam sese transformat aniles,
 Blanditisq; Deæ corda mouere cupit.
 Illa diu vetitos multumq; recusat amores,
 Flectere nec dulces hanc potuere preces.
 Attamen exemplo tandem deuicta vetusto,
 Elibus occubuit Nympha, Cupido, tuis.

ALLEGORIA.

Hic tibi depingit Sathanam Vertumnus atrosem,
 Insidiis animam fallat ut ipse piam.
 Mille sibi sumit species, ac mille figuras,
 Vertit & in vultus ora subinde novos.
 Iam ceu messor adest, resecat quo stamina vitæ,
 Omnibus incautum qui gradiuntur iter.
 Iam venit ut miles gladio præcinctus & armis,
 Opprimat ut valida pectora nostra manus.
 Iam piscatoris faciem mentitur, ut hamo
 Nos ad tartareas pertrahat usq; domos.
 Nouit & in plures se transformare figuras,
 Sapius in Geniam lucis abire solet.
 Ac verbis nimium nobis blanditur amænis,
 Ad Phlegetonta miser dum rapiatur homo.

Iphis suspendio perit. IX.



IN insula Cipro Anaxarete virgo fuit, ex progenie Teucris, quæ forma cæteras puellas longè superabat: verum ut pulchritudo eius fuit excellentissima, sic à virorū consuetudine prorsus abhorruit. Cùm igitur Iphis eam ardentissimo prosequeretur amore, nec aditus ad virginem ipsi pateret, in tantum dolorem incidit, ut noctu ante fores puellæ seipsum suspenderit. Hæc autem inuenis funus aspiciens in saxum commutata est.

ENARRATIO.

Iphis Anaxareten Teucris de sanguine cretam
 Ardet, et inflatum pectore vulnus alit.
 Accedit supplex ad virginis ostia primum,
 Et sibi nutricem conciliare cupit.
 Post et Anaxareta parvis sua verba tabellis
 (Spem sub corde fonens) saepe ferenda dedit.
 Insuper ad limen lachrymis iacuisse profusis
 Fertur, & oculis multa tulisse puer.
 Illa tamen ridens, miserum contemnit amantem,
 Inq; bonum iuvenem dicta superba iacit.
 Iphis praeforibus sua verba novissima promit,
 Vincis Anaxarete, gaudia lata trahere:
 Vincis, ego morior, claros age dira triumphos,
 Funere post obitam lumina pasce meo.
 Quem spernis viuum, supera dehinc luce carentem
 Dilige forsitan exit mors mea grata tibi.
 Postibus & laquei religanit vincula, dicens:
 En tibiserta, ferox, haec placitura scio.
 Inseruitq; caput, stricta quoque fauce pependit,
 Ac posuit vitam virginis ante fores.
 Funus Anaxarete sed ubi miserabile vidit,
 In saxum duro corpore dirigit.

ALLEGORIA.

Fluctuat ambiguis eventibus ardor amantum,
 Ac raro felix est male sana Venus,
 Semper et illicitos mæror comitatur amores,
 Exitumq; proci ferre libido solet.

Romulus immortalitate donatur. X.



Post Amulij ac Numitoris (qui à patre suo Palatino, seu Proca, regnam Albanorū administrandum acceperant) interitum, Romulus urbis à se conditæ suscepit imperium. Qui cum aduersus hostes fortiter dimicasset, & bellatorem se strenuum gessisset, victoriæque potitus, omnia tandem composuisset, Martis precibus iam senior effectus) in Deorum numerum fuit translatus.

Fortibus ut patriam defendit Romulus armis,
 Ac populis leges, iuraq; sacra dedit:
 Horrida discussis mitescunt secula bellis,
 Et viget Ausonia pacis in urbe decor.
 Iliades verò numerosis obsitus annis,
 Exhaustusq; graui sorte laboris erat.
 Talibus ergò Iouem Mauors affatur, & inquit:
 Magne parens nostras accipe quaso preces.
 Res Romana suum crescit iam nata vigorem,
 Et noua prateritis prosperiora valent,
 Tempus adest nostro Genitor promissa nepoti
 Soluere, pollicitis fac satis oro tuis.
 Et raptum terra cœlis impone Quirinum,
 (Dicere te memini talia saepe mihi.)
 Annuit omnipotens precibus Mauortis, & ipsum
 Alloquitur: voti sit rata summa tui.
 Protinus obductis nigrescit nubibus aer,
 Mixtaq; cum tonitru fulgura saeva micant,
 Iliadesq; senex alto de colle palati
 Ablatus, celsi fertur ad astra poli.

ALLEGORIA.

Qui se magnanimos factis gessere probatis,
 Luorum celebris non aboletur honos:
 Gloria virtuti debetur & inclyta merces,
 Præstantesq; vigent laude perenne viri.
 Hinc olim veteres heroes ad astra leuarent
 Fortes, in superos & retulere Deos.

Hersilia in Oram Deam. XI.



Hersilia, coniux Romuli, cum amissum maritum, post immortalitatem ei attributam, defleret, Iuno Iridem ad eam descendere iussit, ut ei nunciaret, si videndi Romuli desiderio torqueretur, in collem Quirinalem se conferret: Quod cum Hersilia fecisset sidus ab æthere delapsum est, cuius lumine ipsa in altum sublata, Ora Dea nūcupari, & à Romanis coli cœpit.

ENARRATIO.

Flebat ut amissum coniux dilecta *Quirinum*,
 Irin ad *Hersiliam* radere Iuno iubet.
 Ut consternatam verbis soletur amicis,
 Exequitur virgo strenua iussa *Dea*,
 Mandat & *Hersiliae* stillantes sistere fletus.
 Tu nostros, inquit, nunc comitare gradus,
 Huic paret matrona lubens, collemq; sacratum
 Iliade scandunt, & iuga summa petunt.
 Protinus illustri delabitur aethere sidus,
 Unde resurgenti luce coruscat humus.
Hersiliae corpus cum sidere tendit in auras,
 Excipit hanc manibus *Remulus* ipse suis.
 Fit *Dea* sic, nomenq; recens adipiscitur *Ora*,
 Proq; sacro colitur numine iuncta viro.

ALLEGORIA.

Vana superstitio sibi numina plurima quondam
 Effinxit, verum deseruitq; Deum.
 Nonnulli Solem, lunam, stellasq; vagantes
 Ignari magnos cen coluere Deos.
 Pro superis etiam, quæ nos elementa vocamus,
 Elegit demens *Ethnica* turba sibi.
 Et sic in sensum gens est prolapsa nefandum
 Impia, deficiens à *Cenitore* suo.
 Debuit è rebus tamen agnouisse creatis
 Stulta, Creatoris numina quanta forent.
 Vana sed est omnis præclara scientia mundi.
 Quæ salua *Christi* cognitione caret.

FINIS LIB. XIII.

OVIDII METAM.

LIBER XV.

Hippolytus ab equis distractus. I.



Hippolytus, propter odium Phædræ nouer-
cæ, quæ ipsum ad amorem sui nefandum
allicere conabatur patria pulsus erat. Cum autē
Trœzena (quæ est vrbs Peloponnesi) proficisce-
retur, propterea quod nouerca priuignum apud
patrem accusabat, quasi ipsam de concubitu ap-
pellasset, & ob eam rem Hyppolyto Theseus
mortem esset imprecatus, illius equi à Phocis in
mari perterriti, dominum suum in frustra dilar-
niarunt.

Hippolytum frustra cùm Pasiphaëia quondã
 Alliceret patrum commaculare torum,
 Transfert in iuvenem conuerso crimine culpam
 Post modo, flagitium dissimulatq; suum.
 Aestuat, immeritumq; parens expellit ab aula,
 Hostiles diro promit & ore preces.
 Accelerat profugis natus Træ Zena quadrigæ,
 Iamq; Corinthiaci littoris arua tenet.
 Ecce fretum sauit, mons & præruptus aquarum
 Tollitur, horrendum flumina vasta tonant.
 Terribilis rupto propellitur equore Taurus,
 Qui patulo fluctus euomit ore maris.
 Corda pauent sociis, arrectiq; auribus astant
 Quadrupedes, subitò qui tremuere metu.
 Culmine precipitant currus, resupinus habenas
 Attrahit Hippolytus, sed miser inde cadit.
 Lora tenet manibus, rabies augetur equorum,
 Viscera qui domini dilaniata trahunt.

ALLEGORIA.

Pellicis exemplum tibi Pasiphaëia spurca
 Exhibet, Hippolyto quæ necis auctor erat.
 Dum patri vetitos nati mentitur amores,
 Pestibus heu quantis cor muliebrescatet.
 Vxor Iosephum simili Potipharis olim
 Crimine damnatum nequitiosa cupit:
 Carcere propterea binos includitur annos,
 Innocuus tandem compede liber abit.

Cyppus cornutus. II.



Cippo Romano Prætori, priusquam ab hoste victor rediens atque triumphans portam intraret, nouum prodigium incidit: Nâque in capite eius subito veluti cornua emerferunt responsumque est, eum regem fore si in urbem reuerteretur. Quod ne accideret, perpetuum sibi elegit exilium. Romani verò decreuerunt, vt ei tantum agri, quâ tum vno die agricola bobus posset exarare, donaretur, & capitis eius effigies æreæ portæ, qua excesserat, includeretur.

ENARRATIO.

IAm victor domito Cippus veniebat ab hoste,
 Cum sua flumineo cornua fonte videt,
 Quæ sibi temporibus fuerant enata supernè,
 Ominis ast illum terret imago noui.
 Consulit hic ratem sanctus respondet aruspex,
 Rex eris in latio, maxime Cippe, solo.
 Rex, ait, ô salve, sceptro potiere perenni,
 Ad vocem vatis retulit ille pedem.
 Et procul auertit vultus à mœnibus urbis.
 Omina dij, clamat pellite tanta precor:
 Nam potius cernant quàm me Capitolia regem,
 A patrio vitam limine pulsus agam.
 Dixit, et in campum populos sanctumq; senatum
 Conuocat atq; humeris excutit illud onus.
 Huic igitur tantum ruris conceditur, vna
 Nempe die quantum taurus arare solet.
 Postibus effigiem procures quoq; sculperè curant
 Aeratis, miræ ceu monumenta rei.

ALLEGORIA.

Curua representant quæ Cippus cornua gestat
 Robur, & excelsi pectora magna ducis.
 Tali si quis erit donatus munere, regnum
 Hunc decet, & cingens pulchra corona caput.
 Attamen à Cippo dominandi prona libido
 Absuit: is tenui sorte beatus erat.
 Scandere nunc multi cupiunt sublime tribunal,
 Aptos ad stinam quos magis esse vides.

Aesculapius inter Deos
relatus. III.



R Omani graui pestilentia laborantes, post
vbi maxima totam urbem trepidatio inua-
deret, per legatos oraculum Apollinis, de vitan-
da tam dira lue, consuluerunt, à quo cum re-
sponsi hoc accepissent, vt Æsculapij præstan-
tissimi medici opera vterentur, nobilissimi le-
gati in urbem Epidaurum, iuxta Argos sitam,
ad accersendum ipsum transmissi sunt, qui no-
ctu per somnum illis baculo, nexibus serpentis
circundato, apparuit.

OVIDII METAM.
ENARRATIO.

Dira lues quondam Latii inuaserat oris,
Multaq; perdiderat corpora pestis atrox.
Romani quarunt tristi medicamina morbo,
Quem tamen ars hominum tollere nulla potest.
Protinus accedunt Delphos, oracula Phæbi
Poscentes, adyto vox resonante venit.
Quid petis hic Romane loco medicamen ab isto?
I, pete prasidium nunc propiore loco.
Vos sanare nequit Phæbus, sed Apolline natus,
Ite bonis auib; ite vocate Deum.
Clasibus instructis Epidauria litora tangunt.
Legati, Craios & petiere patres.
Orauere simul reddi sibi numen, & cerbi
Quod luctus Roma finiat omne malum.
Disidet, & variat sententia tota senatus,
Suadet is auxilium, sed negat aliter optm.
Nox ea diuersa dum parte geruntur, opaca
Aduolat, in requiem corpora quisq; locant.
Tunc Deus in somno baculum serpente reuinctum
Gestans, Romanum constitit ante torum.

ALLEGORIA.

Filius ob medicam rectè Phæbeius artem;
Diuinum cuncto tempore nomen habet:
Nanq; bonus laudem, iustumq; meretur honorem,
Et docta medicus qui simul arte valet:
Sed malus, ac rerum cui nulla scientia dignus
Est odio, nomen carnificisq; gerit.

Aesculapius

Aesculapius in serpentem. IIII.



AEsculapius, cū à legatis Romanis vocaretur, repentē, stupentibus admiratione omnibus, in draconem mutatus, & primo in Tēplum suum congregato Senatu, deinde per mediam Epidaurum serpens, nauem legatorum ad extremum conscendit, cum quibus vectus Romanam venit, & pestiferum aërem fugans, salutisque Romanorum arte sua medica consulens, in pristinam tandem formam est conuersus, & anguinam pellem deposuit.

ENARRATIO.

Sol ubi Phœbea lustrabat lampade terræ.
 In templum procures mox rediere sacrum.
 Rursus Et apparent missi de gente Latina,
 Ut responsa ferant ciuibus inde suis.
 Ecce Deus colubri proserpit imagine tectus,
 Ac media tardum sistit in ade gradum.
 Territa turba pauent, factum mirantur, Et omnes
 Vnanimi numen pectore & ore canunt.
 Colla dehinc retro flectit draco sibila mittens,
 Per vicofq; suum dirigit vrbis iter.
 Ausonia tandem ponit rate corpus, Et vnâ
 Cum sociis Latium limen adire parat.
 Huc, ubi iam classis Laninia littora tangit,
 Obuia de populis maxima turba ruit.
 Atq; Deum lato cuncti clamore salutant,
 Qui tulit aduentu prospera fata suo:
 Nam gratus toti venitq; salutifer vrbis,
 Et medica finem luctibus arte dedit.

ALLEGORIA.

Ceu Deus hic latius fictus pulsauit ab oris,
 Grassantem rabidè per loca multa luem:
 Sic verum Christus medicum se prestat, Et atra
 Pellit ab agrota mente pericla necis.
 Corporis hic animisq; potest auferre dolores,
 Sanat & humanum si medicamen abest.
 Hunc igitur quoties te fata miserrima torquent,
 Posce salutarem non dubitanter opem.

Iulius Cæsar in stellam. V.



Iulius Cæsar factis suis præstantibus celeberrimus, multisque victoriis nobilitatus, cum à Cassio & Bruto per insidias interfectus esset, Venus animam eius excepit, & ad astra retulit, utque memoria eius perpetuò vigeret, ac posteritati nota essent illius egregia facinora, in stellam, quem Cometam vocant, eundem transmutavit.

Iulius ut fortem se Marte, togâq; probavit
 Egregium, cœli dignus honore fuit.
 Huius enim diram cùm vidit Curia cadem,
 Æneadum genitrix luctibus astra replet.
 Ac secum mœstos versat sub corde dolores,
 Tristia sed retrò vertere fata nequit,
 Ne tamen omnino careat solamine Diva,
 Iuppiter huic aliqua parte lenavit onus,
 Iussit & ad cœlos animam transferre beatam
 Caesaris, ac rutilum protinus esse inbar.
 Hanc igitur Cytherea polo de corpore raptam
 Inclusit, nec eam passa perire fuit.
 Iulius ad celsum sic est euectus Olympum,
 Stellâq; flammifero crine serena micat.

ALLEGORIA.

Caesaris ad superas animam ceu sustulit arces,
 Inter & hanc posuit sidera clara, Venus:
 Sic animas Christus de carcere corporis arcto
 Euehit ad cœli libera templa pias.
 Nempe tabernaculum fragili de pulvere cretum,
 In cineres quando (morte vocante) redit,
 Tunc mens pura Dei fruitur letissima vultu,
 Degit et Angelicos inter amœna choros.
 Dum veniat summi certissima meta diei,
 Quo Deus è tumulis ossa sepulta ciet:
 Tunc animæ corpus iungetur, et utrâq; factis
 Premia portabunt quæ meruere suis.

F I N I S.



INDEX FABV-

L A R V M.

Acis & Galathea i 60

A Chelous. 100. 187

Achillis arma. 150

Acteon. 40. 41

Adonis. 127. 128. 131

Æneapietas in parentē

159

Æneanaves in Nym-

phas. 168

Æneas in Deum. 169

Æacus rex. 85

Æsacus in mergum. 144

Æsculapius. 176. 177

Ætas aurea. 3

Ætas argentea. 4

Ætas anea & ferrea. 5

Ajax in gladium spōtē

incumbit. 152

Amathusij in tauros. 123

Anaxarete ī lapidē 171

Andromede. 57

Apollo Pythona inter-

ficit. 12.

Aper Calydonius. 97

Appulus in oleastrū 167

Arcas & Calisto 27

Arcthusa. 66

Argus. 17. 19

Aeson. 80

Ariadne. 94

Atalāta in Leenā. 130

Athamas. 53. 54

Atlas in montem. 56

Alpheus. 66

Aureum vellus. 78

B *Acchus.* 44. 46

Batt⁹ in lapidē. 32

Baucis. 102

Bellum Troianum. 146

Byblis. 113. 114

Boreas Orithyā rapit 76

C *Admus.* 37. 38. 55

Cenis puella in vi-

A. A. ii j.

INDEX.

<i>Galisto.</i>	25.26	104.105.106
<i>Caunus.</i>	113	<i>Europa.</i> 36
<i>Cephal^o.</i> 85.88.89.90		<i>Eurydice.</i> 117.118
<i>Centauri.</i>	149	
<i>Cerberus</i>	84	
<i>Ceres.</i>	65	
<i>Ceycis naufragium.</i> 140		
<i>Chaos.</i>	1	
<i>Cippus.</i>	175	
<i>Cygnus in an^e.</i> 82.147		
<i>Cyparissus.</i>	120	
<i>Coronis in Cornicem.</i> 29		
<i>Coronis alia à Phæbo</i>		
<i>interfecta.</i>	30	
<i>Concilium Deorum.</i>	7	
<i>Creatio hominis.</i>	2	

D <i>Aphne à Phæbo</i>	
<i>amata.</i>	13
<i>Daphne in laurum.</i>	14
<i>Dadalus.</i>	95.96
<i>Deianira.</i>	107
<i>Deucalion.</i>	10
<i>Diluvium.</i>	9
<i>Dryope.</i>	112

E <i>richthonius.</i>	28
<i>Erifichthon.</i>	103

F <i>ormica in homines</i>	
87	
<i>Furia.</i>	52

G <i>Anymedes.</i>	121
<i>Gigantomachia.</i>	
6	

H <i>Ecuba.</i>	151.156
<i>Helicon.</i>	61
<i>Halcyone.</i>	141.143
<i>Heliades.</i>	23
<i>Hercules.</i>	84.107.108

109.110.111	
<i>Herse.</i>	33
<i>Herfilia.</i>	173
<i>Hippomenes.</i>	129.130
<i>Hippolytus.</i>	174
<i>Hyacinthus.</i>	122
<i>Homines ex lapidib^o</i>	11
<i>Homines ex formicis.</i>	87

I <i>ason.</i>	77.78
<i>Icarus.</i>	95

INDEX.

<i>Ino.</i>	54	<i>Memnon,</i>	158
<i>Invidia.</i>	34.35	<i>Midas.</i>	134.135
<i>Io à Ioue amata.</i>	15	<i>Myrrha.</i>	125.126.127
<i>Io in vaccam.</i>	16		
<i>Iphigenia.</i>	145		
<i>Iphis in puerum.</i>	116		
<i>Iris.</i>	141.142.173		
<i>Isis Dea.</i>	115.116		
<i>Itis à matre cæsus.</i>	75		
<i>Iulii Cæsaris anima in</i>			
<i>Cometam.</i>	178		
<i>Iuno.</i>	16.52		

L *Apitharum Et Cæ-*
taurorum coniuii.
 149

<i>Latona.</i>	69
<i>Lyncus.</i>	67
<i>Leucothoë.</i>	50
<i>Lycaon in lupum.</i>	8
<i>Lupus in lapidem.</i>	139

M <i>Arctias excoria-</i>	
<i>tus.</i>	70
<i>Mars cum Venere de-</i>	
<i>prehensus.</i>	49
<i>Medusa.</i>	58
<i>Medea.</i>	77.79.80.83
<i>Meleager.</i>	97.9.99

N <i>Arcissus.</i>	43
<i>Nauta in Del-</i>	
<i>phinæ.</i>	45
<i>Niobe.</i>	68
<i>Nisus rex.</i>	91.92

O <i>Cyrhoë Centauri</i>	
<i>filia.</i>	31
<i>Orithyia.</i>	76
<i>Orpheus à Bacchis di-</i>	
<i>scerpitur.</i>	132

P <i>Allas.</i>	61
<i>Pandion.</i>	72
<i>Pegasus.</i>	56.58
<i>Pelias.</i>	81
<i>Phineus.</i>	60
<i>Perdix.</i>	96
<i>Pentheus.</i>	48
<i>Persens.</i>	57.58.59
<i>Phaëton.</i>	20.21.22
<i>Phæbi querela de filio</i>	
<i>interempto.</i>	24
<i>Philemon.</i>	101.102
<i>Philomela.</i>	72.73.74

INDEX.

<i>Pigmalionis eburnea cō-</i>		<i>Scylla in monstrum.</i>	163
<i>aux.</i>	124	<i>Semele.</i>	42
<i>Picus in auem.</i>	166	<i>Somni domus.</i>	142
<i>Pyramus.</i>	47.48	<i>Superbia punita</i>	68.138
<i>Pyreneus.</i>	62	<i>Syrinx in arundinē.</i>	18
<i>Python-serpens</i>	12		
<i>Pyrihoi nuptia.</i>	149	T <i>Ereus.</i>	71.72.73
<i>Pluto.</i>	63	<i>Thetis.</i>	137
<i>Polydorus.</i>	154.156	<i>Thesens.</i>	94
<i>Polymestor.</i>	154.157	<i>Thisbe.</i>	47.48
<i>Polyphem⁹</i>	160.161.164	<i>Triptolemus.</i>	67
<i>Pomona.</i>	170	<i>Troia condita.</i>	136
<i>Procris.</i>	89.90		
<i>Progne.</i>	71.74.75	V <i>Enas cum Marto</i>	
<i>Proserpina raptus.</i>	64	<i>deprehensa.</i>	49
		<i>Venus Adonim amat.</i>	
R <i>omulus indeū.</i>	172		128
<i>Rustici in ranas</i>	69	<i>Vertumnus.</i>	170
		<i>Vlyssis socij in sues.</i>	165
S <i>almacis fons.</i>	51		
<i>Scylla Nisi.</i>	91.92.93		

FINIS.



IOHANNIS POSTHII

GERMERSHEMII.

E Er quiq, libris Naso dicit in nouas
Mutata formas corpora,
Eos, amice Iane, tu sic explicas
Laborioso carmine,
Labore multo plurimos ut subleues,
Cordi quibus sunt talia.
Quare cohors studiosa maximas aget
Tuo labori gratias.
Et Sprengij nomen dehinc in omnibus
Fiet Scholis notissimum.
Nec non & hisce conferentur versibus.
Quæ lusimus Tetrastica.
Et quos amor, nouemque iunxerunt Dæa,
Hos iunget ætas postera.

THE UNIVERSITY OF CHICAGO

LIBRARY

PHYSICS

1911

1912

1913

1914

1915

1916

1917

1918

SPECIAL 92-
B13028

THE GETTY CENTER
LIBRARY

191

